

AN TARDEASPAG TOMÁS CRÓC

D'íoc CLG £3,500 in 1913 le Frank B Dineen as an bpáirc spóirt ag Bóthar Mhic Sheoin agus tugadh Páirc an Chrócaigh air in ómós dá gcéad phátrún. Rugadh an Chrócach i mBealtaine 1823 in aice le Ceann Toirc i gCo. Corcaigh. Bhí a athair ina Chaitliceach agus a mháthair ina Protastúnach, ní raibh muintir a mháthar sásta leis an bpósadh agus nuair a fuair a athair William bás go tobann, thug a uncail, an tAthair Thomas Croke, sagart paróiste sa Ráth, aire dó. Cuireadh oideachas ar an Tomás óg i bPáras agus níos déanaí sa Róimh áit ar oirníodh é in 1847. Chaith sé 20 bliain i gCluain agus bhí sé ina Ardeaspag ar Auckland sa Nua-Shéalainn ó 1870-1874, sular fhill sé ar Éirinn mar Ardeaspag Chaisil. Céim ríthábhachtach i stair na heaglaise Caitlicí ab' ea dara leath an naóú céad déag mar bhí fuascailt faighte ag na Caitlicigh agus bhí sí ar cheann de na hinstiúidí ba mó tionchair i sochaí na hÉireann agus níos faide i gcéin. Bhí an Crócach ar dhuine de na daoine ba mhó tionchair san eaglais ag an am. Ba dhuine tábhachtach é i gcuid mhór de na príomhghluaiseachtaí sóisialta agus polaitiúla sa tréimhse i ndiaidh an Ghorta Mhóir, lena n-áirítear méadú ar dheiseanna oideachais do Chaitlicigh na hÉireann agus na feachtais ar son cearta na dtionóntaí agus Rialtas Dúchais. Thacaigh sé le bunú CLG agus ghlac sé go fonnmar leis an gcuireadh páirt a ghlacadh ann mar chéad phatrún. Thug a thacaíocht deis don CLG laethanta an Domhnaigh a ainmniú mar laethanta na gcluichí, agus chabhraigh sé le deireadh a chur le deighiltí i luathbhlianta suaite an Chumainn. Litir an Dr Uí Chrócaigh

MUIRIS Ó DAIMHÍN

Ba as Carraig na Siúire i gCo. Thiobraid Árann do Maurice Davin. Rugadh é sa bhliain 1842 agus toghadh é mar chéad Uachtarán CLG in 1884. Feirmeoir é a raibh gnó rathúil aige ag iompar earraí ar an abhann agus bhí cáil idirnáisiúnta air as a chumas lúthchleasaíochta. Bhí sé san iomaíocht sa chéad imeacht lúthchleasaíochta idirnáisiúnta riamh, idir Éirinn agus Sasana, a reáchtáladh ar Bóthar Lansdún in 1876, agus le linn a ghairmréime fada bhain sé amach curiarrachtaí maidir le chaitheamh an chasúir agus caitheamh meáchain, chomh maith le bheith ina iomróir agus ina dhornálaí éirimiúil den scoth. Bhí an díograis céanna ann is a bhí i Michael Cusack maidir cur chun cinn lúthchleasa na hÉireann. Thacaigh Davin go tréan le peil na hÉireann agus bhí páirt mhór aige maidir le bunú rialacha oifigiúla caighdeánacha d'imeachtaí iomána, peile agus lúthchleasaíochta CLG in 1885 nuair a ceadaíodh bunú clubanna nua agus cuireadh rath ar na cluichí. Bhí clú agus cáil idirnáisiúnta air agus tréithe ceannaireachta ann sa chaoi go mba mhór an chabhair é don CLG agus iad ag iarraidh cuid lárnach de shaol na hÉireann a dhéanamh den chumann. Athainmníodh Cuid na Canála i bPáirc an Chrócaigh mar Seastán Davin ina onóir.

MICHEÁL CÍOSÓG

Rugadh Cusack sa Charn i gCo. an Chláir sa bhliain 1847, agus bhíodh sé an díograiseach maidir le cúrsaí spóirt. Múinteoir scoile ab ea é a raibh roinnt post aige ar fud na hÉireann, bhunaigh sé Acadamh Cusack i mBaile Átha Cliath ar éirigh go maith leis agus inar ullmhaíodh scoláirí do scrúduithe státseirbhíse. Cúis inspioráide ba ea deiseanna spóirt a sholáthar don ghnáth-shaoránaigh agus go mbeadh smacht na hÉireann ar lúthchleasaíocht na hÉireann. díríodh níos déanaí ar athbheochan na hiomána a bhí ar eolas ag Cusack ina óige agus a raibh rún aige í a shábháil ó dhul in éag. Mar gheall ar bhunú roinnt clubanna iomána i 1883 agus go luath i 1884, mar aon le feachtas láidir bolscaireachta sna meáin chumarsáide, agus tacaíocht fhorleathan d'athbheochan spóirt Éireannacha cuireadh cruinniú ar siúl in Óstán Hayes i nDurlas Éile i dTiobraid Árann ar an 1 Samhain 1884, áit ar bunaíodh Cumann Lúthchleas Gael go hoifigiúil

agus inar ceapadh Cusack, John McKay agus John Wyse-Power mar thriúr rúnaí an chumainn. Tá Seastán Uí Chíosóg i bPáirc an Chrócaigh ainmnithe ina onóir.

CUMANN LÚTHCHLEAS GAEL

(Bunaithe 1884)

An Treoir Oifigiúil - Cuid 1

Ina bhfuil Bunreacht agus Rialacha CLG ann agus iad leasaithe agus ceartaithe agus cothrom le dáta, agus foilsithe le húdarás na hArd-Chomhairle.

Sáraíonn an foilseachán seo gach leagan a foilsíodh roimhe seo.

GACH CEART AR COSAINT

© Arna fhoilsiú ag Ard-Chomhairle an Chumann, Páirc an Chrócaigh, Baile Átha Cliath 3.

Le héifeacht ón 18 Márta, 2023.

CAIBIDIL 1 - AIDHMEANNA AGUS ÉITEAS

CLÁR NA nÁBHAR

	Leathanach
CAIBIDIL 1: AIDHMEANNA AGUS ÉITEAS	3
Aonaid/Dlínse	3
Stádas Amaitéarach	4
Neamhpháirtí Polaitíochta	4
Frithsheicteach/Frithchiníoch	4
Cosaint Leanaí/Daoine Óga (Faoi bhun 18 mbliana d'aois)	4
Cód Iompair	5
Frithdhópáil	5
Feisteas agus Trealamh Imeartha	5
CAIBIDIL 2: BALLRAÍOCHT AGUS CLÁRÚ	6
CAIBIDIL 3: STRUCHTÚIR EAGRAÍOCHTA:	
COMHDHÉANAMH, CUMHACHTAÍ AGUS FEIDHMEANNA	7
An Club	7
An Contae - Coinbhinsiún	9
An Contae - Coiste	11
An Cúige - Coinbhinsiún	18
An Cúige - Comhairle	19
Náisiúnta - Comhdháil	24
Náisiúnta - Ard-Chomhairle	26

Náisiúnta - Coistí Láir	29
CLG an Domhain	33
Liathróid Láimhe	34
Cluiche Corr	34
Institiúidí Oideachais	34
Cumann Imreoirí Gael	34
Imeacht ó Rialacha	34
Cúinsí Speisialta Éigeandála	35

CAIBIDIL 4: RIARACHÁN:

RIALACHÁIN RIARACHÁIN, PRÓTACAIL AGUS RIALUITHE	
AGUS RIALUITHE	36
Oifig Thoghthach	36
Córam	36
Vótáil	36
Forálacha Coistí Idirthréimhseacha	36

CAIBIDIL 5: RIALÚ MHAOIN AN CHUMAINN

Úsáid na Maoine	37
Cumhachtaí	37
Trusts of Maoin	37

CAIBIDIL 6: CLUICHÍ AGUS COMÓRTAIS

Incháilitheacht Igeartha/Aistrithe/Dearbhuithe	39
Craobhchomórtais Idirchontae Faoi bhun	47

CAIBIDIL 7: FORFHEIDHMIÚ NA RIALACHA/EADRÁNA

Calaoisí	55
Fionraíocht	62
Agóidí	66
Achomhairc	68
Imreoirí a Thabhairt Ar Ais	71
Eadráin	71
Cásanna Tarchurtha - Bunú na gCoistí	71

AGUISÍNÍ:

Aguisín 1: Léirmhínte agus Sainmhínte	72
Aguisín 2: Cóid, Treoirínte agus Treoracha CLG	73
Aguisín 3: Róta Pheil Mhionúr na hÉireann	74
Aguisín 4: Contaetha a bhfuil cead acu leas a bhaint as Rialacha 6.6 (b)(iii) & 6.9(b)(iii)	75
Aguisín 5: Bunreacht agus Rialacha an Chlub	89

UACHTARÁIN	102
------------	-----

ARD-RÚNAITHE/ARD-STIÚRTHÓIRÍ	102
------------------------------	-----

INNÉACS	104
---------	-----

CAIBIDIL 1 - AIDHMEANNA AGUS ÉITEAS

1.1 Ainm

Is é is ainm don Chumann: “Cumann Lúthchleas Gael”.

1.2 Bunaidhm

Tá sé mar bhunaidhm ag an gCumann an Féiniúlacht Náisiúnta a neartú i 32 Chontae na hÉireann trí chluichí agus caitheamh aimsire Gaelach a chaomhnú agus a chur chun cinn. Is é an Bord Rialaithe Idirnáisiúnta atá freagrach as cur chun cinn na gCluichí Gaelacha agus Aidhmeanna agus Éiteas an Chumainn.

1.3 Cluichí Náisiúnta

Déanfaidh an Cumann na cluichí Náisiúnta Iománaíochta, na Peile Gaelaí, Liathróid Láimhe agus Cluiche Corr, agus cluichí ar bith eile dá leithéid, arna gceadú nó arna bhfaomhadh ag an gComhdháil Bhliantúil a chur chun cinn agus a rialú.

1.4 Aidhmeanna Eile

(a) Tacóidh an Cumann go gníomhach leis an nGaeilge, damhsa, ceol, amhránaíocht traidisiúnta na hÉireann, agus le gnéithe eile de chultúr na hÉireann. Cothóidh sé feachtas agus gealltanas ar na hidéil náisiúnta i muintir na hÉireann, agus cuideoidh sé le spiorad pobail a chur chun cinn trína chlubanna.

(b) Déanfaidh an Cumann a aidhmeanna a chur chun cinn i measc pobal ar an gcoigríoch trína Aonaid Idirnáisiúnta agus tríd an CLG Domhanda.

(c) Tacóidh an Cumann le cur chun cinn na Camógaíochta agus Pheil na mBan.

(d) Déanfaidh an Cumann gach dícheall praiticiúil chun tacaíocht a thabhairt do Thionscail na hÉireann go háirithe i ndáil le soláthar trófaí agus feistis agus trealamh imeartha.

1.5 Tiomantas

Bainfear úsáid as an gCumann agus as a acmhainní le haghaidh na n-aidhmeanna thuas agus beidh siad tiomanta do na haidhmeanna thuas amháin.

1.6 Leaganacha Gaeilge/Béarla de Rialacha & de Chóid

Foilseofar Rialacha agus Cóid an Chumainn i nGaeilge agus i mBéarla.

1.7 Aonaid/Dlínse

Eagraíocht dhaonlathach is ea an Cumann ina gcuimsítear na haonaid seo a leanas:

- (a) Clubanna
- (b) Coistí Contae
- (c) Comhairlí Cúige
- (d) Ard-Chomhairle
- (e) Comhdháil Bhliantúil

Beidh comhaltaí an Chumainn, de bhua an chaoi gur chomhaltaí iad, faoi réir dhlínse Rialacha, Cóid, Fhodhlíthe agus Rialacháin an Chumainn, a rialóidh an gaol idir na haonaid éagsúla, idir comhaltaí, agus idir comhaltaí agus aonaid.

Beidh baill agus aonaid faoi cheangal díospóid ar bith agus gach díospóid a thiocfadh chun cinn a réiteach, faoi chuimsiú na nósanna imeachta, an Chórais Achomhairc agus na bhForálacha Réitigh Díospóidí reatha arna leagan amach sna Rialacha seo.

Ní rachaidh baill i muinín imeachtaí cúirte ag tabhairt neamhaird ar na nósanna imeachta, ar an gCóras Achomhairc agus ar na Forálacha Réitigh Díospóidí sin.

1.8 Stádas Amaitéarach

Cumann Amaitéarach is ea an Cumann. Ní ghlacfaidh imreoir, foireann, oifigeach nó ball íocaíocht in airgead tirim nó íocaíocht chomhchineáil i gcomhar le himirt na gCluichí Gaelacha. Ní cheadóidh imreoir, foireann, oifigeach nó ball é féin/iad féin a chur faoi chonradh le haon ghníomhaire seachas na cinn atá ceadaithe go hoifigiúil ag an Ard-Chomhairle. Ní bheidh na speansais a íocfar le hoifigigh, imreoirí agus baill níos mó ná na rátaí caighdeánacha atá leagtha síos ag an Ard-Chomhairle.

Ní ghlacfaidh baill an Chumainn páirt in oiliúint lánaimseartha. Ní chuirfear toirmeasc ar íocaíocht tuarastal nó pána d'fhostaithe an Chumainn leis an Riail seo.

Pionós: Fionraíocht nó Ruaigeadh ceithre seachtaine is fiche.

1.9 Neamhpháirtí Polaitiúil

Beidh an Cumann ina neamhpháirtí polaitiúil. Ní phléifear ceisteanna polaitiúla páirtí ag a chruinnithe, agus ní ghlacfaidh Coiste, Club, Comhairle, nó ionadaí ar bith thar a gceann, páirt, mar sin, i ngluaiseacht pholaitiúil páirtí ar bith. D'fhéadfaí pionós suas le fionraíocht ceithre seachtaine is fiche a ghearradh mar gheall ar shárú.

1.10 Frithsheicteach/Frithchiníoch

Tá an Cumann ina Chumann Frithsheicteach, Frithchiníoch agus tá sé tiomanta do phrionsabail an chuimsithe agus na héagsúlachta ar gach leibhéal. Iompar ar bith trí ghníomh, trí fhocal, nó trí chomhartha seicteach nó ciníoch ar bith a thagann salach ar phrionsabail an chuimsithe agus na héagsúlachta i gcoinne imreora, oifigigh, duine den lucht féachana nó duine ar bith, i rith gníomhaíochtaí a bheidh eagraithe ag an gCumann, measfar gur tharraing siad míchlú ar an gCumann.

1.11 Leanaí/Daoine óga (faoi bhun 18 mbliana d'Aois) a chosaint

(a) Déanfaidh an Cumann leasanna agus folláine na ndaoine óga uile faoi bhun 18 mbliana d'aois atá bainteach ina chluichí agus i ngníomhaíochtaí gaolmhara a chosaint agus a chur chun cinn.

(b) Déanfaidh an Cumann gach beart praiticiúil chun iad a chosaint ar gach cineál inbhraite mí-úsáide, ar chontúirt, ar idirdhealú nó ar chaitheamh maslach, agus beidh meas aige ar a gcearta, a mianta agus a mothúcháin.

(c) Beidh Cód Dea-Chleachtais Iompair (Faoi bhun Aoise) i bhfeidhm ag an Ard-Chomhairle chun leanaí/daoine óga faoi bhun 18 mbliana d'aois a chosaint agus a choinneáil sábháilte (lena n-áirítear na nósanna imeachta um smachtú agus nósanna imeachta eile a chuirfear i bhfeidhm i gcás go sárófaí an Cód sin) agus beidh siad i dteideal foráil ar bith sa Chód a leasú nó a aisghairm ó am go chéile. Déanfaidh an Cód foráil maidir leis an mbealach ina gcinneadh cibé acu an ndéanfar na nósanna imeachta faoin gCód nó forálacha Riail 7 agus Chód 16 a agairt in aon chás ar leith.

(d) Saineofar sa Chód na nósanna imeachta um smachtú a chuirfear i bhfeidhm mar gheall ar shárúithe ar an gCód. Leis an Riail tabharfar agus bunófar údarás chun na feidhmeanna agus na gníomhaíochtaí go léir a chomhlíonadh de réir an Chóid agus na dTreoirínte.

(e) Beidh Treoir CLG chun Déileáil le Líomhaintí Mí-Úsáide agus iad a Thuairisciú i bhfeidhm ag an Ard-Chomhairle. Déileálfar go heisiach le líomhaintí agus gearáin faoi mhí-úsáid de réir fhorálacha na dTreoirí seo agus ní faoi aon fhoráil eile de na Rialacha seo nó faoi Bhunreacht an Chlub.

1.12 Cód Iompair

Glacfaidh an Ard-Chomhairle le Cód Iompraíochta d'Oifigigh, do Chomhaltaí, d'Imreoirí, do Thuismitheoirí/Chaomhnóirí, do Mheantóirí, do Thacadóirí, d'Oifigigh Chluiche, d'Fhoirne, d'Aonaid agus do Dhaoine nach Comhaltaí iad, trína shaineofar iompar agus cleachtas cuí. Saineofar sa Chód na nósanna imeachta um smachtú a chuirfear i bhfeidhm mar gheall ar shárúithe ar an gCód. Leis an Riail tabharfar agus bunófar údarás chun na feidhmeanna agus na gníomhaíochtaí go léir a chomhlíonadh de réir an Chóid.

1.13 Rialacha Frithdhópála/Coiste um Rialú Dópála

(a) Toirmeascann an Cumann substaintí nó modhanna toirmisce a úsáid, cleachtas ar a dtugtar dópáil sa spórt de ghnáth. Is iad Rialacha an Chumainn maidir le dópáil ná Rialacha Frithdhópála (“ADR”) na hÉireann arna nglacadh ag Spórt Éireann agus arna leasú ó am go céile. Is féidir an leagan is déanaí a íoslódáil ó <http://sportireland.ie/anti-doping>. Beidh éifeacht ag na Rialacha atá san ADR sin agus forléireofar iad mar Rialacha an Chumainn.

Cloífidh Aonaid Idirnáisiúnta leis an reachtaíocht um Fhrithdhópáil ina dTíortha oibríochta faoi seach.

Bunóidh an Ard-Chomhairle coiste ar a dtabharfar an Coiste Rialaithe Frithdhópála agus saineoidh sí dó na feidhmeanna sin de chuid an Chumainn a bhaineann le cosc ar dhópáil i gcluichí an Chumainn de réir mar is cuí leis.

(b) Craobh Shinsir Idirchontae

Caithfidh imreoir ar mian leis nó léi páirt a ghlacadh i gcluiche Craobh Shinsearach Idir-Chontae cúrsa oideachais frithdhópála ar líne CLG a chríochnú i rith bhliain na gcomórtas Craoibhe sin.

Pionós: Fionraíocht Cluiche Amháin sa Chód céanna ar an Leibhéal céanna, a bheidh infheidhme leis an gcéad chluiche eile sa tSraith Náisiúnta nó Craobhchomórtas Idirchontae na Sinsear, fiú má bhíonn an cluiche sin ar siúl i gcomórtas na bliana dár gcionn.

(c) Sraitheanna Náisiúnta

Caithfidh imreoir ar mian leis nó léi páirt a ghlacadh i gcluiche sa tSraith Náisiúnta cúrsa oideachais frithdhópála ar líne CLG a bheith críochnaithe aige nó aici le 12 mhí roimhe sin.

Pionós: Fionraíocht Cluiche Amháin sa Chód céanna ar an Leibhéal céanna, a bheidh infheidhme leis an gcéad chluiche eile sa tSraith Náisiúnta nó Craobhchomórtas Idirchontae na Sinsear, fiú má bhíonn an cluiche sin ar siúl i gcomórtas na bliana dár gcionn.

1.14 Feisteas agus Trealamh Imeartha

Na geansaithe, brístí gairide, stocaí, cultacha spóirt (barréidí agus brístí) agus málaí spóirt uile, a chaitear/nó a úsáidtear le haghaidh cluichí oifigiúla, in agallaimh teilifíse nó físe réamhchluiche nó iarchluiche, siúl suas agus grianghraif imreoirí, beidh siad déanta in Éirinn. Beidh an ceanglas seo i bhfeidhm ar fheisteas imeartha macasamhlach chomh maith.

CAIBIDIL 2 BALLRAÍOCHT AGUS CLÁRÚ

2.1 Ballraíocht

(a) Beidh trí chineál Ballraíochta sa Chumann:

(i) Ballraíocht Iomlán, do dhaoine os cionn 18 mbliana d'aois (i.e. beidh a 18ú breithlá slánaithe acu roimh an 1 Eanáir de Bhliain na Ballraíochta).

(ii) Ballraíocht Faoi Aois, do dhaoine faoi 18 mbliana d'aois agus Os cionn 9 mbliana d'aois (i.e. beidh a 18ú breithlá slánaithe acu an 1 Eanáir de Bhliain na Ballraíochta nó ar dháta ina dhiaidh sin agus beidh a 9ú mbreithlá slánaithe acu roimh an 1 Eanáir de Bhliain na Ballraíochta).

(iii) Ballraíocht Leanaí, do leanaí Faoi 9 mbliana d'aois (i.e. beidh a 9ú breithlá slánaithe acu ar an 1 Eanáir de Bhliain na Ballraíochta nó ar dháta ina dhiaidh sin). Nuair a rachaidh Ballraíocht Linbh den Chumann in éag, is féidir le duine iarratas ar Bhallraíocht Óige an Chumainn a dhéanamh trí Chlub a bhfuil an leanbh i dteideal imirt air.

(b) Is é an Club amháin a dheonóidh ballraíocht den Chumann, do dhaoine a thoilíonn agus a gheallfaidh aidhmeanna agus cuspóirí Chumann Lúthchleas Gael a chur chun cinn, mar atá luaite sa Treoir Oifigiúil.

(c) Beidh daoine ina mBaill Iomlána nó ina mBaill Óige den Chumann nuair a faomhtar iad mar Bhaill Iomlána nó mar Bhaill Óige faoi seach de Chlub. A luaithe a dheonófar é, leanfaidh Ballraíocht Iomlán an Chumainn ar aghaidh ar feadh a shaol, agus leanfaidh Comhaltas Óige ar aghaidh go dtí deireadh na bliana ina gceiliúrfaidh na comhaltaí a n-ochtú breithlá déag, agus ag an am sin beidh orthu a gcéad íocaíocht suibscríbhinne comhaltais eile a íoc mar Bhaill Iomlán, mura rud é go n-éireoidh an comhalta as i scríbhinn, nó go ndéantar é nó í a dhíbirt de réir na Treorach Oifigiúla. Aon Bhaill a éireoidh as a bhallraíocht den Chumann agus a fhéachann dá éis sin chun athiarratas a dhéanamh ar bhallraíocht beidh an té sin teoranta d'iarratas den sórt sin a dhéanamh chuig an gClub ar bhall é nó í díreach sular éirigh sé nó sí as.

(d) Braithfidh cearta bhaill an Chumainn ar an gcaoi a gcomhlíonann an bhaill Rialacha, Cóid agus Rialacháin an Chumainn agus an Chlub, lena n-áirítear aon Táillí agus Tobhaigh Bhallraíochta Bhliantúla a íoc. Féadfar cearta den sórt sin a choinneáil siar, a shrianadh nó a chur ar fionraí de réir Rialacha, Cóid agus Rialacháin an Chumainn agus an Chlub. Faoi réir an mhéid thuas, ní bheidh ach Baill Iomlána Cláraithe amháin i dteideal vótáil ag Cruinnithe an Chlub, lena n-áirítear an Cruinnithe Ginearálta Bliantúil.

(e) Leagfar amach i mBunreacht Oifigiúil na gClub na Rialacha, na Cóid agus na Rialacháin a rialaíonn iarratais ar Bhallraíocht.

(f) Mairfidh Ballraíocht i gCumann Lúthchleas Gael ón 1 Eanáir go dtí an 31 Nollaig gach bliain.

(g) Baill Iomlána amháin a bhfuil a síntiúis bhliantúla íoctha acu lena gClubanna faoin dáta dlíte arna shocrú ag Coiste Feidhmiúcháin an Chlub (a reáchtálfar ar nó roimh an 31ú Márta gach bliain) i dteideal vótáil ag an gCoiste Feidhmiúcháin, duine a ainmniú nó vóta a lorg ag aon Chruinniú Ginearálta den Chlub ina dhiaidh sin a thionólfar suas go dtí agus lena n-áirítear an dáta dlíte chun Síntiúis bhliantúil an Chlub a íoc don Bhliain Bhallraíochta dár gcionn. Is ar na baill atá an dualgas a chruthú gur íoc siad a Síntiúis bhallraíochta.

CAIBIDIL 3 - STRUCHTÚIR EAGRAÍOCHTA: COMHDHÉANAMH, CUMHACHTAÍ AGUS FEIDHMEANNA

An Club

3.1 An Club

(a) Is é an Club bunaonad an Chumainn, agus beidh sé mar chuspóir aige aidhmeanna an Chumainn a chur chun cinn ar an leibhéal áitiúil, mar a shonraítear sa Treoir Oifigiúil seo.

(b) Beidh sé de cheangal ar Chlub cóip reatha den Treoir Oifigiúil a fháil, agus measfar go bhfuil eolas iomlán ag a chomhaltaí ar na Rialacha, na Cóid agus na Rialacháin atá ann, agus beidh siad faoi cheangal acu. Beidh Club freagrach as iompar a bhaill agus a leantóirí aitheanta.

(c) Beidh Club ina Aonad a bheidh i dteideal páirt a ghlacadh i gCraobhchomórtas na Sinsear, Ildirmheánach nó na Sóisear. Eisceacht:

Féadfaidh Coiste Bainistíochta na hArd-Chomhairle breathnú ar iarratas ar imeacht ón Riail seo arna chur isteach ag Coiste Contae i scríbhinn agus má fhaomhtar é cinnfidh sé a Théarmaí.

3.2 Ainm an Chlub

Ní thabharfar ainm ar an gClub as duine beo nó as eagraíocht pholaitiúil nó leathpholaitiúil reatha ar bith. Ní foláir nó go mbeidh ainm Gaeilge air.

Ní mór tromlach trí chúigiú de na baill atá i dteideal vóta a chaitheamh a bheidh i láthair ag Cruinniú Ginearálta chun vótáil faoi rún chun ainm Club a athrú.

3.3 Bunreacht an Chlub

Is é Bunreacht Oifigiúil na gClub, arna cheadú ag an gComhdháil agus atá leagtha amach in Aguisín 4 den Treoir Oifigiúil seo, a rialóidh gnóthaí gach Club. Glacfaidh gach Club an fhoirm chuí de Bhunreacht Oifigiúil na gClub ag Cruinniú Ginearálta. Féadfar breisithe agus leasuithe ar Bhunreacht Club féin a dhéanamh ag Cruinniú Ginearálta, mar a fhorordaítear in Airteagal 14.1 de Bhunreacht Oifigiúil na gClub, ar choinníoll nach dtagann siad salach ar Bhunreacht Oifigiúil an Chlub nó ar an Treoir Oifigiúil agus go gcuirfear isteach i scríbhinn iad chuig Coiste Bainistíochta an Chontae agus go gceadófar é. Féach Aguisín 4.

3.4 Club a Dhíbirt

Má dhéantar Club a dhíbirt as an gCumann, agus go bhfanfaidh, tar éis a fhiacha agus a dhliteanais go léir a bheith glanta, maoin ar bith, ní íocfar nó ní dháilfear an céanna ar na comhaltaí, ach leanfaidh na hlontaobhaithe de bheith ina seilbh ar iontaobhas do Choiste Contae an Chumainn, lena chaitheamh mar ordóidh an Coiste Contae sin.

3.5 Club a Fhoirceannadh

Ní rithfear rún chun Club a fhoirceannadh ach amháin ag Cruinniú Ginearálta, a ghairfear go speisialta chun críche rúin dá leithéid, má bhíonn sé tacaithe ag líon nach lú ná trí cheathrú díobh siúd a bheidh i láthair, a bheidh i dteideal vóta a chaitheamh agus a bheidh ag vótáil. Ar fhoirceannadh dá leithéid, má bhíonn maoin ar bith ar chor ar bith fágtha, i ndiaidh shásamh a fhiach agus a dhliteanas uile, ní íocfar an mhaoin sin le baill, oifigigh nó fostaithe an Chlub, nó ní dháilfear ina measc í, ach coinneoidh na hlontaobhaithe ar iontaobhas í do Choiste Contae cuí an Chumainn, lena diúscairt faoi mar a ordóidh an Coiste Contae sin, ach ní íocfaidh siad an mhaoin leis na baill, na hoifigigh nó na fostaithe, nó ní dháilfidh siad í ina measc i gcás ar bith.

Beidh cinneadh ar bith maidir le Club a Fhoirceannadh faoi réir fhaomhadh an Choiste Contae.

D'ainneoin an méid thuas, sa chás go dteipeann ar Chlub Cód 4.3 a chomhlíonadh agus/nó go dteipeann air páirt a ghlacadh in aon chomórtas in dhá Bhliain Chomórtais as a chéile, measfar an Club a bheith foirceannta, agus na forálacha thuas den Riail seo a bheith lán-éifeachtúil amhail is gur glacadh agus gur faomhadh iad de réir an nós imeachta atá leagtha amach.

3.6 Cónascadh Clubanna

Ní rithfear rún chun dhá Chlub nó níos mó a chónascadh ach amháin ag Cruinnithe Ginearálta de na Clubanna lena mbaineann, a ghairfear go speisialta chun críche rúin dá leithéid, má bhíonn sé tacaithe ag gach ceann de na cruinnithe faoi seach, ag líon nach lú ná trí cheathrú díobh siúd a bheidh i láthair, a bheidh i dteideal vóta a chaitheamh agus a bheidh ag vótáil.

Is i mballóid rúnda a dhéanfar vótáil faoi chónascadh. Déanfar rún chun cónascadh a dhéanamh roimh an 30 Samhain, sa bhliain sula bhfuil sé beartaithe an cónascadh a dhéanamh. Ar chónascadh dá leithéid, déanfar maoin, sócmhainní agus dliteanais uile na gClubanna lena mbaineann a aistriú agus a dhílsiú sa Chlub Cónasctha.

Measfar go mbeidh imreoirí na gClubanna lena mbaineann ina n-imreoirí den Chlub Cónasctha. Beidh cinneadh ar bith maidir le clubanna a chónascadh faoi réir fhaomhadh an Choiste Contae.

3.7 Caillteanas Ceart Club

Maidir le Club nach nglacann páirt i gCraobhchomórtas Sóisearach, Meánach ná Sinsearach, mar Aonad aonair, nó mar chuid d'fhoireann Shinsearach nó Idirmheánach mar a cheadaítear faoi Riail 3.17(m), caillfidh sé ionadaíocht ar Choistí Contae agus ar Choistí eile, agus ní bheidh sé i dteideal ainmniúcháin ná moltaí a dhéanamh, ná páirt a ghlacadh sa Choinbhinsiún Bliantúil, faoi réir aon imeacht a cheadaítear faoi Riail 3.1.

An Contae

Coinbhinsiún

3.8 Coinbhinsiún

Tionólfar Coinbhinsiún Bliantúil Contae roimh an 18 Nollaig. Beidh sé comhdhéanta d'Oifigigh agus de Bhaill an Choiste a bheidh ag dul as oifig (cearta vótála mar atá ar an gCoiste) agus beirt toscairí ó gach Club a ghlac páirt i gCraobhchomórtas Sóisear nó de ghrád níos airde sa bhliain reatha. Ní bheidh ceart ag Oifigeach nuathofa, mura bhfuil sé ina bhall den Choiste Contae atá ag dul as oifig nó ina thoscaire, vótáil ag céim ar bith den Choinbhinsiún.

I gcúinsí speisialta, féadfaidh Coiste Contae Coinbhinsiún Speisialta a ghairm.

Cinnfidh an Coiste Contae Ionadaíocht agus Fógra.

3.9 Toghcháin

Faoi réir na nEisceachtaí thíos:

- (a) Toghfaidh na hOifigigh seo a leanas den Choiste Contae an Coinbhinsiún Bliantúil Contae: Cathaoirleach, Leas-Chathaoirleach, Rúnaí, Rúnaí Cúnta, má bhíonn a leithéid ag teastáil; Cisteoir, Cisteoir Cúnta, má bhíonn a leithéid ag teastáil; Oifigeach Traenála, Oifigeach don Ghaeilge agus don Chultúr, Oifigeach Caidrimh Phoiblí, agus Oifigeach Iomána, má bhíonn a leithéid ag teastáil; agus ceapfaidh sé Oifigeach Pleanála agus Oiliúna, Oifigeach Déimeagrafaic agus Oifigeach Leanaí arna mholadh ag an gCoiste Contae a bheidh ag dul as oifig.

Ní bheidh níos mó ná ceann amháin de na hOifigí ag ball ar bith ag am faoi leith ar bith.

Beidh na hOifigigh thofa/cheaptha i seilbh oifige go dtí go gcuirfear an chéad Choinbhinsiún Bliantúil eile i gcrích.

- (b) Ball a bheidh cúig bliana as a chéile nó cúig bliana charnacha fóna aige, in Oifigeacht faoi leith, ní bheidh sé i dteideal an post Oifigigh sin a shealbhú le haghaidh na tréimhse cúig bliana díreach i ndiaidh an cúigiú bliain san Oifig sin a fhónamh. Má thoghtar comhalta mar Oifigeach don Choiste Contae 'le linn téarma' sé seachtaine is fiche nó níos lú roimh an gCoinbhinsiún, ní mheasfar an t-am sin a bheith caite mar chuid den tréimhse cúig bliana.

Eisceachtaí i gcás (a) agus (b) thuas:

(1) I gcás go mbeidh Coiste Contae, le cead an Ard-Chomhairle, tar éis Rúnaí a cheapadh go ceann tréimhse is faide ná bliain, ní bheidh an tréimhse oifige sin faoi réir Toghcháin ná faoi fhoráil Alt (b).

(2) I gcás go ndéantar foráil i bhFodhlí Contae nach bhfuil na poist mar Chisteoir agus/nó Oifigeach na Leanaí faoi réir líon uasta blianta in oifig, ní bheidh feidhm ag foráil Alt (b).

(c) Faoi réir na dteorainneacha atá leagtha amach ag (b), féadfaidh Fodhlí Contae foráil a dhéanamh a rialaíonn incháilitheacht/tréimhse oifige le haghaidh toghchán do na poist mar Oifigigh atá leagtha amach in Alt (a).

(d) Toghfar leis chomh maith: Beirt ionadaithe ar an gComhairle Chúige agus ionadaí amháin ar an Ard-Chomhairle, a bheidh i seilbh oifige faoi seach le haghaidh théarma na gComhairlí Cúige agus na hArd-Chomhairle ina dhiaidh sin.

(e) Má thagann folúntas chun cinn in Oifigí an Choiste Contae nó in ionadaíocht Chontae ar an Ard-Chomhairle nó ar Chomhairle Chúige, líonfar é ar bhonn (a) Ainmniú ag Clubanna, (b) vótáil bhallóide Oifigigh agus Bhaill an Choiste Contae reatha.

(f) Déanfar an vótáil chun na poist Thogthacha arna sainiú thuas le ballóid rúnda ar bhonn chóras na hIonadaíochta Cionmhaire.

3.10 Toscairí

Toghfaidh nó údaróidh an Coinbhinsiún Contae roghnú agus/nó toghchán:

(a) Toscairí chun freastal ar an gComhdháil Bhliantúil, ar a n-áireofar an Cathaoirleach agus an Rúnaí Contae, nuair a bheidh siad ar fáil.

(b) Toscairí chun freastal ar an gCoinbhinsiún Cúige.

3.11 Ainmniúcháin

Ainmneoidh Club iarrthóir le haghaidh aon cheann de na poist atá leagtha amach i Riail 3.9, ach amháin an tOifigeach Leanaí agus Oifigeach Pleanála agus Oiliúna, agus Oifigeach Déimeagrafaic. Cuirfear na hainmniúcháin sin isteach ar an bpáipéar ainmniúcháin, a chuirfear chuig gach Club sé seachtaine ar a laghad roimh an gCoinbhinsiún Chontae, agus a chomhlánófar agus a chuirfear ar ais chuig an Rúnaí Contae ceithre seachtaine ar a laghad roimh an gCoinbhinsiún.

3.12 Rúin

Is iad na Clubanna agus an Coiste Contae amháin a chuirfidh rúin isteach lena mbreathnú ag an gCoinbhinsiún Contae. Cuirfear rúin ó Chlubanna isteach ar an bhfoirm rúin, a chuirfear chuig na Clubanna sé seachtaine ar a laghad roimh an gCoinbhinsiún Chontae, agus a chomhlánófar agus a chuirfear ar ais chuig an Rúnaí Contae ceithre seachtaine ar a laghad roimh an gCoinbhinsiún. Beidh Rúin ó Chlub faofa ag Cruinniú Ginearálta Bliantúil nó Speisialta an Chlub agus beidh dáta an chruinnithe sin taispeánta ar an bhfoirm rúin.

3.13 Clár Oibre agus Fógra

Seachtain amháin roimh an gCoinbhinsiún seolfaidh an Rúnaí Contae clár oibre, ina mbeidh a dTuarascáil agus na Cuntais Iniúchta don bhliain airgeadais roimhe dar críoch an 30 Meán Fómhair, mar aon leis na hainmniúcháin agus na rúin, chuig gach Rúnaí Club agus chuig Comhaltaí an Choiste Contae a bheidh ag dul as oifig.

Ag an am céanna, seolfar cóip de na doiciméid sin agus de na Cuntais faoi Pháirceanna Imeartha an Chontae don bhliain airgeadais roimhe sin dar críoch an 30 Meán Fómhair go dtí an Phríomh-Chomhairle agus na Comhairlí Cúige. Mura ndéantar é sin d'fhéadfadh fionraíocht a bheith i gceist.

3.14 Moltaí a Chur ar Aghaidh

Ach amháin mar a fhoráiltear i Riail 3.17(k), ní dhéanfaidh Contae ach rúin a chur ar aghaidh chuig an gCoinbhinsiún Cúige nó chun na Comhdhála Bliantúla a bheidh ar chlár oibre Coinbhinsiúin an Chontae atá scaipthe, agus a bhfuil faomhadh faighte acu. I gcás gurb é Club a chur rúin isteach ar dtús, beidh ainm an Chlub agus ainm an Chontae léirithe ar dhoiciméid na Comhdhála.

Féadfaidh Coinbhinsiún Contae rún leasaithe a chur isteach chuig an gComhdháil, ar an gcoinníoll nach n-athraíonn an leasú sin ciall bhunúsach an rúin bhunaidh a cuireadh isteach.

3.15 Fodhlíthe Contae

Déanfaidh Coinbhinsiún Chontae Fodhlíthe ar a ndéanfar athbhreithniú ar bhonn bliantúil agus a chuirfear ar aghaidh lena gceadú chuig Coiste Bainistíochta na hArd-Chomhairle laistigh de dhá sheachtain ó dháta an Choinbhinsiúin. Ní thiocfaidh fodhlíthe úra nó leasaithe arna moladh ag Contaetha i bhfeidhm go dtí go gceadófar iad.

Ní bheidh Fodhlíthe Contae contrártha d'aon Riail sa Treoir Oifigiúil nó i gCód. Ní chuirfear srian leo ar cathain a imreofar Cluichí Club nó ní rialófar leo cealú cluichí, toisc go bhfuil na cúrsaí sin faoi chumhachtaí an Choiste Rialaithe Comórtas.

Féadfaidh an Coiste Bainistíochta, d'fhonn na Rialacha Ginearálta nó na Cóid a chomhlíonadh agus chaighdeánú, agus tar éis dul i gcomhairle lena Choiste Comhairleach um Rialacha agus an Coiste Contae lena mbaineann, leasuithe a cheadú ar Fhodhlí a cuireadh isteach lena cheadú. Tiocfaidh Fodhlí dá leithéid i bhfeidhm láithreach gan gá faomhadh eile a fháil ó Choinbhinsiún Contae nó ó Choinbhinsiún Speisialta ina leith. Ní mór rúin chun Fodhlí reatha a bhaint nó a leasú a bheith glactha ag trí chúigiú díobh siúd a bheidh i láthair, a bheidh i dteideal vóta a chaitheamh agus a bheidh ag vótáil.

Coiste

3.16 Coiste

- (a) Is Aonad é Contae atá aitheanta mar sin ag an Ard-Chomhairle.
- (b) Beidh Coiste Contae comhdhéanta de na hOifigigh, d'Ionadaithe na Lár-Chomhairle agus na Comhairle Cúige (a bheidh ina gcomhaltaí ex-officio), ionadaithe Coistí nó Clubanna Dúiche nó eile mar atá leagtha amach i bhFodhlíthe an Chontae, Oifigeach um Shábháilteacht agus Saoráidí an Chontae, an tOifigeach Déimeagrafaic, Riarthóir Moltóirí an Chontae agus ionadaí ó gach ceann de na Coistí seo a leanas: Coiste Liathróid Láimhe CLG an Chontae (más bhainteach), Coiste Bunscoileanna an Chontae, Coiste Iar-Bhunscoileanna an Chontae, agus, más inmhianaithe, suas le beirt bhall den Chumann a ainmneoidh an Cathaoirleach agus an Rúnaí, faoi réir a gceadaithe ag Coiste an Chontae.
- (c) Leagfar amach i bhFodhlíthe an Chontae líon na gcomhaltaí a vótálfadh ar Choiste an Chontae. Ní bheidh cearta vótála ag Rúnaí Contae lánaimseartha sa cháil sin ar an gCoiste.
- (d) Beidh an Coiste an Chontae i seilbh oifige go gcuirfear deireadh leis an gcéad Choinbhinsiún Bhliantúil eile. Beidh sé faoi réir údarás na Comhairle Cúige agus na hArd-Chomhairle.
- (e) Aon chomhalta a bheidh as láthair, gan chúis chóir, ó thrí chruinniú as a chéile, beidh sé nó sí dícháilithe go huathoibríoch ó bheith ina chomhalta nó ina comhalta den Choiste don bhliain sin. Beidh feidhm aige sin maidir le baill uile na bhFochoistí chomh maith.
- (f) I gcás nach mbeidh ionadaíocht ag Clubanna ar Choiste an Chontae, tionólfar cruinnithe ginearálta a bhainfidh leis na Clubanna dhá uair ar a laghad sa bhliain.
- (g) Féadfaidh Coistí nó Clubanna Ceanntair nó eile, tráth nach déanaí ná an 31 Lúnasa in aon bhliain, fógra i scríbhinn a thabhairt do Rúnaí an Choiste Chontae i dtaobh ionadaí eile a cheapadh ar an gCoiste Contae. Glacfaidh an t-ionadaí sin ballraíocht iomlán sa Choiste Contae as sin amach go dtí go gcuirfear an Coinbhinsiún Contae ina dhiaidh sin i gcrích.

3.17 Cumhachtaí

Beidh Coiste Contae ina chomhlacht rialála agus rialaithe ar ghnóthaí uile an Chumainn laistigh den Chontae, ach amháin na feidhmeanna sin atá coimeáda don Chomhairle Chúige agus don Ard-Chomhairle faoin Treoir Oifigiúil seo. Beidh na cumhachtaí seo a leanas ag an gCoiste Contae:

- (a) Cleamhnuithe an Chlub a rialú. Áireofar leis sin an chumhacht Foirceannadh Club nó Cónascadh Clubanna a fhaomhadh nó a dhiúltú.
- (b) Comórtais iomána agus peile an Chontae a bhainistiú, faoi réir na bhforálacha i Rialacha 3.28(k) agus 3.29.
- (c) Gach ábhar a bhaineann le bainistiú agus roghnú a fhoirne Idirchontae a chinneadh.
- (d) Rialacháin a dhéanamh lena rialáítear:
- (i) Comórtais faoina smacht ach ní chuirfidh sé srianta ar an gCoiste Rialaithe Comórtais ina sceidealú Cluichí.
- agus
- (ii) Cúrsaí eile a bhaineann lena chumhachtaí, lena fheidhmeanna agus lena oibríochtaí. Nuair a ghlacfar Rialachán fanfaidh sé i bhfeidhm mura n-athraíonn nó mura scriosann tromlach simplí díobh siúd a bheidh i láthair, a bheidh i dteideal vóta a chaitheamh agus a bheidh ag vótáil. Ní bhreathnófar ar athruithe ach ar bhonn bliantúil amháin.

(e) Chun soláthar a dhéanamh do shlándáil agus d'fhorbairt mhaoin an Chumainn laistigh dá dhlínse.

(f) Chun Rúnaí Contae Lánaimseartha nó Riarthóir Lánaimseartha eile a cheapadh, faoi réir cead a fháil ón Ard-Chomhairle agus próiseas agus coinníollacha a chinnfidh an Coiste Bainistíochta thar ceann na hArd-Chomhairle.

(g) Pleananna gearrthéarmacha (aon bhliain) agus fadtéarmacha (trí/cúig bliana) a dhréachtú le haghaidh na ngníomhaíochtaí go léir laistigh dá dhlínse, agus tuairisc a thabhairt ar an gcéanna don Choinbhinsiún Cúige.

(h) Chun Riarthóir Réiteoirí Contae a cheapadh. Is é cúig bliana an tréimhse uasta oifige. Má cheaptar ball sa phost 'i dtéarma' sé seachtaine is fiche nó níos lú roimh an gcéad Choinbhinsiún eile, ní chuirfear an t-am sin a fónadh san áireamh mar chuid den tréimhse cúig bliana.

(i) Oifigeach Sábháilteachta agus Saoráidí an Chontae a cheapadh.

(j) Na ceapacháin riachtanacha a comhaontaíodh i mbeartais agus nósanna imeachta na hArd-Chomhairle maidir le cosaint leanaí a dhéanamh.

(k) Rún amháin a chur isteach chuig an gComhdháil Bhliantúil.

(l) Moltaí a chur faoi bhráid na hArd-Chomhairle chun Cóid a achtú, a leasú nó a chur ar ceal. Ní dhéanfaidh Clubanna agus/nó Coiste Bainistíochta an Chontae ach na Rúin sin amháin a chur faoi bhráid an Choiste Contae. Beidh Rún ó Chlub faofa ag Cruinniú Ginearálta Bliantúil nó Speisialta an Chlub agus beidh dáta an chruinnithe sin taispeánta ar an bhfoirm rúin.

(m) Fochoistí Roinne agus Fochoistí eile a bhunú (m.sh. Fochoistí Peile, Iomána, na Mionúr agus na hÓige), a mbeidh a bhfeidhmeanna agus a gcumhachtaí sainithe i bhFodhlíthe an Chontae. Beidh líon sonraithe comhaltaí ag gach Coiste. Toghfar Oifigigh na bhFochoistí Roinne ag Cruinnithe Ginearálta Bliantúla na bhFochoistí Roinne.

Ceapfaidh an Coiste Contae (nó Coiste Roinne, más cuí) Oifigigh na bhFochoistí eile dá dtagraítear thuas, gan toghchán.

Ball a bheidh cúig bliana fóna aige i bpost Oifigigh faoi leith ar bith, ní bheidh sé i dteideal an Oifigeacht sin a shealbhú le haghaidh na tréimhse cúig bliana i ndiaidh sin.

Má thoghfar ball chun post Oifigigh 'i dtéarma' sé seachtaine is fiche nó níos lú roimh an gcéad Choinbhinsiún eile, ní chuirfear an t-am sin a fónadh san áireamh mar chuid den tréimhse cúig bliana.

Beidh sé d'oibleagáid ar Fhochoistí dá leithéid a shocraíonn cluichí Coiste Rialaithe Comórtas a choimeád ag a mbeidh na feidhmeanna céanna laistigh de dhlínse an Fhochoiste is atá ag Coiste Rialaithe Comórtas ar bith ar leibhéal Contae.

Éistfear le hÉisteachtaí Smachtaithe faoi dhlínse Fhochoistí Roinne nó Fhochoistí eile ag:

(i) an Coiste Contae um Éisteachtaí, mura bhforáiltear a mhalairt le Fodhlí Contae. Is chuig Coiste na nÉisteachtaí Cúige de réir Riail 7.5(a)(2) a dhéanfar achomhairc ó Choiste Éisteachta an Chontae sna cásanna sin.

(ii) i gcás go bhforáiltear ina leith i bhFodhlí Contae, ag Coiste Éisteachtaí de chúigear ball nó níos mó, ag a mbeidh na feidhmeanna céanna laistigh de dhlínse an Fhochoiste is atá ag Coiste Éisteachtaí ar bith ar leibhéal Contae.

Féadfaidh dá cheann nó níos mó d'Fhochoistí Roinne agus Fochoistí eile Coistí Éisteachtaí a choimeád a bheidh comhdhéanta de na daoine céanna.

Cuirfear achomhairc ó Choiste Éisteachtaí dá leithéid chuig an gCoiste Contae um Éisteachtaí.

- (n) (i) Cead a thabhairt d'imreoirí na gClubanna Sóisearacha agus Idirmheánacha, lena n-áirítear imreoirí na gClubanna nach bhfuil in ann Foirne Sóisearacha agus/nó Idirmheánacha a chur san iomaíocht, imirt ar Fhoirne Sinsearach Rannacha nó Grúpaí Rannacha.
- (ii) Ionas go mbeidh imreoirí Clubanna Sóisear, agus imreoirí Clubanna Idirmheánacha nach féidir a chur chun páirce sa ghrád sin, ábalta imirt d'Fhoirne Grúpa Idirmheánacha. Beidh socruithe faoi réir athbhreithniú bliantúil ag an gCoiste Contae. Ní chaillfidh imreoirí, trí imirt sna foirne Roinne nó Grúpa sin, a stádas Craobhchomórtais.

Beidh na cearta céanna ag Coiste atá i gceannas ar Fhoireann nó Grúpa Rannach a eascraíonn as cluichí inar imir an fhoireann agus atá ar fáil do Chlub faoi Chód 16.1 (x), 16.2 agus Rialacha 7.4, 7.5 agus 7.7.

(o) Cead a thabhairt d'imreoirí Faoi 21/20, do Mhionúir nó d'Imreoirí Óga na gClubanna nach bhfuil in ann foirne Faoi 21/20, Mionúr nó Grád Níos Óige a chur san iomaíocht leas a bhaint as foráil de chuid Riail 6.7, Eisceacht (1) (a) nó (b).

(p) Réiteach saincheistanna a bhaineann le Teidlíocht Ceangal leis an gCéad Chlub a tharmligean chuig a Choiste Rialaithe Comórtas.

3.18 Fochoistí/Feidhmeanna

Ceapfaidh Coiste Contae na Fochoistí seo a leanas, a gcinnfidh an Coiste Contae a gcomhaltaí agus a leagfar amach i bhFodhlíthe an Chontae ach amháin má fhoráiltear a mhalairt sa Riail seo. Beidh líon sonraithe comhaltaí ag gach Coiste:

(i) Coiste Bainistíochta

Beidh sé freagrach, faoi réir dhlínse fhoriomlán an Choiste Contae, as bainistíocht ghnóthaí an Chumainn, lena n-áirítear gnóthaí airgeadais, idir cruinnithe an Choiste Contae.

Beidh Ionadaí an Chontae ar an Ard-Chomhairle ina bhall den Choiste.

Féadfaidh Fo-dhlí a bheith ag Contae a deir nach bhféadfar cur isteach ar Mholadh ó Choiste Bainistíochta an Chontae ar ábhar Airgeadais ach amháin trí thromlach trí chúigiú de na comhaltaí den Choiste Contae a bheidh i láthair, atá i dteideal vótála agus a vótálfaidh.

(ii) Coiste Rialaithe Comórtas

Beidh sé freagrach as na socruithe ar fad, lena n-áirítear ceapadh Réiteoirí, as cúrsaí ar bith a eascraíonn as Cluiche faoi dhlínse an Choiste Contae, agus as iad a rialú, lena n-áirítear cúrsaí smachtaithe seachas na feidhmeanna a choimeádtar don Choiste Contae um Éisteachtaí.

Déanfaidh sé moltaí a phróiseáil agus déanfaidh sé moltaí don Choiste Contae maidir le Grádú Clubanna. Imscrúdóidh agus próiseálfaidh sé nithe a bhaineann le Forghníomhú Rialacha agus Cóid, lena n-áirítear Agóidí agus Frith-Agóidí a éisteacht.

Beidh sé freagrach, ar an gcéad dul síos, as cinntí a dhéanamh maidir le hiarratais ar Aistriú Laistigh den Chontae agus Grádú Imreoirí.

Beidh sé, ar tharmligean ón gCoiste Contae, freagrach sa chéad ásc as cinntí a dhéanamh ar cheistanna a bhaineann le Teidlíocht a bheidh Ceangailte leis an gCéad Chlub.

Beidh sé comhdhéanta de chúigear ball ar a laghad, a cheapfar as baill an Choiste Contae agus/nó pearsanra oiriúnach eile, ball amháin d'Fhochoiste Anailísithe an Chláir Cluichí, mar aon leis an Riarthóir Réiteoirí Contae a bheidh i dteideal vótáil ar cheapadh na réiteoirí amháin.

Féadfaidh Coiste Contae cumhachtaí iomlánacha eile a tharmligean chuig a Choiste Rialaithe Comórtas, agus i gcás den sórt sin ní fhéadfar Achomhairc a dhéanamh ach chun na Comhairle Cúige amháin.

(iii) Anailísí Socruithe

- (a) Ceapfar Anailísí Cluichí amháin ar a laghad ar ainmniú an Choiste Bainistíochta.
- (b) Beidh an tAnailísí (na hAnailísithe) Cluichí freagrach as monatóireacht agus anailís a dhéanamh ar an gClár Cluichí Contae ar bhonn bliantúil.
- (c) Cuirfidh an tAnailísí (na hAnailísithe) Cluichí Tuarascáil i láthair an Choinbhinsiúin Bhliantúil maidir leis na cluichí a imríodh i ngach comórtas club agus déanfaidh sé (siad) moltaí maidir le hathruithe i bhféilire na gcluichí de réir mar is cuí.
- (d) Cuirfear an Tuarascáil sin faoi bhráid na gCoistí Cúige agus na Lárchoistí Anailíse Cluichí gach bliain.
- (e) Ceapfar Anailísí Cluichí mar bhall den Choiste Rialaithe Chomórtais Chontae.

(iv) An Coiste Éisteachta

- (a) Breithneoidh sé gach Cúrsa Araíonachta ina n-ordaítear agus ina n-iarrtar Éisteacht, a bhaineann le Feidhmiú Rialacha agus Cóid a éireoidh as ábhair atá faoi dhlínse an Choiste Contae nó Choiste Feidhmiúcháin Chlub laistigh den Chontae.

Eisceacht:

Feidhm de chuid Choiste Rialaithe Comórtas an Chontae is ea Éisteacht ar Agóid/Frithagóid.

- (b) Déanfaidh sé breithiúnas ar Achomhairc a d'fhéadfadh éirí as cinntí Coiste Rialaithe Comórtas ar iarratais ar Aistriú Laistigh den Chontae, Grádú na nImreoirí agus Teidlíocht a bheith Ceangailte leis an gCéad Chlub. (Féach na forálacha atá leagtha amach i Rialacha 6.4(f), Cód 10.8 agus Riail 6.3(d) faoi seach.)
- (c) Beidh sé comhdhéanta de chúigear Ball ar a laghad a cheapfar as baill an Choiste Contae agus/nó pearsanra oiriúnach eile. Ní fhónfaidh Ball ar bith den Choiste Bainistíochta nó den Choiste Rialaithe Comórtas mar bhall den Choiste Contae um Éisteachtaí.
- (d) Is iad cumhachtaí iomlánacha na cumhachtaí a bheidh ag an gCoiste Contae um Éisteachtaí.

(v) An Coiste Sábháilteachta agus Áiseanna

Beidh sé freagrach as a áirithiú go gcomhlíonfar

- (a) Reachtáocht Sláinte agus Sábháilteachta san ionad comórtais.
- (b) Caibidil 5 den Treoir Oifigiúil (Maoin an Chumainn a Rialú).
- (c) Téarmaí bheartais an Chumainn um Dhliteanas Poiblí agus Árachas Maoine. Déanfaidh sé tuilleadh moltaí do na Coistí Bainistíochta Contae agus Airgeadais maidir le:
 - (a) Páirceanna agus Saoráidí a fhorbairt, lena n-áirítear comhairle a thabhairt faoi chabhair deontais atá ar fáil.
 - (b) Dualgais eile mar a ordóidh an Ard-Chomhairle ó am go ham. Seisear comhalta ar a laghad a bheidh ar an gCoiste, lena n-áirítear an tOifigeach Sábháilteachta agus Áiseanna (mar Chathaoirleach) agus Rialaitheoir cáilithe Imeachtaí. Ba cheart go mbeadh na comhaltaí eile cáilithe go cuí i réimsí a bhaineann le téarmaí tagartha an Choiste.

Féadfar daoine eile a bhfuil na scileanna iomchuí ar leith acu maidir le míreanna sonracha a bheidh faoi chaibidil ag an gCoiste a chur leis an gcoiste ó am go ham agus gníomhóidh siad mar ghrúpaí oibre comhlántacha.

(vi) Coiste Pleanála agus Oiliúna

Beidh sé freagrach as:

(a) Oiliúint Oifigigh Chlub agus Chontae a chur ar fáil laistigh den chontae.

(b) Cabhrú le clubanna chun Plean Club a fhorbairt, lena n-áirítear sonraí maidir le pleananna dá leithéid a mhaoiniú.

(c) Cabhrú leis an gContae i bhforbairt agus i gcur i bhfeidhm plean an Chontae.

(d) Dualgais eile mar a ordóidh an Ard-Chomhairle ó am go ham. Cúigear comhaltaí ar a laghad a bheidh ar an gCoiste, agus is é Oifigeach Pleanála agus Oiliúna an Chontae a bheidh ina Chathaoirleach. Críochnóidh gach comhalta, nuair a cheapfar é nó í, an oiliúint is gá a fhorordóidh an tArd-Chomhairle, an Chomhairle Cúige iomchuí nó aon cheann dá bhfochoistí.

(vii) Coiste Riaracháin na Moltóirí

Beidh sé freagrach as Riarachán agus Forbairt na Réiteoireachta sa Chontae, lena n-áirítear earcaíocht, oiliúint, measúnú agus rangú réiteoirí.

(viii) An Coiste Oiliúna agus Forbartha Cluichí

Beidh sé freagrach as gníomhaíochtaí Forbartha Cluichí a chur i bhfeidhm ar leibhéal Chlubanna, Scoileanna agus Contae.

(ix) Coiste Cultúir

Beidh sé freagrach as (a) an nGaeilge (b) Scór agus (c) Gníomhaíochtaí Cultúrtha eile.

(x) Coiste Caidrimh Phoiblí/Margaíochta

Beidh sé freagrach as Poiblíocht, Margaíocht agus Foilseacháin.

(xi) Coiste Óige Beidh sé freagrach as na Gníomhaíochtaí Óige go léir laistigh den Chontae a tionscain agus comhordú a dhéanamh orthu.

(xii) An Fochoiste Airgeadais

Beidh sé freagrach as na Cúrsaí Airgeadais uile a threoróidh an Coiste Contae agus/nó an Coiste Bainistíochta Contae chuige.

(xiii) Coiste um Theicneolaíocht Faisnéise Cuirfidh sé nósanna imeachta i bhfeidhm le freastal ar riachtanais oiliúna agus forbartha na Teicneolaíochta Faisnéise ar leibhéal Contae agus Club, de réir mar a ordóidh an Coiste Náisiúnta um Theicneolaíocht Faisnéise.

(xiv) Fochoiste Bainistíochta agus Painéil na bhFoirne Contae

Déanfaidh sé, faoi réir rialú iomlán an Choiste Contae, na caidrimh a bhainistiú idir: (a) an Coiste Contae (mar ionadaí na gClubanna),

(b) Bainisteoirí na bhFoirne Sinsir Contae agus gach pearsanra a cheapfaidh an Coiste Contae chun cuidiú a thabhairt le painéil fhoirne Idirchontae na Sinsear a bhainistiú agus

(c) Painéil Fhoirne Idirchontae na Sinsear. Ní mór don Fhochoiste teacht le chéile dhá uair ar a laghad gach bliain agus de réir mar is gá murach sin. Comhlíonfaidh an Fochoiste a fheidhmeanna i gcomhthéacs na Cairte do Choiste Contae/Caidrimh Imreoirí (Cairt na nImreoirí/

na mBainisteoirí) arna gceadú ag an Ard-Chomhairle ó am go chéile. Déanfar ballraíocht an Fhochoiste seo a mhionsonrú sa Chairt chomhlánaithe sin, a chuirfear faoi bhráid na hArd-Chomhairle faoin 31 Eanáir gach bliain.

(xv) Coiste um Iniúchóireacht agus Riosca

Tacóidh sé leis an gCisteoir, leis an gCoiste Bainistíochta agus leis an bhFochoiste Airgeadais maidir le gach ábhar airgeadais agus riosca.

Beidh sé freagrach as dea-chaighdeáin rialachais agus dea-chleachtais bainistíochta riosca a chur chun cinn i measc Choiste an Chontae agus a fhochuideachtaí uile chomh maith le monatóireacht a dhéanamh ar na cúrsaí céanna (lena n-áirítear aon duine nó entíteas a bhailíonn airgead thar ceann an CLG).

Cúigear ar a mhéad a bheith ina mbaill de, lena n-áirítear Cathaoirleach arb é an Coiste Bainistíochta a ainmneoidh é nó í agus arb é an Coiste Cúige Iniúchóireachta agus Riosca a fhaomhfaidh é nó í; agus suas le ceathrar ball eile arb é an Coiste Bainistíochta a ainmneoidh iad. Ní bheidh an Cisteoir ina bhall de.

Cuirfidh an Coiste tuarascálacha faoi bhráid an Choiste Cúige Iniúchóireachta agus Riosca nuair a iarrtar orthu a leithéid a dhéanamh, uair amháin sa bhliain ar a laghad.

(xvi) An Coiste Déimeagrafaice

Beidh sé freagrach as monatóireacht a dhéanamh ar an tionchar a bhaineann le haon athrú a thagann ar an daonra chomh maith le comhairle a chur ar an gContae faoi bheartais a cheapadh le haghaidh a thabhairt ar na hathruithe sin. Déanfaidh sé idirchaidreamh idir na coistí ábhartha sa Chumann agus leis na comhlachtaí ábhartha lasmuigh den Chumann le linn dó a fheidhmeanna a chomhlíonadh.

Beidh cúigear ar a laghad ina mbaill de, Oifigeach Déimeagrafaice san áireamh, a ghníomhóidh mar Chathaoirleach. Beidh gach ball eile cáilithe go cuí i réimsí atá ábhartha do Théarmaí Tagartha an Choiste.

(xvii) Coiste Sláinte agus Folláine

Beidh sé freagrach as na cúrsaí uile a bhaineann le sláinte a threoróidh an Coiste Contae agus/nó an Coiste Bainistíochta Contae chuige.

Ach amháin i gcás ina bhfágfar cumhachtaí nó feidhmeanna iomlánacha go sonrach faoi Fhochoiste, aon chinneadh a dhéanfaidh Fhochoiste, caithfear é a chur faoi bhráid an Choiste Contae lena cheadú roimh é a chur i bhfeidhm.

Ní bheidh Oifigh nó Baill na bhFochoistí thuas mar Riail Ghinearálta faoi réir uastearmaí oifige ach d'fhéadfadh teorainn(eacha) i dtéarmaí oifige a bheith leagtha síos i bhFodhlí Contae.

3.19 Fochoistí Contae (diomaithe den Choiste Iniúchóireachta agus Riosca) Ginearálta

(i) Roghnófar Cathaoirleach gach Fochoiste as Oifigh nó Baill an Choiste Contae nó as pearsanra ar bith a mheasfaidh an Coiste Contae go bhfuil siad cáilithe.

(ii) Cuirfidh Cathaoirleach gach Fochoiste Tuarascáil um Dhul chun Cinn maidir le hobair an Fhochoiste i láthair ag cruinnithe an Choiste Contae.

(iii) Buailfidh na Fochoistí Contae uile le Fochoistí comhfhreagracha ar an (a) leibhéal Cúige agus ar an (b) leibhéal Club, uair amháin in aghaidh na bliana ar a laghad, agus beidh an Choiste is uachtaraí ina thionólaí.

(iv) Agus 17 díobh san iomlán ann ón uair a cheapfar iad, déanfar Téarmaí Tagartha na bhFochoistí uile agus sonraíochtaí poist na nOifigeach uile a thaifeadadh agus a dháileadh.

(v) Cuirfidh gach Fochoiste Tuarascáil i scríbhinn isteach chuig an gCoinbhinsiún Contae, a chuirfear ar Chlár Oibre an Choinbhinsiúin.

3.20 Cleamhnachtaí a Chur ar Aghaidh

Roimh an 1 Márta gach bliain, cuirfidh Coiste Contae liosta de na clubanna cleamnaithe ar fad sa chontae isteach chuig an gComhairle Chúige le táille de €2 in aghaidh an chlub. Má theipeann ar Chontae ar bith cloí leis sin géillfidh sé ionadaíocht ar an gComhairle Chúige agus ar an Ard-Chomhairle go dtí go dtabharfar an liosta agus na táillí.

3.21 Cearta Contae a Chailleadh

Má theipeann ar Chontae páirt a ghlacadh i gCraobhchomórtas Idirchontae na Sinsear, Idirmheánach nó na Sóisear, géillfidh sé ionadaíocht ar an gComhairle Chúige agus ar an Ard-Chomhairle, agus ní bheidh cead aige ainmiúcháin a dhéanamh, rúin a chur i láthair, nó páirt a ghlacadh i gCoinbhinsiún Cúige nó i gComhdháil Bhliantúil.

AN CÚIGE

Coinbhinsiún

3.22 Coinbhinsiún

Tionólfar Coinbhinsiún Cúige Bliantúil roimh an 18 Eanáir. Beidh sé comhdhéanta de:

(a) Baill na Comhairle Cúige a bheidh ag dul as oifig (cearta vótála mar atá ar an gComhairle).

(b) Ionadaí amháin in aghaidh gach deich gClub chleamnaithe, nó codán de dheich thar chúig, a ghlac páirt i gCraobhchomórtas na bliana roimhe sin, faoi réir ceathrar ionadaithe ar a laghad agus seisear ionadaithe ar a mhéad d'aon Chontae amháin. I gcúinsí speisialta, féadfaidh an Chomhairle Chúige Coinbhinsiún Speisialta a ghairm. Is faoin gComhairle Cúige a bheidh sé ionadaíocht a chinneadh

3.23 Feidhmeanna/Toghcháin

(a) Is iad feidhmeanna an Choinbhinsiúin cuntais iniúchta don bhliain roimhe sin a mheas suas leis an 30ú lá. Mí Mheán Fómhair, rúin, agus gníomhaíochtaí ginearálta an Chúige. Faoi réir na heisceachta thíos, toghfaidh sé na hOifigigh seo a leanas: Cathaoirleach, Leas-Chathaoirleach, Cisteoir, Rúnaí agus Oifigeach PR.

Cuirfear na Toghcháin i gcrích ag an gCoinbhinsiún ar bhonn vóta ballóide rúnda amháin ar Chórais na hIonadaíochta Cionmhaire, ach fógrófar toradh gach comhairimh ag an gCoinbhinsiún.

Eisceacht:

Faoi réir fhaomhadh na hArd-Chomhairle, féadfaidh Coinbhinsiún Cúige Rúnaí lánaimseartha a cheapadh, nach mbeidh faoi réir ag toghchán bliantúil, agus gheofar faomhadh ón gCoiste Bainistíocht don chonradh fostaíochta agus don tsonraíocht poist ina leith.

(b) Ní bheidh Oifigeach Cúige, seachas Rúnaí lánaimseartha i seilbh oifige ar feadh níos mó ná trí bliana as a chéile. Má thagann folúntas chun cinn in Oifigeacht na Comhairle Cúige roimh an 31 Deireadh Fómhair i mbliain ar bith, líonfar é ar bhonn (a) ainmiúcháin ag Clubanna, (b) vótáil bhallóide Contaetha (bunaithe ar chumhacht vótála an Choinbhinsiúin Chúige) agus Bhaill na Comhairle Cúige reatha.

3.24 Ainmniúcháin Ainmneoidh Coiste Contae iarrthóir lena thogadh nó lena toghadh mar Oifigeach Cúige. Déanfar an t-ainmniúchán sin ar an bhFoirm Ainmniúcháin, a sheolfar chuig na Coistí Contae sé seachtaine ar a laghad roimh an gCoinbhinsiún Cúige, agus a chomhlánfar agus a sheolfar ar ais chuig Rúnaí an Chúige mí ar a laghad roimh an gCoinbhinsiún.

3.25 Rúin agus Fodhlithe

(a) Rúin Ní féidir le Coiste Contae ach rúin a dhéantar ag Coinbhinsiún Contae a chur isteach lena mbreathnú ag an gCoinbhinsiún Cúige. Cuirfear na rúin sin isteach ar an bPáipéar Rúin, a chuirfear chuig an gCoiste Contae ceithre seachtaine ar a laghad roimh an gCoinbhinsiún Cúige, agus a chomhlánófar agus a chuirfear ar ais chuig an Rúnaí Contae trí seachtaine ar a laghad roimh an gCoinbhinsiún.

Féadfaidh Comhairle Chúige Rún a chur isteach chuig a Coinbhinsiún féin ar an mbealach a leagfar síos, faoi mar a chinnfidh an gComhairle Chúige.

(b) Fodhlíthe. Féadfaidh an Coinbhinsiún Cúige Fodhlíthe a dhéanamh, a thiocfaidh i bhfeidhm, nuair a cheadóidh an Coiste Bainistíochta é, thar ceann na hArd-Chomhairle. Ní ceadmhach d'Fhodhlí Chúige a bheith contrártha do Riail sa Treoir Oifigiúil nó i gCód. Ceadóidh nó diúltóidh an Coiste Bainistíochta, thar ceann na hArd-Chomhairle, Fodhlí molta laistigh de cheithre seachtaine ó dháta na fála.

3.26 Clár Oibre agus Fógra

Seolfaidh an Rúnaí Cúige Clár Oibre, ina mbeidh a T(h)uarascáil agus na Cuntais iniúchta don bhliain, mar aon leis na hAinmniúcháin agus na Rúin, chuig gach Rúnaí Contae agus chuig an gComhairle Cúige atá ag dul as oifig, dhá sheachtain ar a laghad roimh an gCoinbhinsiún.

Comhairle

3.27 Comhairle

Is éard is Cúige ann Aonad ar aithin an Ard-Chomhairle sa cháilíocht sin í. Mar chuid de Chomhairle Cúige beidh Cathaoirleach, Leas-Chathaoirleach, Cisteoir, Oifigeach Caidrimh Phoiblí, Rúnaí lánaimseartha (gan cearta vótála), agus beirt lonadaithe ó gach Contae agus, más inmhianaithe, suas le beirt bhall den Chumann arb iad an Cathaoirleach agus an Rúnaí a ainmneoidh iad, ag brath ar an gComhairle Cúige a bheith sásta a rogha a cheapadh. Beidh an Cathaoirleach Comhairle atá díreach dulta as oifig ina bhall de bhrí oifige go ceann bliana tar éis deireadh a theacht lena t(h)éarma oifige.

Beidh lonadaí amháin an ceann acu, gan cearta vótála, ar Chomhairle ag Comhairle Cúige Liathróid Láimhe CLG, Comhairle Cúige Ardoideachais, Comhairle Cúige Iarbhunscoileanna agus Coiste Cúige Bunscoileanna.

Beidh an Comhairle Chúige i seilbh oifige go dtí go gcuirfear an chéad Choinbhinsiún Cúige eile i gcrích.

Ní bheidh lonadaí de chuid na Comhairle i seilbh oifige ar feadh níos mó ná cúig bliana. Beidh téarma bliana ó díreach i ndiaidh Coinbhinsiún Cúige Bliantúil go dtí go gcuirfear an Chéad Choinbhinsiún Cúige Bliantúil eile i gcrích.

Má thoghfar ball mar lonadaí ar an gComhairle 'i dtéarma' sé seachtaine is fiche nó níos lú roimh an gcéad Choinbhinsiún Cúige eile, ní chuirfear an t-am sin a fónadh san áireamh mar chuid den tréimhse cúig bliana.

Tiocfaidh Comhairle Chúige le chéile tráth nach lú ná ceithre huairé in aghaidh na bliana. Ball a bheidh as láthair, gan chúis chóir, ó thrí chruinniú as a chéile, dícháileofar é go huathoibríoch ó

bhallraíocht na Comhairle le haghaidh na bliana sin. Is é an dála céanna é ag baill uile na bhFochoistí.

3.28 Cumhachtaí

Faoi réir dhlínse fhoriomlán na hArd-Chomhairle, beidh na cumhachtaí seo a leanas ag Comhairle Chúige laistigh den Chúige:

(a) Na Craobhchomórtais Chúige Iománaíochta agus Peile a bhainistiú, gan ceapadh Réiteoirí san áireamh, agus cúrsaí mí-iompair agus sárúithe ar Rialacháin Chluichí a eascraíonn as cluichí Craoibhe Idirchontae Sinsir Cúige. Áireofar leis sin breathnú ar Athghrádú Iarratas ar rannpháirtíocht i gCraobhchomórtais Chlubanna Idirmheánacha agus Sóisear Cúige. Beidh an fhreagracht as Bronnadh gach Cluiche faoina dhlínse, lena n-áirítear Cluichí Craoibhe Idirchontae Sinsir Cúige, ar an gComhairle Chúige.

(b) Gach cúrsa a bhaineann le bainistíocht agus roghnú a fhoirne Idirchúige a chinneadh.

(c) Teorainneacha na gContaetha a eagrú chun críche imeartha.

(d) Cúrsaí airgeadais agus gach cúrsa eile de chuid an Chumainn laistigh den Chúige nach bhfuil faoi dhlínse Coiste Contae a rialú.

(e) Rialacháin a dhéanamh lena rialaítear Comórtais faoina smacht agus cúrsaí eile a bhaineann lena Chumhachtaí, lena Fheidhmeanna agus lena Oibríochtaí. Nuair a ghlacfar Rialachán fanfaidh sé i bhfeidhm mura n-athraíonn nó mura scriosann tromlach simplí díobh siúd a bheidh i dteideal vóta a chaitheamh agus a bheidh ag vótáil. Ní bhreathnófar ar athruithe ach ar bhonn bliantúil amháin.

(f) Dualgais Choiste Contae a chomhlíonadh a cuireadh ar fionraí iad tar éis dóibh Riail nó Cód a shárú.

(g) Riarthóir Réiteoirí Cúige a cheapadh le freastal ar chruinnithe le réiteoirí a cheapadh i gcomhair cluichí, agus chuige sin amháin, nach cluichí de chuid Chraobhchomórtais Sinsir Idirchontae na gCúigí iad, agus é de chead aige nó aici vóta a chaitheamh ar na cúrsaí céanna. Is é trí bliana an tréimhse uasta oifige.

(h) Rún amháin a chur isteach chuig an gComhdháil Bhliantúil.

(i) Monatóireacht agus maoirseacht a dhéanamh ar Choiste Contae laistigh dá dhlínse agus comhairle a thabhairt dó maidir lena fheidhmíocht sna réimsí maidir le Forbairt Cluichí, Comórtais, Riarachán Cluichí, cloí le Treoracha na hArd-Chomhairle, Feidhmíocht Airgeadais, Margaíocht, Caidreamh Poiblí agus infheistíocht i Saoráidí Fisiceacha.

(j) Iarratais ó Chontaetha a bhreithniú maidir le hathghrádú níos mó ná Club amháin go stádas Idirmheánach nó go stádas Sóisearach i mbliain Chraobhchomórtais ar bith. Ní mór cead roimh ré a fháil ón gComhairle Cúige le haghaidh athghrádú ar bith den sórt sin a bheidh sa bhreis ar Chlub amháin i ngach grád.

(k) Iniúchadh Cluichí a dhéanamh agus scrúdú a dhéanamh ar Chlár na gCluichí i ngach Contae faoina dhlínse, agus moltaí a dhéanamh nó beart ar bith is iomchuí leis a dhéanamh maidir leis sin.

(l) Tuarascáil Bhliantúil a fhoilsiú ar staid na gCluichí agus ar Fhorbairt Cluichí sna Contaetha faoina dhlínse.

(m) Forbairtí fisiceacha ag Clubanna a fhaomhadh, agus Forbairt Páirceanna Contae a mholadh don Ard-Chomhairle.

(n) Fochoistí a cheapadh, de réir mar is gá ó am go chéile, le cumhachtaí tarmligthe i ndáil leis na cúrsaí/gníomhaíochtaí sonraithe sin de réir mar a chinnfidh an Chomhairle.

3.29 Monatóireacht a Dhéanamh ar Chlár na gCluichí Contae

Cuirfidh an Contae, trí bhíthin a ceapaí ainmnithe ar a bhfuil freagracht maidir le Cluichí Club, cluichí iomlán, idir Chlár do Dhaoine Fásta agus Chlár faoi Aois, faoi bhráid na Comhairle Cúige faoin lá deireanach d'Eanáir gach bliain nó faoi bhráid an Lárchoiste um Anailís agus Maoirseacht ar Chluichí lena cheadú nó le treoir a fháil maidir leis an gClár a choigeartú má mheastar gá a bheith leis sin. Trí bhíthin a gceapaí ainmnithe, déanfaidh Comhairlí Cúige monatóireacht ar dhul chun cinn Chraobhchomórtais gach Contae ar bhonn míosúil.

Cuirfear an Chomhairle Chúige ar an eolas faoi chur siar Cluiche Craoibhe ar bith laistigh de trí lá ó bhundáta an Chluiche, agus ní mór an chúis leis an gcur siar a thabhairt.

Cuirfidh gach Comhairle Cúige Fochoiste ar bun, ar a mbeidh Cathaoirleach Cúige agus a ceapaí ainmnithe ar a bhfuil freagracht maidir le Cluichí Club, lena chinntiú go gcomhlíontar a cuid freagrachtaí i leith Cluichí Club, agus déanfaidh an Fochoiste seo, trí bhíthin a ceapaí ainmnithe, sárúithe a thuairisciú don Lárchoiste um Anailís agus Maoirseacht ar Chluichí. Déileálfaidh Coiste Bainistíochta na Comhairle Cúige le mainneachtain ar bith ag an gComhairle Cúige sa Rial seo a fhorfheidhmiú.

Ní chuirfear Cluichí Club siar toisc go bhfuil Contae páirteach i gCraobhchomórtas Idirchontae, ach amháin sna cúinsí dá bhforáiltear sna Rialacha nó sna Cóid seo. Cloífidh contaetha le Beartais agus le Treoracha na hArd-Chomhairle maidir le Cluichí Club a sceidealú go cuí.

Pionós i ngeall ar neamhchomhlíonadh:

Cailliúint Chostais agus/nó Dheontais an Chraobhchomórtais, nó dícháiliú ón gCraobhchomórtas Idirchontae lena mbaineann.

Eagróidh Comhairlí Cúige Seimineár Bliantúil do Chontaetha maidir le socrú éifeachtach cluichí.

3.30 Fochoistí/Feidhmeanna

(A) Ceapfaidh Comhairle Cúige na Fochoistí seo a leanas:

(i) Coiste Bainistíochta Beidh sé freagrach as gnóthaí a bhainistiú laistigh den Dhlínse Chúige, sna tréimhsí idir chruinnithe Comhairle Cúige.

Féadfaidh Comhairle Chúige Coiste Bainistíochta agus Airgeadais a cheapadh, má chinneann sé sin.

(Coiste Rialaithe Comórtas Beidh sé freagrach as gach socrú (lena n-áirítear Réiteoirí a cheapadh do Chluichí nach Cluichí de chuid Chraobhchomórtais Sinsir Idirchontae iad, i gcomhair, agus le rialú a dhéanamh ar Chluichí faoin gComhairle Cúige agus gnóthaí a eascraíonn as na cúrsaí céanna, seachas na feidhmeanna sin a fhorchoimeádtar don Choiste Éisteachtaí Cúige, don Lárchoiste Rialaithe Comórtas, don Choiste um Fhorbairt Comórtas a Rialú, don Lárchoiste um Réiteoirí a Cheapadh agus don Lárchoiste Éisteachta. Éistfidh sé Agóidí agus Frithagóidí a eascraíonn as Cluiche ar bith faoina smacht. Fiosróidh sé agus próiseálfaidh sé cúrsaí a bhaineann le Rialacha, Cóid agus Rialacháin Cluichí a Fhorfheidhmiú, seachas na feidhmeanna sin a fhorchoimeádtar do na Coistí (a phléann le cúrsaí smachtaithe) mar a leagadh amach thuas.

Beidh sé freagrach as cinntí a dhéanamh maidir le hiarratais ar Aistriú Idirchontae laistigh dá dhlínse.

(iii) Coiste Éisteachta

(a) Breithneoidh sé gach Beart Araíonachta ina bhforordaítear agus ina n-iarrtar Éisteacht, má tá baint aige le Forfheidhmiú Rialacha agus Cód a eascraíonn as gnóthaí atá faoi Dhlínse na Comhairle Cúige.

Eisceachtaí:

(1) Is feidhm de chuid Choiste Rialaithe Comórtas an Chúige Éisteacht a Thionól maidir le hAgóid/Frithagóid.

(2) Feidhm de chuid an Lárchoiste Éisteachtaí is ea Éisteacht i dtaca le Mí-iompar agus Sáruithe ar Rialacháin Cluichí a eascraíonn as Cluichí Craoibhe Idirchontae Cúige na Sinsear.

(b) Éistfidh sé na hAchomhairc uile i gcoinne chinntí na gCoistí Contae.

(c) Beidh sé comhdhéanta de chúigear Ball ar a laghad nach mbeidh ina measc Baill de Choiste Rialaithe Chomórtais na gCúigí ná Baill den Choiste Bainistíochta ach amháin go bhféadfadh an Rúnaí Cúige feidhmiú mar Rúnaí neamh-Vótála ar an gCoiste Éisteachtaí nuair a bheifear ag déileáil le hAchomhairc.

(iv) Coiste Sábháilteachta agus Saoráidí

Beidh sé freagrach as Páirceanna agus as Forbairt Fhisiceach, Forbairt Clubanna, Riarachán Clubanna agus Contae, agus Sábháilteacht na bPáirceanna

(v) **Coiste Riaracháin Réiteoirí** Beidh sé freagrach as Réiteoirí a earcú, a thraenáil, a mheas agus a rangú faoi dhlínse na Comhairle Cúige.

(vi) **Coiste Cóitseála agus Forbartha Cluichí** Beidh sé freagrach as monatóireacht agus meastóireacht a dhéanamh ar Fheidhmíocht Contae i dtaobh Forbairt Cluichí.

(vii) **Coiste Cultúrtha** Beidh sé freagrach as (a) an Ghaeilge, (b) Scór agus (c) Gníomhaíochtaí Cultúrtha eile.

(viii) Coiste um Chaidreamh Poiblí/Margaíocht

Beidh sé freagrach as Poiblíocht, Margaíocht agus Foilseacháin.

(ix) **Coiste Airgeadais** Beidh sé freagrach as na Cúrsaí Airgeadais uile a chuireann an Chomhairle Cúige faoina bhráid. Féadfaidh Comhairle Chúige Coiste Bainistíochta agus Airgeadais a cheapadh, má chinneann sé sin.

(x) Anailísithe Cluichí

(a) Ceapfaidh an Coiste Bainistíochta beirt Anailísithe Cluichí. Is ceapaí ainmnithe de chuid na Comhairle Cúige duine díobh seo ar a bhfuil freagracht maidir le Cluichí Club agus gníomhóidh sé nó sí mar Ionadaí Cúige ar an Lárchoiste um Anailís ar Chluichí agus ar an Lárchoiste um Chluichí Club Náisiúnta a Mhaoirsiú araon.

(b) Beidh na hAnailísithe Cluichí freagrach as monatóireacht agus anailís a dhéanamh ar an gClár Cluichí Cúige.

(c) Cuirfidh na hAnailísithe Cluichí Tuarascáil i láthair an Choinbhinsiúin Chúige maidir leis na Cluichí uile ar an leibhéal Cúige agus ar an leibhéal Contae agus déanfaidh siad moltaí maidir le hathruithe i bhféilire na gcluichí de réir mar is cuí.

(d) Cuideoidh na hAnailísithe Cluichí leis an Lárchoiste Anailíse Cluichí maidir le hoideachas agus oiliúint na nAnailísithe Cluichí ar an leibhéal Contae a eagrú.

(xi) Coiste um Iniúchóireacht agus Riosca

Tacóidh sé leis an gCisteoir, leis an gCoiste Bainistíochta agus leis an gCoiste Airgeadais i dtaca le gach ní a bhaineann le cúrsaí airgeadais nó riosca.

Beidh sé freagrach as dea-chaighdeáin rialachais agus dea-chleachtais bhainistíochta riosca a chur chun cinn agus monatóireacht a dhéanamh orthu freisin. Cúigear ar a mhéad a bheidh ina mbaill de, Cathaoirleach san áireamh arb é an Coiste Bainistíochta a ainmneoidh é nó í agus an Lárchoiste Iniúchóireachta agus Riosca a fhaomhfaidh é nó í; agus suas le ceathrar ball eile arb é an Coiste Bainistíochta a ainmneoidh iad. Ní bheidh an Cisteoir ná an Stiúrthóir Airgeadais, más bainteach, ina mbaill.

Cuirfidh an Coiste tuarascálacha faoi bhráid an Lárchoiste Iniúchóireachta agus Riosca nuair a iarrtar a leithéid, rud is gá a dhéanamh uair sa bhliain ar a laghad.

(B) (i) Ceapfar gach Fochoiste, faoi réir Riail 3.27 ar feadh téarma trí bliana. Is ar thoghadh an Chathaoirligh a chuirfear tús le téarma na bhFochoistí. Líonfar folúntas, de réir mar is cuí, ag an gcéad chruinniú i ndiaidh Coinbhinsiún Cúige nó nuair a thiocfaidh sé chun cinn.

(ii) Leagfar amach i bhFodhlithe na Comhairle Cúige líon na mball den Chomhairle Cúige ar gach Fochoiste a bhfuil ceart vótála acu.

(iii) Toghfar an Coiste Bhainistíochta ó Oifigigh agus Ionadaithe Contae na Comhairle Cúige.

(iv) Roghnófar baill an Choiste Rialaithe Comórtas ó Oifigigh agus ó Ionadaithe Contae na Comhairle Cúige, in éineacht le Riarthóir na Réiteoirí Cúige agus an duine sin ina bhall den Choiste i gcomhréir le Riail 3.28(g).

(v) Beidh Ballraíocht Choiste Riaracháin na Réiteoirí comhdhéanta de Chathaoirleach arna cheapadh ag an gComhairle Chúige, agus Riarthóirí Réiteoirí na gContaetha sa Chúige. (Is féidir le duine de Riarthóirí Contae na Réiteoirí nó duine breise arna cheapadh ag an gComhairle Chúige a bheith ina Rúnaí den Choiste seo.)

(vi) Beidh Cathaoirligh na Coiste Bainistíochta agus an Choiste Rialaithe Comórtas faoi seach ina nOifigeach de chuig na Comhairle Cúige. Roghnófar Cathaoirleach gach Fochoiste eile as Oifigigh nó Baill na Comhairle Cúige nó as pearsanra cuí eile.

Cuirfidh Cathaoirleach gach Fochoiste Tuarascáil um Dhul chun Cinn maidir le hobair an Choiste i láthair de réir mar a éileoidh an Chomhairle Chúige é. Cuirfidh na Coistí ar fad Tuarascáil um Dhul chun Cinn i láthair uair amháin sa bhliain ar a laghad.

(viii) Buailfidh gach Fochoiste den Chomhairle Cúige leis na Fochoistí atá ar aon dul leo ag (a) Leibhéal Náisiúnta agus (b) leibhéal an Chontae, ar a laghad uair sa bhliain, agus feidhmeoidh an Coiste níos sinsearaí mar an tionólaí.

(ix) Déanfar Téarmaí Tagartha na bhFochoistí uile, nuair a cheapfar na Fochoistí, a thaifeadh agus a dháileadh.

Nóta: Ní bhaineann Ailt (ii), (vii) agus (viii) thuas leis an gCoiste Iniúchóireachta agus Riosca.

3.31 Taifid a Chur Isteach

(a) Cuiridh Comhairle Cúige liosta de na Clubanna i ngach Contae faoina dlínse, mar aon le táille €1 in aghaidh an Chlub isteach chuig an Ard-Chomhairle roimh an 1 Bealtaine gach bliain.

(b) Cuirfidh Comhairle Chúige an méid seo a leanas i láthair na Comhdhála Bliantúla:

(a) Tuarascáil an Rúnaí

(b) Cuntais Iniúchta

(c) Measúnú ar staid reatha an Chumainn sna Contaetha. Mura gcuirtear na cuntais sin ar fáil d'fhéadfaí fionraí a ghearradh, agus i gcás dá leithéid glacfaidh an Ard-Chomhairle, ar bhonn idirthréimhseach, ceannas ar ghnóthaí an Chumainn laistigh den Chúige.

3.32 Scéala a Chur Amach faoi Chruinnithe

Tabharfaidh an Rúnaí Cúige fógra cúig lá ar a laghad i scríbhinn do na Baill uile maidir le cruinnithe, ach amháin ar uair na práinne, tráth ar ceadmhach don Rúnaí, i gcomhairle leis an gCathaoirleach, cruinniú a ghairm agus é a fhógairt i scríbhinn nó ó bhéal ar fógra níos gairide ná mar is gnáth.

Féadfaidh an Rúnaí cruinniú speisialta a thionól ar iarratas i scríbhinn ó thromlach na mball.

NÁISIÚNTA

Comhdháil

3.33 Comhdháil

Tionólfar an Chomhdháil Bhliantúil roimh an 1 Márta. Roghnóidh an Ard-Chomhairle an t-ionad, agus breithneoidh sí go cuí ar gach iarratas a gheobhaidh an Chomhairle. Ar an gComhairle beidh baill den Chomhairle atá ag dul as oifig (agus na cearta vótála céanna acu agus na daoine eile ar an gComhairle), chomh maith leis na hiar-Uachtaráin, agus toscairí ó na Contaetha ar an mbonn seo a leanas:

- (i) Contaetha a ghlac páirt i gCraobhchomhórtas Sinsir Idirchontae na bliana roimhe: Aon toscaire amháin ó gach deich gClub cleamhnaithe nó sciar den deich atá níos mó ná cúig, ach is Ceathrar toscairí an líon is lú d'ionadaithe ó na Contaetha sin atá inghlactha. Beidh beirt ionadaithe ag Contaetha a bhfuil níos lú ná cúig chleamhnú acu. Is é deichniúr toscairí an t-uaslíon ionadaithe do Chontae amháin ar bith.
- (ii) Contaetha Eile
Aon toscaire amháin ó gach ceithre chlub déag cleamhnaithe nó sciar den den ceithre déag tá níos mó ná seacht ach is triúr toscairí an líon is lú d'ionadaithe ó na Contaetha sin atá inghlactha. Is é deichniúr toscairí an t-uaslíon ionadaithe do Chontae amháin ar bith.

Déanfaidh ionadaí ainmnithe amháin de chuid an Chumainn ionadaíocht ar son an Chumainn Imreoirí Gael.

Tá sé de cheart ag Rúnaithe agus Cathaoirligh de na Coistí Náisiúnta freastal uirthi agus labhairt ann ach ní bheidh cead acu vóta a chaitheamh.

Fágтар faoi chomhairle an Uachtaráin é, más rogha leis nó léi, cuireadh a thabhairt do chuairoteoirí eile labhairt ag an gComhdháil.

3.34 Feidhmeanna

Is iad seo a leanas feidhmeanna na Comhdhála Bliantúla:

- (a) Breithniú ar Thuarascálacha agus ar Chuntais Iniúchta na hArd-Chomhairle agus a Fochomhairlí don bhliain airgeadais roimhe sin go dtí an 30 Meán Fómhair.
- ((b) Breithniú ar Thuarascálacha ó Cheardlanna na Comhdhála.
- (c) Uachtarán agus beirt Ionadaithe Comhdhála a thoghadh le ballóid rúnda.
- (d) Breithniú ar rúin agus rialacha a achtú, a leasú nó a chur ar ceal.
- (e) Léirmhíniú ar bith ar Riail a thabharfaidh an Ard-Chomhairle a fhaomhadh nó a dhiúltú faoin 31 Nollaig roimh an gComhdháil, de réir Riail 3.41(b), maidir lena chuimsiú sa Riail.
- (f) Beartas an Chumainn a chinneadh i gcreatlach ghinearálta.
- (g) Rúnaí an Údaráis Réitigh Díospóidí a cheapadh ar ainmiú na hArd-Chomhairle, nó i gcás folúntas a bheith ann idir Comhdhálacha, ceapacháin dá leithéid a dhéanfadh an Ard-Chomhairle a dhaingniú ag an gComhdháil ina dhiaidh sin.

3.35 Uachtarán/Ionadaithe na Comhdhála

Ainmneoidh Coiste Contae iarrthóir le haghaidh phost Uachtarán nó Ionadaí na Comhdhála. Cuirfear an t-ainmniúchán sin isteach ar an bPáipéar Ainmniúcháin, a chuirfear chuig an gCoiste Contae tráth nach déanaí ná an 1 Eanáir roimh an gComhdháil Bhliantúil, agus a chomhlánófar agus a chuirfear ar ais chuig an Ard-Stiúrthóir roimh an 15 Eanáir. Dearbhóidh na hainmnithe don Ard-Stiúrthóir dhá sheachtain ar a laghad roimh an gComhdháil cibé an seasfaidh siad/nach seasfaidh siad lena dtoghadh.

Cuirfear toghcháin Uachtarán agus Ionadaithe na Comhdhála i gcrích ag an gComhdháil ar bhonn vóta ballóide rúnda amháin ar Chórais na hIonadaíochta Cionmhaire, ach fógrófar toradh gach comhairimh ag an gComhdháil. Ní bheidh Uachtarán nó Ionadaí na Comhdhála i seilbh oifige ar feadh níos mó ná trí bliana as a chéile.

Toghfear Uachtarán aon bhliain amháin roimh dó nó di tús a chur lena t(h)éarma oifige agus i rith na bliana sin is mar an Uachtarán tofa a dtagrófar dó nó di.

Má thagann folúntas chun cinn i measc Ionadaithe na Comhdhála roimh an 30 Samhain i mbliain ar bith, líonfar é ar bhonn:

- (a) Ainmniúcháin ag na Contaetha,
- (b) Vóta ballóide na gContaetha (bunaithe ar chumhacht vótála na Comhdhála) agus Baill de chuid na hArd-Chomhairle reatha.

Má thagann folúntas chun cinn i ndiaidh an 30 Samhain, fágfar an post folamh go dtí an chéad Chomhdháil eile.

I gcás bhás nó éagumas buan an Uachtaráin, beidh an t-údarás ag an Ard-Chomhairle Uachtarán gníomhach a cheapadh as na Leas-Uachtaráin, a chomhlíonfaidh dualgais na hUachtaránachta go dtí an chéad Chomhdháil eile.

3.36 Comhdháil Speisialta

I gcúinsí speisialta, agus má tá tacaíocht ó mhóramh de thrí chúigiú dá ball taobh thiar di, féadfaidh an Ard-Chomhairle Comhdháil Speisialta a ghairm. Féadfaidh an Ard-Chomhairle Comhdháil Speisialta um Rialacha Imeartha a ghairm chun forálacha Riail 3.38(d) a chomhlíonadh.

I gComhdháil Speisialta a thionólfar laistigh d'ocht seachtaine is daichead i ndiaidh Comhdháil Bhliantúil, ní athrófar cinneadh a rinneadh sa Chomhdháil Bhliantúil sin.

3.37 Fóram Náisiúnta don Óige

Reáchtálfar Fóram Náisiúnta don Óige gach bliain ag a mbeidh cead ag daoine óga 12-21 bliain d'aois freastal air. Ainmneoidh an Coiste Bainistíochta cúigear daoine óga ar a mhéad (a d'fhreastail ar an Fóram Náisiúnta don Óige) chun tuarascáil a chur i láthair na Comhdhála, mar a mbeidh cead cainte acu.

3.38 Rúin

(a) Féadfar rúin don Chomhdháil a chur isteach mar a leanas:

(i) Rúin a dhéantar ag Coinbhinsiún Contae.

(ii) Rúin amháin ar a mhéad a chuirfidh Coiste Contae isteach go díreach.

(iii) Rúin amháin ar a mhéad ó Chomhairle Chúige.

(iv) Tá sé de cheart ag an Ard-Chomhairle rún a mholadh maidir le:

(1) Léirmhínte ar bith ar Riail a thug an Ard-Chomhairle an Bhliain Fhéilire roimhe sin.

(2) Cúrsa ábhartha ar bith a bhaineann le Riail a eascraíonn as cinneadh bhinse an Údaráis Réitigh Díospóidí an Bhliain Fhéilire roimhe sin.

(3) Rúin ar bith de thoradh ar Thuarascáil Fhochoiste na hArd-Chomhairle.

(4) Moltaí ar bith de chuid an Bhuanchoiste maidir leis na Rialacha Imeartha a d'fhaomh an Ard-Chomhairle faoi Riail 3.56.

(5) Cúrsaí éigeandála a bhaineann leis na Rialacha Imeartha.

(6) Trí Rúin ar a mhéad seachas na cinn atá liostaithe sna Catagóirí atá liostaithe thuas.

(v) Rúin amháin ar a mhéad ó World GAA.

(vi) Rúin amháin ar a mhéad ar mhol Cumann Imreoirí Gael é.

(vii) Rúin a ritheadh ag Cruinnithe Ginearálta Bliantúla Chomhairle Iarbhunscoileanna na hÉireann ar chúrsaí ar bith a bhaineann leis an gCumann ag a leibhéal féin.

(viii) Rúin a ritheadh ag Coinbhinsiún Bliantúil na Chomhairle Ardoideachais ar chúrsaí ar bith a bhaineann leis an gCumann ag a leibhéal féin.

(b) (i) Rúin (rúin) atá le cur faoi bhráid na Comhdhála Bliantúla agus a ritear ag Coinbhinsiún Contae nó, sa chás gur chuir Coiste Contae isteach go díreach é, bainfear leas as tarchur leictreonach le hé a sheoladh chuig an Ard-Stiúrthóir faoin 23 Nollaig.

(ii) Bainfear leas as tarchur leictreonach chun rún ón gComhairle Cúige atá le cur faoi bhráid na Comhdhála Bliantúla a sheoladh chuig an Ard-Stiúrthóir faoin 23 Eanáir.

(c) Aon Rúin lena bhféachtar Rialacha nua a achtú nó Rialacha atá ann cheana a leasú, tabharfar téacs iomlán an tsleachta lena bhfuiltear i gceist cur leis nó leasú a dhéanamh, agus luafar, leis, uimhreacha na rialacha lena mbainfidh.

(d) Ní thabharfar i láthair Rúin chun Rialacha Imeartha a leasú ach amháin i mblianta atá inroinnte ar a cúig. Cuirfear aon rún den sórt seo isteach faoin dáta faoina gcaithfear rúin a chur isteach i gcomhair Chomhdháil na bliana roimhe agus cuirfear ar aghaidh iad chuig an mBuanchoiste maidir le Rialacha Imeartha é faoi choinne meastóireachta.

Eisceacht: Rúin a chuirfear isteach i gcomhréir le hAlt (a)(iv) den Riail seo.

Bliain ar bith ina mbeidh Rialacha Imeartha ar Chlár Oibre na Comhdhála, tabharfar tús áite dóibh sa liosta rún, nó féadfar iad a phlé ag Comhdháil Speisialta, má chinneann an Ard-Chomhairle é sin.

(e) Le rúin a bhaint, a leasú nó a leasú/a chur ar leataobh ar bhonn sealadach, caithfidh trí chúigiú de na daoine i láthair (a bhfuil sé de cheart acu vóta a chaitheamh agus a chaitheann vóta) glacadh leis.

(f) Féadfaidh an Chomhdháil rún a chur ar aghaidh lena bhreathnú chuig an Ard-Chomhairle nó Fochoiste den chomhlacht sin. Cuirfear na moltaí ina dhiaidh sin, má mholfar iontu Riail reatha a leasú, i bhfoirm rún chuig an gComhdháil ina dhiaidh sin.

(g) Tiocfaidh Rialacha nua agus leasaithe i bhfeidhm ceithre seachtaine ó dháta na Comhdhála Bliantúla nó na Comhdhála Speisialta, mura sonraítear agus mura bhfaomhtar a mhalairt sa Rún a glacadh, nó faoi mar a fhoráiltear thíos.

Féadfaidh an Ard-Chomhairle (nó i gcásanna práinneacha an Coiste Bainistíochta thar ceann na hArd-Chomhairle) dáta chur chun feidhme Rialach nua nó leasaithe a thabhairt ar aghaidh nó a chur siar.

Ní bheidh feidhm shiarghabhálach ag Riail nua nó leasaithe. Cuirfear comórtas a tosaíodh faoi na Rialacha/Rialacháin a bhí ann an tráth sin (seachas Rialacha Imeartha) i gcrích faoi na Rialacha/Rialacháin seo.

Scaipfear téacs Rialach nua nó leasaithe ar na Rúnaithe Contae laistigh de cheithre seachtaine óna chur i gcrích, lena dháileadh ar Chlubanna.

(h) Má dhearbhaítear nár bhfuair rún trian den na vótaí a caitheadh ag Comhdháil, ní ceadmhach é a thabhairt i láthair ar Chlár Oibre na Comhdhála go ceann trí bliana ina dhiaidh sin, mura gceadóidh an Coiste Bainistíochta é i gcúinsí eisceachtúla.

3.39 Clár Oibre agus Fógra

Dhá sheachtain ar a laghad roimh an gComhdháil Bhliantúil, eiseofar cóipeanna, chuig gach Contae, de réir ionadaíochta, de Thuarascáil an Ard-Stiúrthóra, de na Cuntais Iniúchta, de Thopaicí an Chláir Oibre agus Ceardlainne, agus de liosta Ainmiúchán agus Rún.

Ard-Chomhairle

3.40 An Chomhairle

(a) Ar an Ard-Chomhairle beidh: an tUachtarán, an tArd-Stiúrthóir (gan cearta vótála), an tUachtarán tofa, má tá sé nó sí i seilbh oifige ag an am; an tUachtarán atá díreach éirithe as roimh an mbliain inar chaith sé nó sí a t(h)éarma mar Uachtarán, na Leas-Uachtaráin, ar Cathaoirligh na gComhairlí Cúige iad (a ghlacfaidh ballraíocht ag deireadh na Comhdhála Bliantúla tar éis dóibh a bheith tofa), beirt Ionadaithe ón gComhdháil, Ionadaí thar ceann World GAA, agus ionadaí a mbeidh cearta vótála aige nó aici ó gach ceann de na heagraíochtaí seo a leanas - gach Contae in Éirinn; an Bhreatain; Coiste Contae Londain; Bord CLGSAM; Bord Nua-Eabhrac; an Bord Eorpach; Liathróid Láimhe CLG; an Chomhairle Ard-Oideachais; Comhairle Iar-Bhunscoileanna na hÉireann agus Cumann Imreoirí Gael agus Ionadaí gan Cearta Vótála ón gCumann Camógaíochta agus ó Chumann Pheil na mBan araon.

Más amhlaidh go bhfuil ball den Chomhairle tar éis cúig bliana a chaitheamh mar ionadaí de chuid an Aonaid céanna, as a chéile nó go carnach, níl cead aige nó aici an ról sin a bheith aige nó aici

go ceann cúig bliana díreach tar éis dó nó di an cúigiú bliain a chaitheamh sa ról sin. Mairfidh téarma bliana díreach i ndiaidh Comhdháil Bhliantúil go dtí go gcuirfear an chéad Chomhdháil Bhliantúil eile i gcrích. Má thoghfar ball mar Ionadaí ar an gComhairle 'i dtéarma' sé seachtaine is fiche nó níos lú roimh an gcéad Chomhdháil eile, ní chuirfear an t-am sin a fónadh san áireamh mar chuid den tréimhse cúig bliana.

(b) Ní dhéanfaidh ionadaithe ionadaíocht ar son an Uachtaráin, an Ard-Stiúrthóra, an Uachtaráin thofa, an iar-Uachtaráin díreach roimhe sin, agus Ionadaithe na Comhdhála ag cruinnithe na Comhairle. Féadfaidh Oifigeach eile de chuid na Comhairle Cúige ionadaíocht a dhéanamh ar son Cathaoirleach Cúige.

Féadfaidh ionadaí ionadaíocht a dhéanamh ar son Ionadaí Contae, a bheidh ina bhall den Choiste Contae lena mbainfidh.

(c) Má thagann folúntas chun cinn in ionadaíocht, líonfaidh an comhlacht lena mbainfidh an folúntas sin.

(d) Beidh an Ard-Chomhairle i seilbh oifige go dtí go gcuirfear an chéad Comhdháil eile i gcrích.

(e) Ball a bheidh as láthair, gan chúis chóir, ó thrí chruinniú as a chéile, dícháileofar é go huathoibríoch ó bhallaíocht na Comhairle le haghaidh na bliana sin. Beidh feidhm aige sin maidir le baill uile na bhFochoistí chomh maith.

3.41 Cumhachtaí agus Feidhmeanna

(a) Is í Comhlacht Rialaithe Uachtarach an Chumainn idir Comhdhálacha Bliantúla.

(b) Is é an t-údarás deiridh é le léirmhíniú a thabhairt ar na Rialacha, de réir Riail 3.34(e). Déanfaidh sí breathnú agus breithniú ar gach molta a dhéanfaidh an Coiste Bainistíochta ar iarratais ar Léirmhíniú Rialach a gheofar i scríbhinn ón Ard-Stiúrthóir. Beidh feidhm na Rialach ag Léirmhíniú dá leithéid go dtí an Chomhdháil a thionólfar an Bhliain Fhéilire i ndiaidh an Léirmhíniú a bheith tugtha, agus ina ndéanfaidh an Chomhdháil, ar Rún arna chur isteach ag an Ard-Chomhairle, cuimsiú an Léirmhíniú sa Riail a fhaomhadh nó a dhiúltú. Ní thabharfar Léirmhíniú ar ábhar cáis atá ar feitheamh os comhair Aonad Breithnithe an Chumainn.

(c) Beidh sé freagrach as Cóid a achtú, a leasú nó a chur ar ceal a mbeidh feidhm acu ar fud an Chumainn, agus a bheidh faoi réir na Treorach Oifigiúla. Is ceadmhach do na heintitis seo a leanas rúin a chur isteach:

(i) Coiste Contae

(ii) Comhairle Cúige

(iii) Na Lárchoistí a shonraítear sa Treoir Oifigiúil seo

Cuirfidh Rúnaí an Aonaid nó an Lárchoiste ábhartha rúin den sórt seo faoi bhráid an Ard-Stiúrthóra roimh an 31 Nollaig agus breithneoidh an Ard-Chomhairle iad ag cruinniú i rith an Mhárta dar gcionn. Féadfaidh na comhlachtaí a leagtar amach thuas rúin den chineál céanna a chur isteach ar an gcaoi chéanna aon am i rith na bliana ach is faoin Ard-Chomhairle atá sé iad a mheas agus caitheadh sí cead a fháil ón gCoiste Bainistíochta chuige sin.

Caitheadh trí chúigiú de na daoine i láthair glacadh le rúin den sórt seo agus é de cheart acu vóta a chaitheamh agus iad ag caitheamh vóta ag cruinniú den Ard-Chomhairle.

(d) Maidir le rúin chun rialacha nua a achtú nó rialacha atá ann cheana a leasú, tabharfar téacs iomlán an tsleachta lena bhfuiltear i gceist cur leis nó leasú a dhéanamh, agus luafar, leis, uimhreacha na rialacha lena mbainfidh.

(e) Eiseoidh sé Rialacháin agus Treoracha a bheidh faoi réir na Rialacha atá sa Treoir Oifigiúil agus na gCód a nglacfaidh an Ard-Chomhairle chucu féin. Is féidir pionóis a bheith i Rialacháin agus Treoracha den sórt sin ach ní aireofar i measc na bpionós seo fionraí ná pionós níos tromchúisí ná fíneálacha os cionn €1,000.

(f) Eiseoidh sé Treoirínte le cuidiú le hAonaid agus le Baill cloí le Rialacha, Cóid, Rialacháin agus Treoracha.

(g) Beidh sé de chumhacht aici (nó i gcásanna Coiste Bainistíochta a bhfuil práinn ag baint leo thar ceann na hArd-Chomhairle) dáta chur chun feidhme Rialach nua nó leasaithe a thabhairt chun tosaigh nó a chur siar.

(h) Tiocfaidh an Cumann go léir faoina dlínse maidir le gach uile ní. Ceapfaidh sí lontaobhaithe chun cistí, infheistíochtaí, agus maoin an Chumainn a shealbhú. Gheofar a cead roimhe ré do ghníomh ar bith a rachaidh i gcion ar bheartas ginearálta an Chumainn agus do chaiteachas caipitil.

(i) Déanfaidh sí, trí bhíthin a Coiste Bainistíochta, athbhreithniú ar Chuntais Iniúchta an Choiste Contae agus beidh an t-údarás aici cibé beart a mheastar a bheith riachtanach a dhéanamh le cinntiú go ndéanfar cúrsaí airgeadais a rialú mar is cuí.

(j) Gach cinneadh a dhéanann sí faoin gCumann, tá sé críochnaitheach agus é ina cheangal ar bhaill an Chumainn.

(k) Beidh de chumhacht aici Rialacháin a dhéanamh lena rialaítear Comórtais faoina smacht (ar mholtaí ón gCoiste Bainistíochta nó ar chomhairle ón Lárchoiste Rialaithe Comórtas, nó ón gCoiste um Fhorbairt Comórtas a Rialú, dá bhforáiltear sna Rialacha nó sna Cóid seo), agus cúrsaí eile a ghabhann lena Cumhachtaí, lena Feidhmeanna agus lena hOibríochtaí.

Nuair a ghlacfar Rialachán fanfaidh sé i bhfeidhm mura n-athraíonn nó mura scriosann tromlach simplí díobh siúd a bheidh i láthair, a bheidh i dteideal vóta a chaitheamh agus a bheidh ag vótáil. Ní bhreathnófar ar athruithe ach ar bhonn bliantúil amháin.

(l) Rialóidh sí Craobhchomórtas na hÉireann, Comórtais Idirchúige, agus Comórtais na Sraithe Náisiúnta.

(m) Ag a céad chruinniú gach bliain toghfaidh sí, de réir mar is gá

(i) baill chun an Choiste Bainistíochta

(ii) ceapfaidh sí baill ar an Lárchoiste Éisteachtaí agus ar an Lárchoiste Achomharc, ar mholadh ón gCoiste Bainistíochta.

(iii) ceapfaidh sí Cathaoirleach ar World GAA.

(n) Ceapfaidh sí Coiste Iniúcháireachta, a mbeidh seisear ar a laghad mar bhaill di.

(o) Ceapfaidh sí Coiste Comhairleach Rialacha agus Buanchoiste ar na Rialacha Imeartha.

(p) Ag gach cruinniú breithneoidh sí Tuarascáil ón gCoiste Bainistíochta faoi na rudaí atá ar siúl aige.

(q) Ainmneoidh sí Rúnaí don Údarás Réitigh Díospóidí lena c(h)eadadh ag an gComhdháil. Má thagann folúntas chun cinn idir Comhdhála líonfaidh sí an folúntas, agus cuirfear an ceapachán isteach lena dhaingniú ag an gcéad Chomhdháil eile. An painéal a roghnóidh an Rúnaí sin, daingneoidh sí é de réir an Chóid um Dhíospóidí a Réiteach.

(r) Beidh de chumhacht aici, ag an gcéad chruinniú dá cuid i ndiaidh dheireadh sheachtain na Comhdhála, athbhreithniú a dhéanamh ar mhéid na dtáillí agus na bhfíneálacha dá dtagraítear sna Rialacha agus sna Cóid, agus iad sin a athrú de réir mar a mheastar gá a bheith leis sin.

(s) Beidh de chumhacht aici úsáid Mhaoin an Chumainn a údarú i gcomhréir le Rial 5.1 le haghaidh cluichí/gníomhaíochtaí eile seachas na cinn a rialaíonn an Cumann.

(t) Beidh de chumhacht aici na teorainneacha idir na Cúigí a shocrú chun críche imeartha.

(u) Beidh de chumhacht aici limistéir gheografacha a aithint mar Chúigí nó mar Chontaetha; nó Limistéir Riaracháin a bhfuil stádas ar aon dul le Contae nó Cúige acu. Seans go mbeidh aitheantas den sórt seo faoi réir coinníollacha agus srianta áirithe.

(v) Beidh sé de chumhacht aici ó am go ham na limistéir gheografacha a thagann faoi dhlínse World GAA a chinneadh.

(w) Ní fhorléireofar aon ní sa Rial seo i dtreo cead a thabhairt don Ard-Chomhairle nó dona Fochoistí Rialacha a thabhairt isteach, a achtú, a leasú nó a chur ar ceal, nó an chumhacht a fhorchoimeádtar don Chomhdháil le Rial 3.34 a athrú nó a mhaolú ar dhóigh ar bith. Beidh an Rial seo ar gach slí faoi réir Rial 3.34 agus i gcás coimhlinte, beidh Rial 3.34 i réim.

3.42 Cumhachtaí an Ard-Stiúrthóra agus Oifigeach Eile

(a) Ceapfaidh an Ard-Chomhairle Ard-Stiúrthóir, a bheidh ina Phríomhfheidhmeannach ar an gCumann.

(b) Féadfaidh an tArd-Stiúrthóir dul isteach i gconradh nó idirbheart ar bith thar ceann an Chumainn ar gnáthchúrsa gnó an Chumainn é nó ar fhaomh an Coiste Bainistíochta é.

(c) Féadfaidh an tArd-Stiúrthóir ó am go chéile cumhacht den sórt sin a leagtar amach i gclásal (b) a fhágáil go hiomlán nó i bpáirt, faoi dhuine nó faoi dhaoine ar bith eile a ainmneoidh an tArd-Stiúrthóir chun na críche sin.

(d) Féadfaidh Rúnaí an Aonaid Riaracháin dul isteach i gconradh nó idirbheart thar ceann an Aonaid sin ar gnáthchúrsa gnó an Aonaid sin é nó ar fhaomh Coiste Bainistíochta an Aonaid sin é.

3.43 Scéalta a Chur Amach faoi Chruinnithe

Tabharfaidh an tArd-Stiúrthóir fógra cúig lá ar a laghad i scríbhinn do na Baili uile maidir le cruinnithe, ach amháin ar uair na práinne, tráth ar ceadmhach don Rúnaí, i gcomhairle leis an gCathaoirleach, cruinniú a ghairm agus é a fhógairt i scríbhinn nó ó bhéal ar fógra níos gairide ná mar is gnáth. Féadfaidh an tArd-Stiúrthóir cruinniú speisialta a thionól ar iarratas ó thromlach na mball.

Lárchoistí

3.44 Coiste Bainistíochta

(a) Agus cead vótála acu, beidh an duine is fiche seo a leanas ina mbaill de:

(i) An tUachtarán.

(ii) An tArd-Stiúrthóir-suas le Comhdháil na bliana 2026

(iii) Cathaoirleach gach Comhairle Cúige (5).

(iv) Beirt ionadaithe ón gComhdháil, ar fear duine amháin acu agus bean an duine eile.

(v) Ball amháin den Ard-Chomhairle ó gach ceann de na ceithre Chúige arb í an Ard-Chomhairle a thogh é nó í. Caithfidh baill den Ard-Chomhairle arb as Cúige an ainmní iad an t-ainmní a mholadh agus a thabhairt ar iasacht freisin.

(vi) Ball amháin as gach ceann de na ceithre chúige, arb iad a gComhairle Cúige faoi seach a thogh/a cheap iad i gcomhair na tréimhse suas go dtí Comhdháil Bhliantúil na bliana 2026. Caithfidh gach ball a bheith ina bhean.

(vii) Beirt bhall den Chumann arb iad an tUachtarán agus an tArd-Stiúrthóir a d'ainmnigh iad le fónamh ar feadh bliain amháin. Caithfidh gur mná iad an bheirt ainmnithe.

(viii) Ionadaí den Chumann Camógaíochta agus de Chumann Pheil na mBan (Ard-Stiúrthóir an Chumainn faoi seach suas go dtí Comhdháil na bliana 2026).

Beidh sé de cheart ag an Uachtarán atá díreach éirithe as oifig agus ag an Stiúrthóir Airgeadais freastal ar na cruinnithe.

(b) Faoi réir dhlínse fhoriomlán na hArd-Chomhairle, beidh sé freagrach as bainistíocht ghnóthaí an Chumainn, lena n-áirítear a ghníomhaíochtaí ginearálta, cúrsaí smachtaithe, airgeadais, agus beartais arna gcinneadh ag an gComhdháil a chur chun feidhme. Tuairisceoidh gach Fochoiste eile de chuid na hArd-Chomhairle díreach don Choiste Bainistíochta.

(c) Cuirfidh sé a thograí Buiséid don bhliain dár gcionn faoi bhráid na hArd-Chomhairle lena mbreithniú.

(d) Tabharfaidh sé údarás don Ard-Chomhairle chun moltaí a dhéanamh maidir le beartas agus airgeadas.

(e) Cuirfidh sé moltaí isteach chuig an Ard-Chomhairle, le machnamh a dhéanamh orthu agus lena mbreithniú, maidir le hiarratais ar Léirmhíniú Rialach a gheofar i scríbhinn ón Ard-Stiúrthóir.

(f) Déanfaidh sé, de réir mar is gá, agus faoi réir na bhforálacha i Rialacha 3.45, 3.46, 3.47, 3.480, 3.49 agus 3.52, ceapacháin ball a cheapadh nó a mholadh don Ard-Chomhairle ar an Lárchoiste Rialaithe Comórtas, ar an gCoiste um Fhorbairt Comórtas a Rialú, ar an Lárchoiste Éisteachtaí, ar an Lárchoiste Achomharc, ar an Lárchoiste um Cheapacháin Réiteoirí, ar an Lárchoiste um Anailís ar Chluichí agus Cathaoirleach ar World GAA.

(g) Beidh an t-údarás aige Fochoistí a cheapadh chun déileáil le cúrsaí/gníomhaíochtaí tarmligthe.

(h) Tabharfaidh sé Tuarascáil ar a chuid gníomhaíochtaí do gach cruinniú de chuid na hArd-Chomhairle.

(i) Ceapfaidh sé Riarthóir Náisiúnta Réiteoirí.

3.45 An Lárchoiste Rialaithe Comórtas

(a) Mar chuid de beidh Cathaoirleach; agus ball amháin ó gach ceann de na ceithre Chúige arb é an Coiste Bainistíochta a cheapfaidh iad; agus Rúnaí gach ceann de na Comhairlí Cúige.

(b) Beidh sé freagrach as Comórtais a Sceidealú agus Cluichí a Shocrú agus a Rialú, cé is moite de Faoi 17 mbliana d'aois agus gráid níos óige ná sin (seachas ceapadh na Réiteoirí) faoi dhlínse na hArd-Chomhairle.

(c) Fiosróidh sé cúrsaí a bhaineann le Forfheidhmiú Rialacha agus Cód (lena n-áirítear éisteacht le hAgóidí agus le Frithagóidí) agus Rialacháin Cluichí a eascraíonn as na Comórtais agus Cluichí, cé is moite de 17 mbliana d'aois agus gráid níos óige ná sin, atá faoi dhlínse na hArd-Chomhairle.

(d) Fiosróidh sé cúrsaí a bhaineann le Forfheidhmiú Rialacha agus Cód (lena n-áirítear Agóidí agus Frithagóidí) agus Rialacháin Cluichí a eascraíonn as Cluichí Craoibhe Idirchontae Sinsir na gCúigí.

(e) Aon ní a chuireann an Coiste Bainistíochta ar aghaidh chuige faoi Riail 7.1(a), déanfaidh sé é a fhiosrú agus a phróiseáil.

(f) Beidh an t-údarás aige ordú a thabhairt do Choistí laistigh de na Cúigí agus na Contaetha na pionóis a fhorordaítear sna Rialacha agus sna Cóid seo maidir le Cúrsaí Smachtaithe a eascraíonn as Cluichí a fhorfheidhmiú.

(g) Ullmhóidh sé Rialacháin Cluichí le cur faoi bhráid an Choiste Bainistíochta agus na hArd-Chomhairle le go ndéanfaidh siad iad a mheas agus cinneadh fúthu.

(h) Beidh sé freagrach as cinntí a dhéanamh maidir le hiarratais ar Aistriú Idirchontae laistigh dá dhlínse.

(i) Aon ní a bhaineann le Rialacha a fhorfheidhmiú maidir le himreoirí Idirchontae a bheith ar fáil dá gClubanna, Cluichí Dúshláin agus Turnaiminte Idirchontae agus Tréimhsí Dúnta/Traenáil i dTeannta a Chéile ag leibhéal Duine Fásta Idirchontae, déanfaidh sé iad a fhiosrú agus a phróiseáil.

3.46 Coiste um Fhorbairt Comórtas a Rialú

(a) Beidh sé comhdhéanta de Chathaoirleach, arna ainmniú ag an gCoiste Bainistíochta, Bainisteoir Cluichí Cúige amháin (nó ainmí eile de chuid na Comhairle Cúige) as gach ceann de na ceithre chúige, Cathaoirleach an Lárchoiste Rialaithe Comórtas, an Stiúrthóir Riaracháin Cluichí agus Stiúrthóir Forbartha Cluichí.

(b) Beidh sé freagrach as Sceidealú agus Socruithe Comórtas (lena n-áirítear Ceapadh na Réiteoirí) le haghaidh Turnaimintí agus Cluichí atá faoi dhlínse na hArd-Chomhairle ag gráid Faoi Bhun 17 agus gráid aoise níos óige agus as iad a Rialú.

(c) Beidh sé freagrach as forálacha Chóid 14.1 agus 14.2 maidir le Blitzchomórtais/Turnaimintí agus Cluichí Dúshláin atá faoi dhlínse na hArd-Chomhairle ag gráid Faoi Bhun 17 agus gráid aoise níos óige a phróiseáil agus a fhorfheidhmiú.

(d) Fiosróidh sé cúrsaí a bhaineann le Forfheidhmiú Rialacha agus Cód (lena n-áirítear éisteacht le hAgóidí agus le Frithagóidí) agus Rialacháin Cluichí a eascraíonn as na Comórtais agus Cluichí atá faoi dhlínse na hArd-Chomhairle ag gráid Faoi bhun 17 mbliana d'aois agus gráid níos óige ná sin.

(e) Fiosróidh agus próiseálfaidh sé cúrsaí a bhaineann le Forfheidhmiú Rialacha agus Cód maidir le hinfhaighteacht imreoirí Idir-Chontae do chlubanna agus Tréimhsí Dúnta/Comhthraenáil d'fhoirne Idirchontae ag gráid Faoi 17 agus gráid aoise níos óige.

3.47 An Lárchoiste Éisteachtaí

(a) Beidh sé comhdhéanta de Chathaoirleach arna cheapadh ag an gCoiste Bainistíochta, ball amháin ó gach ceann de na ceithre Chúige arna cheapadh ag an gCoiste Bainistíochta, agus ball amháin ó gach ceann de na ceithre Chúige arna cheapadh ag an Ard-Chomhairle ar mholadh ón gCoiste Bainistíochta. Ní fhónfaidh Ball ar bith den Choiste Bainistíochta nó den Lárchoiste Rialaithe Comórtas mar bhall den Lárchoiste um Éisteachtaí.

(b) Roghnóidh an Cathaoirleach trí bhall ar a laghad den Choiste chun éisteacht a sheoladh.

(c) Déanfaidh sé breithniú ar gach Cúrsa Smachtaithe i gcás go ndéanfar Éisteacht a leagan síos agus a iarraidh, a bhaineann le:

(i) Forfheidhmiú Rialacha agus Cód a eascraíonn as cúrsaí faoi dhlínse na Comhairle Cúige. Eisceacht: Feidhm de chuid an Lárchoiste Rialaithe Comórtas nó an Choiste Rialaithe Comórtas Forbartha is ea Éisteacht ar Agóid/Cur i aghaidh Agóide.

(ii) Mí-iompar a eascraíonn as Cluichí Craoibhe Idirchontae Cúige na Sinsear.

(iii) Rialacháin Cluichí a eascraíonn as na Comórtais agus Cluichí faoi dhlínse na hArd-Chomhairle agus as Cluichí Craoibhe Idirchontae Sinsir Cúige.

3.48 An Lárchoiste Achomharc

(a) Beidh sé comhdhéanta de Chathaoirleach arna cheapadh ag an gCoiste Bainistíochta, ball amháin ó gach ceann de na ceithre Chúige arna cheapadh ag an gCoiste Bainistíochta, agus ball amháin ó gach ceann de na ceithre Chúige arna cheapadh ag an Ard-Chomhairle ar mholadh ón gCoiste Bainistíochta. Ní fhónfaidh Ball ar bith den Choiste Bainistíochta, den Lárchoiste Rialaithe Comórtas nó den Lárchoiste um Éisteachtaí mar bhall den Lárchoiste Achomharc.

(b) Roghnóidh an Cathaoirleach trí bhall ar a laghad den Choiste chun éisteacht a sheoladh.

(c) Éistfidh sé na hachomhairc uile a dhéanfar ar an Leibhéal Láir.

(d) Beidh a chinntí maidir le hachomhairc críochnaitheach agus ceangailteach, faoi réir cás a thabharfar chun Éadrána faoin gCód Réitigh Díospóidí amháin, dá bhforáiltear sna Rialacha seo.

(e) Beidh an fheidhm aige breathnú ar larratais ar Athbhreithniú ar Fhionraíocht a fhorchuirfear de réir na Rialach, arna leagan amach i Riail 7.6 - Imreoirí a thabhairt ar ais, agus Moltaí a dhéanamh ar na hlarratais don Chomhairle Láir.

3.49 An Lárchoiste um Cheapacháin Réiteoirí

(a) Beidh sé comhdhéanta de Chathaoirleach arna cheapadh ag an gCoiste Bainistíochta, Cathaoirleach an Lárchoiste Rialaithe Comórtas, agus ball amháin ó Choiste Náisiúnta na Réiteoirí arna gceapadh ag an gCoiste Bainistíochta.

(b) Beidh sé freagrach as ceapacháin na Réiteoirí agus na Maor (duine acu a bheidh ina Réiteoir cúlta, a ainmneofar roimh ré) agus as gach Cluiche faoi dhlínse na hArd-Chomhairle agus as Cluichí Craoibhe Idirchontae Sinsir Cúige. Ceapfaidh sé Oifigeach Taobhlíne le haghaidh Cluichí Idirchontae na Sinsear chomh maith.

3.50 An Lárchoiste Forbartha Cluichí

(a) Beidh sé comhdhéanta de Chathaoirleach arna ainmniú ag an Uachtarán, de Chathaoirleach an Choiste Forbartha Cóitseála agus Cluichí as gach ceann de na ceithre Chúige, den Stiúrthóir Forbartha Cluichí, de Chathaoirleach an Fheidhmeannacht Náisiúnta Forbartha Cluichí agus ainmnithe an Uachtaráin sna réimsí seo a leanas: oideachas cóitseálaithe, rannpháirtíocht, forbairt tallainne, eolaíocht spóirt, leas imreoirí; chomh maith le Cathaoirligh an Choiste Forbartha Iománaíochta, na Comhairle Ardoideachais, Comhairle Iar-bhunscoileanna na hÉireann agus Comhairle Bunscoileanna na hÉireann.

(b) Beidh sé freagrach as forbairt leanúnach cluichí; as maoirseacht ar straitéisí forbartha cluichí ar leibhéal náisiúnta, cúige agus contae, agus beidh mar fhoinsé comhairle saineolaí don Choiste Bainistíochta ar ghníomhaíochtaí forbartha cluichí.

(c) Beidh sé freagrach tríd an gComhairle Cúige as monatóireacht, maoirseacht agus comhairle i leith an bheartais forbartha cluichí ar leibhéal contae i gcomhréir le Riail 3.28 (i).

(d) Tabharfaidh sé tuarascáil ar a chuid gníomhaíochtaí do gach Comhairle Cúige gach ráithe.

3.51 Coiste um Iniúchóireacht agus Riosca

Tacóidh sé leis an gCoiste Bainistíochta, agus leis an Stiúrthóir Airgeadais i dtaca le gach ní a bhaineann le cúrsaí airgeadais nó riosca. Beidh sé freagrach as dea-chaighdeán rialachais agus dea-chleachtais bhainistíochta riosca ag an Ard-Chomhairle a chur chun cinn agus monatóireacht a dhéanamh orthu freisin. Beidh seacht mball ar a mhéad ann, agus beidh duine acu sin ina bhall den Choiste Bainistíochta a cheapfaidh an Ard-Chomhairle ar mholadh ón gCoiste Bainistíochta. Ní bheidh an Stiúrthóir Airgeadais ina bhall de.

3.52 Téarmaí oifige ar Choistí

Ní bheidh ball de cheann ar bith de Choistí na hArd-Chomhairle thuas, seachas an tArd-Stiúrthóir nó Oifigeach Feidhmiúcháin eile, i seilbh oifige ar an gCoiste sin, sa cháil chéanna, ar feadh tréimhse níos mó ná sé bliana ar an iomlán, agus ní fhónfar trí chinn de na blianta sin as a chéile.

3.53 An Lárchoiste Anailísithe agus Maoirseachta Cluichí

(a) Beidh sé comhdhéanta de líon nach mó ná deich mball lena n-áirítear Cathaoirleach arna cheapadh ag an gCoiste Bainistíochta, agus beidh freagracht ar gach duine den cheithre ainmní Cúige arna gceapadh as Cluichí Clubanna agus Scoileanna agus Rúnaí an Choiste Rialaithe Comórtas.

(b) Beidh sé freagrach as monatóireacht agus anailís a dhéanamh ar an gClár Cluichí Náisiúnta ar leibhéal an Chlub agus san Earnáil Oideachais.

(c) Cuirfidh sé Tuarascáil i láthair na Comhdhála Bliantúla maidir leis na Cluichí go léir faoina sainchúram agus déanfaidh se moltaí maidir le hathruithe don Ard-Chomhairle chun dul i ngleic le saincheisteanna cluichí sna hEarnálacha Clubanna agus Oideachais.

(d) Cinnfidh sé an t-íosmhéid Caighdeán Náisiúnta a Theastaíonn le haghaidh cláir cluichí sna hEarnálacha Clubanna agus Oideachais.

(e) Coinneoidh sé clár agus eagróidh sé oiliúint na nAnailísithe Cluichí eile ar an leibhéal Cúige agus ar an leibhéal Contae.

(f) Beidh sé freagrach as cláir cluichí Scoileanna, Contae agus Club Cúige a cheadú ar bhonn bliantúil

(g) Beidh sé freagrach as a chinntiú go mbeidh cláir cluichí Clubanna Contae ag teacht le Rialacha, Cóid agus Polasaithe sonraithe an Chumainn agus ní cheadóidh sé ach cláir a chomhlíonann na critéir sin.

3.54 An Buanchoiste maidir le Rialacha Imeartha

(a) Beidh Coiste Comhairleach Rialacha, a cheapfaidh an Chomhairle Láir, ina Buanchoiste maidir le Rialacha an Chumainn (seachas na Rialacha Imeartha).

Tabharfaidh sé comhairle don Ard-Chomhairle maidir le cúrsaí a bhaineann leis na Rialacha agus Cóid.

Ullmhóidh sé Rúin, de réir mar a éileoidh an Ard-Chomhairle, lena mbreithniú ag an gComhdháil, lena n-áirítear Rúin a bhfuil gá leo de thoradh ar Léirmhínithe na Rialach a thug an Ard-Chomhairle nó ar Chinntí an Údaráis Réitigh Díospóidí.

(b) Beidh an t-údarás ag an gCoiste chun:

(1) Páirt a ghlacadh, agus dul i gcomhairle, le hAonaid a mbeidh Rúin á n-urrú acu don Chomhdháil nó a mbeidh rúin á n-urrú acu maidir le Cóid a ghlacadh, a chealú nó a leasú d'fhonn a chinneadh an bhfuil an bhfuil na Rúin in ord. Féadfaidh an Coiste Rúin a chur in

ord i gcás nach ndearnadh líon na Rialacha nó Cóid lena mbaineann a lua nó i gcás go bhfuil mionearráidí cléireachais ann. I gcás Rún a chuirtear isteach nach bhfuil in ord, tabharfar comhairle d'urraitheoir an Rúin i scríbhinn maidir leis an gcúis (cúiseanna) nach bhfuil Rún in ord, agus faoi réir teorainn ama a chinneadh an Coiste, tabharfar an deis dó Rún a bheith ceartaithe go cuí a chur isteach arís lena bhreithniú ag an gCoiste. Beidh an t-údarás ag an Uachtarán ag an gComhdháil nó ag an Ard-Chomhairle a rialú go bhfuil Rún as ord.

(2) Rúin a fuarthas ó Urraitheoirí difriúla lena bhfuil cuspóir an-choitianta a chomhcheangal i Rúin a bheidh níos soláimhsithe agus comhdhéanta go soiléir.

(c) I gcás na Rún uile a rithfear ag an gComhdháil nó ag an Ard-Chomhairle a bhaineann le leasú nó athrú ar Riail nó ar Chód, beidh an t-údarás ag an mBuanchoiste scrúdú a dhéanamh ar na Rúin sin agus gan mhaolú óna mbrí, abairt nua nó athshuí ar bith a mheasfar gá a bheith leo a mholadh, sula gcuirfear leagan úr den Riail nó den Chód lena mbaineann i gcló. Beidh cead na hArd-Chomhairle ag teastáil le haghaidh moltaí dá leithéid.

3.55 Buanchoiste maidir le Rialacha Imeartha

Déanfaidh Buanchoiste, arna cheapadh ag an Ard-Chomhairle, monatóireacht ar Rialacha Imeartha na hIománaíochta agus Rialacha Imeartha na Peile ar bhonn leanúnach maidir le:

(a) Léirmhíniú na Rialacha agus

agus

(b) Cur chun Feidhme na Rialacha

Beidh an fhreagracht ag an mBuanchoiste as moltaí ar bith ar leasuithe a mheasann sé go bhfuil gá lena mbreithniú ag Comhdháil na bliana dár gcionn a thabhairt ar aghaidh chuig cruinniú deireanach fhéilire bhliana na hArd-Chomhairle gach bliain.

Beidh an ceart ag Coistí Contae moltaí ar bith a chur isteach chuig an mBuanchoiste ach is faoin mBuanchoiste a bheidh sé cibé moltaí, nó cónascadh moltaí má bhaineann siad leis an Riail chéanna, a chuirfear isteach chuig an Ard-Chomhairle lena mbreithniú a chinneadh.

3.56 World GAA

(a) Faoi réir rialú foriomlán na hArd-Chomhairle, beidh World GAA freagrach as Aidhmeanna agus Éiteas an Chumainn a chur chun cinn agus as riar a ghnóthaí i limistéir lasmuigh d'Éirinn arna sannadh dó ag an Ard-Chomhairle ar na gcoinníoll i gcónaí gur féidir leis an Ard-Chomhairle aon limistéar geografach a chur le dlínse World GAA nó a bhaint de dhlínse World GAA.

(a) Beidh gnóthaí World GAA faoi réir a Bhunreachta agus a Fhodhlíthe mar a cheadóidh an Coiste Bainistíochta. Féadfar Fodhlíthe den sórt sin a cheadú fiú mura dtagann siad leis an Riail Ghinearálta ar an gcoinníoll go mbeidh an Coiste Bainistíochta sásta go bhfuil gá le himeacht mar sin chun Aidhmeanna agus Éiteas an Chumainn a chur chun cinn.

(c) Is í an Ard-Chomhairle a cheapfaidh Cathaoirleach World GAA ar ainmniú an Choiste Bainistíochta.

(d) Déanfaidh sé moltaí don Ard-Chomhairle maidir le limistéir lasmuigh d'Éirinn a aithint mar Chontaetha, Cúigí nó Limistéir Riaracháin ag a bhfuil an stádas céanna le Contaetha nó Cúigí.

(e) Feidhmeoidh sé cibé feidhmeanna eile a shannfaidh an Coiste Bainistíochta nó an Ard-Chomhairle dó.

3.57 Liathróid Láimhe

(a) Beidh Liathróid Láimhe CLG, faoi réir rialú foriomlán na hArd-Chomhairle, freagrach as an gCluiche Náisiúnta Liathróide Láimhe a chur chun cinn.

(b) Beidh gnóthaí Liathróid Láimhe CLG faoi réir Rialacha Ginearálta an Chumainn agus na Bunreachta um ghnóthaí na heagraíochta a rialú, faoi mar a cheadóidh an Coiste Bainistíochta.

3.58 Cluiche Corr

(a) Beidh Comhairle Cluiche Corr na hÉireann, faoi réir rialú foriomlán na hArd-Chomhairle, freagrach as an gCluiche Náisiúnta Cluiche Corr a chur chun cinn.

(b) Beidh gnóthaí Chomhairle Cluiche Corr na hÉireann faoi réir Rialacha Ginearálta an Chumainn agus na Bunreachta um ghnóthaí na heagraíochta a rialú, faoi mar a cheadóidh an Coiste Bainistíochta.

3.59 Institiúidí Oideachais

Faoi réir rialú foriomlán na hArd-Chomhairle, beidh na Comhairlí seo a leanas freagrach as eagrú agus rialú na gnóthaí uile ag na Leibhéil atá sonraithe thíos:

- An Chomhairle Ardoideachais i ngach Coláiste agus Ollscoil Ardoideachais.
- Comhairle Iarbhunscoileanna na hÉireann do gach scoil chleamhnaithe ar an Dara Leibhéal.
- Comhairlí Bunscoileanna na hÉireann.

Seachas i gcás go dtugann an Ard-Chomhairle cead speisialta, beidh gnóthaí gach Comhairle faoi réir Rialacha Ginearálta an Chumainn agus tá Bunú dá leithéid ceadaithe ag an gCoiste Bainistíochta, thar ceann na hArd-Chomhairle.

Éistfidh an Coiste ábhartha éisteachtaí a eascróidh as Cásanna agus Achomhairc Smachtaithe ag an gCoiste Contae, ar leibhéal na Comhairle Cúige nó na hArd-Chomhairle.

3.60 Cumann Imreoirí Gael

Tá an Cumann Imreoirí Gael aitheanta mar an gcomhlacht ionadaíoch oifigiúil do na himreoirí idirchontae sinsearacha.

3.61 Imeacht ó Riail nó ó Chód

(a) Féadfaidh Coiste Contae nó Ardchomhairle de chuid an Chumainn lasmuigh d'Éirinn iarratas a dhéanamh, i scríbhinn, chuig an Ard-Chomhairle ar chead imeachta ó Riail nó ó Chód faoi leith. Féadfar cead dá leithéid a thabhairt i gcás go meastar go bhfuil gá leis de réir cúinsí eisceachtúla.

(b) Féadfaidh Coiste Contae nó Ardchomhairle iarratas a dhéanamh, i scríbhinn, chuig an Ard-Chomhairle ar chead, laistigh dá dhlínse, gan cur i bhfeidhm docht Rialach nó Cóid a fheidhmiú, i gcás go bhféadfadh sé nach mbeadh cloí docht leis an Riail nó leis an gCód ar mhaithe le leas an Chumainn laistigh den dlínse sin.

Ní fhéadfar cead dá leithéid a thabhairt ach i gcúinsí eisceachtúla ar mhaithe leis an Iománaíocht/an bPeil a chur chun cinn.

Déanfar iarratas ar chead mar atá in (a) agus (b) thuas ar bhonn bliantúil.

3.62 Cúinsí Éigeandála Speisialta

I gcás ina ndéantar dochar mór do ghnáthoibriú an Chumainn de bharr gurb ann d'éigeandáil phoiblí laistigh d'Éirinn (nó in aon chuid di) nó lasmuigh d'Éirinn, féadfaidh an Coiste Bainistíochta,

le rún, a dhearbhu go bhfuil Cúinsí Éigeandála Speisialta ann lena bhfágtar go bhfuil sé neamhphraiticiúil gnóthaí an Chumainn a sheoladh de réir na Rialacha.

1. Díreach i ndiaidh dearbhú dá leithéid a dhéanamh, tabharfaidh an Coiste Bainistíochta fógra do gach Contae faoin dearbhú agus leis sin féadfaidh an Coiste Bainistíochta cibé bearta a dhéanamh is gá chun gnóthaí an Chumainn a sheoladh de réir a Aidhmeanna agus a Éitis d'ainneoin aon ní sna Rialacha lena n-áirítear, ach gan a bheith teoranta dóibh, fionraí nó leasú Rialacha nó codanna de Rialacha agus achtú Rialacha nua (leis an gcumhacht fionraí, leasú nó achtú dá leithéid a dhéanamh siar go dtí dáta dhearbhu na gCúinsí Éigeandála Speisialta, nuair is cuí).

2. Cuirfear dearbhú gurb ann do Chúinsí Éigeandála Speisialta i láthair na hArd-Chomhairle lena cheadú a luaithe is féidir ach tráth nach déanaí ná dhá sheachtain i ndiaidh é a dhéanamh. I gcás nach gceadóidh an Ard-Chomhairle dearbhú ón gCoiste Bainistíochta gurb ann do Chúinsí Éigeandála Speisialta laistigh de dhá sheachtain, cuirfear an dearbhú sin ar neamhní, ach ní chuirfidh sin aon ní a dhéanfar de bhun dearbhú den sórt sin ó bhailíocht.

3. Mairfidh dearbhú go bhfuil Cúinsí Éigeandála Speisialta ann ar feadh tréimhse shonraithe nach faide ná dhá sheachtain déag. Féadfaidh an Coiste Bainistíochta tréimhse na gCúinsí Éigeandála Speisialta a shíneadh go ceann tréimhse nó tréimhsí nach faide ná ocht seachtaine an ceann ach cuirfear aon síneadh den sórt sin i láthair na hArd-Chomhairle lena cheadú a luaithe is féidir ach tráth nach déanaí ná dhá sheachtain i ndiaidh é a dhéanamh. I gcás nach gceadóidh an Ard-Chomhairle síneadh a chur le tréimhse na gCúinsí Éigeandála Speisialta, laistigh de dhá sheachtain, cuirfear an síneadh sin ar neamhní, ach ní chuirfidh sé sin aon ní a dhéanfar de bhun síneadh den sórt sin ó bhailíocht.

4. Mura féidir leis an gCoiste Bainistíochta a ghnóthaí a sheoladh de bharr na héigeandála poiblí as ar tháinig an dearbhú, féadfaidh sé aon chumhachtaí dá chuid faoin Riail seo a tharmligean chuig fochoiste ar a mbeidh ceithre ball ar a laghad dá chuid, ina gcuimseofar, mura mbeidh siad faoi éagumas nó mbeidh siad ar fáil seachas sin, an tUachtarán agus an tArd-Stiúrthóir (ní bheidh cearta vótála ag an Ard-Stiúrthóir). Cuirfear cinntí a dhéanfaidh fochoiste den sórt sin faoi bhráid an Choiste Bainistíochta lena gceadú a luaithe is féidir ach tráth nach déanaí ná seachtain i ndiaidh iad a dhéanamh. I gcás nach ndaingneoidh an Coiste Bainistíochta cinneadh fochoiste den sórt sin laistigh de sheachtain, cuirfear an cinneadh sin ar neamhní, ach ní chuirfidh sé sin aon ní a dhéanfar de bhun cinnidh den sórt sin ó bhailíocht.

CAIBIDIL 4 - RIARACHÁN

RIALACHÁIN RIARACHÁIN, PRÓTACAIL AGUS RIALUITHE

4.1 Oifig Thogthach

(a) Ní bheidh ach Ball Iomlán a mbeidh a shíntiús bliantúil Club Íochta aige ar an 31 Márta nó roimhe sin i mbliain bhallaíochta i dteideal a bheith ainmnithe le haghaidh Oifig Thogthach, nó a bheith tofa chun Oifig Thogthach ar bith dá dtagraítear sa Treoir Oifigiúil a eascraíonn sa bhliain bhallaíochta chéanna. Is ar an mball atá an dualgas a chruthú gur íoc an ball as a shíntiús ballaíochta.

(b) Ní dhéanfaidh aon bhall ag a bhfuil Oifig Thogthach dá dtagraítear sa Treoir Oifigiúil cistí an Chumainn a mhídhílsiú nó a eisíoc ar mhodh seachas chun na críocha ar soláthraíodh nó ar beartaíodh an maoiniú ina leith. Pionós: Díbharrú Buan an bhaill ó aon Oifig Thogthach dá dtagraítear sa Treoir Oifigiúil a bheith aige.

4.2 Córam

Is é an córam le haghaidh gach cruinntithe de chuid Choistí nó Chomhairlí an Chumainn aon cheathrú agus líon nach lú ná triúr ball a bheidh i dteideal freastal orthu, mura bhforáiltear a mhalairt sna Rialacha, Cóid nó Fodhlíthe sin. Ní bheidh feidhm ag an gceanglas seo maidir le Cruinniú Ginearálta Club.

4.3 Vótáil

Mura bhforáiltear a mhalairt sna Rialacha nó sna Cóid seo, déanfaidh tromlach simplí díobh siúd a bheidh i dteideal vóta a chaitheamh agus a bheidh ag vótáil, na cinntí uile ag Cruinnithe Ginearálta agus Cruinnithe Coiste, agus i gcás comhionannas vótaí a bheith ann, beidh an vóta réitigh ag an gCathaoirleach ceannais sa bhreis ar a vóta féin, beag beann ar cibé ar chaith sé nó sí vóta ar an ábhar i dtosach nó nár chaith. Cinneadh ar bith a dhéanfar ag cruinniú ar bith de chuid Choiste nó Chomhairle an Chumainn a tionóladh go cuí, ní chuirfear ar ceal é ag cruinniú ina dhiaidh sin, ach i gcás gur cuireadh fógra cuí maidir leis an rún cur ar ceal a mholadh in iúl do gach ball roimhe sin, agus go bhfaighfear toiliú trí chuigiú dóibh siúd a bheidh i láthair agus a bheidh i dteideal vóta a chaitheamh agus a bheidh ag vótáil.

4.4 Forálacha Coistí Idirthréimhseacha

(a) Athrú nó athnuachan ar bhallaíocht Chomhairle nó Chontae de chuid an Chumainn (cibé i gcomhthéacs scoir, Comhdháil Bhliantúil, Coinbhinsiún Cúige, Coinbhinsiún Contae nó eile), ní dhéanfar leo leanúnachas gnímh nó nós imeachta ar bith ar cuireadh tús leo roimh an athrú ar bhallaíocht an Chumainn nó aonaid a dhiúltú nó a chosc agus beidh na cumhachtaí ag an coiste nuabhunaithe leanúint leis na gníomhartha nó na nósanna imeachta sin amhail dá mba rud é nach ndearnadh athrú ar bith ar an mballaíocht.

(b) I gcás go bhfuil bearna san am idir éag téarma oifige baill de Choiste Bainistíochta, de Choiste Rialaithe Comórtas, nó de Choiste Éisteachtaí nó den Lárchoiste Achomharc, agus baill nua a chur ina n-ionad (e.g. i ndiaidh chruinniú Coinbhinsiúin Contae agus roimh an gcéad chruinniú Coiste Contae eile), ansin, in ainneoin Riail 3.50, leanfaidh na Baill Coiste a bhí ann roimhe seo leis na cúrsaí uile a eascraíodh dá mba rud é nár éag a dtéarma a chomhlíonadh ach amháin i gcás, de bhua Fodhlí nó ar shlí eile, go ndéanfar ball de dhuine ar bith nó go bhfuil sé le ceapadh i gCoistí ar bith den sórt sin de bhua a dtofa chun oifige dá leithéid (e.g. ag Coinbhinsiún Contae), beidh an duine sin go díreach i ndiaidh a thofa ina bhall den Choiste a bheidh i bhfeidhm in ionad a réamhthearthaí san oifig sin.

CAIBIDIL 5 - RIALÚ MHAOIN AN CHUMAINN

5.1 Úsáid na Maoine

(a) Féadfar an mhaoin uile lena n-áirítear páirceanna, Tithe Club, Hallaí, Seomraí Gléasta agus Cuairteanna Liathróid Láimhe ar le haonaid an Chumainn iad nó atá á rialú acu a úsáid chun críche, nó i ndáil le, imirt na gCluichí a rialaíonn an Cumann, agus chun cuspóirí den sórt sin nach dtagann salach ar Aidhmeanna agus Cuspóirí an Chumainn, a cheadódh an Ard-Chomhairle ó am go chéile.

(b) Tá sé de chumhacht ag an Ard-Chomhairle, ar chúinsí eisceachtúla, úsáid Mhaoin an Chumainn i seilbh Coiste Contae, Comhairle Cúige nó Ard-Chomhairle a údarú le haghaidh gníomhaíochtaí eile seachas iad siúd arna rialú ag an gCumann i gcomhréir le beartas arna ghlacadh ag an Ard-Chomhairle. Beartas maidir le hÚsáid Mhaoin an Chumainn

(c) Tá sé de chumhacht ag an Ard-Chomhairle úsáid mhaoin an Chumainn atá suite lasmuigh d'Éirinn a údarú le haghaidh cluichí seachas iad siúd a rialaíonn an Cumann.

Pionós:

I gcás go bhfeidhmeodh Club, Coiste Contae, nó Comhairle Chúige ar bith i gcodarsnacht leis an Riail seo, beidh an comhlacht sin faoi réir fionraí nó fíneála, mar a mheasfar cuí é.

5.2 Cumhachtaí

Beidh na cumhachtaí seo a leanas ag an gCumann, trína Ard-Chomhairle, agus, faoi réir dhlínse fhoriomlán na hArd-Chomhairle, a Chomhairlí Cúige, Coistí Contae agus Clubanna:

(a) Tailte agus oidhreachtáin de thionacht ar bith, nó leas ar bith iontu a éadail trí cheannach, léas, malartú, fruilíú, nó ar dhóigh eile.

(b) Tithe, foirgnimh, faichí imeartha, staidiamaí, oifigí, nó oibreacha de gach cineál a chur suas nó a thógáil, leis féin nó trí pháirtithe eile ar thalamh ar bith de chuid an Chumainn, nó ar thailte nó oidhreachtáin, agus tithe, foirgnimh, faichí imeartha, staidiamaí, oifigí atá ann cheana nó oibreacha orthu a tharraingt anuas, a atógáil, a dheisiú, a athchóiriú, a mhéadú, a athrú agus a fheabhsú, chun go ginearálta déileáil le maoin an Chumainn agus í a fheabhsú.

(c) Tailte, tithe, foirgnimh, oidhreachtáin agus maoin eile de chuid an Chumainn a dhíol, a léasú, a lígean ar cíós, ar morgáiste, nó iad a dhiúscairt ar shlí eile.

(d) Airgead a fháil ar iasacht nó a thiomsú chun aidhmeanna an Chumainn a chur chun cinn.

(e) Ceadúnais a fháil, a dhiúscairt nó a dheonú nó déileáil ar shlí eile le Maoin Intleachtúil.

(f) Baill foirne, comhairleoirí, comhairligh agus conraitheoirí a fhostú.

5.3 Iontaobhais Mhaoine

(A) Maoin atá sealbhaithe ar Iontaobhas

Maoin ar bith de chuid Club nó an Chumainn nó atá á sealbhú ag Aonaid eile den Chumann, beidh sí sealbhaithe ar Iontaobhas chun tairbhe an chlub lena mbaineann nó an Chumainn de réir mar is cuí. Tá an Iontaobhas faoi réir agus á rialú ag forálacha na Treorach Oifigiúla agus an Chóid maidir le Iontaobhais Mhaoine, faoi mar a leasófaí an dá cheann ó am go chéile. Déanfar gach maoin dá leithéid a dhílsiú in Iontaobhas Corparáideach Chumann Lúthchleas Gael, Cuideachta Faoi Theorainn Ráthaíochta ("an Iontaobhas Corparáideach") agus/nó líon ball iomlán mar Iontaobhaithe.

(B) Cód maidir le hlontaobhais Mhaoine

Glacfaidh an Ard-Chomhairle Cód maidir le hlontaobhais Coid Maoine maidir le hlontaobhais Mhaoin an Chumainn ina mbeidh a leithéid d'fhorálacha sin a bhaineann le hlontaobhas agus lontaobhaithe mar a mheasann an Ard-Chomhairle iomchuí, lena n-áirítear, gan teorainn, forálacha maidir le:

- (a) Aitheantas na n-lontaobhaithe.
- (b) Modh um Roghnú agus um Cheapadh na n-lontaobhaithe maidir leis an Maoine Réadach.
- (c) Baint lontaobhaithe na Maoine Réadaí.
- (d) Cumhacht na n-lontaobhaithe.
- e) Imeachtaí na n-lontaobhaithe.
- (f) Déileálacha le tríú páirtithe.
- (g) Tarmligean ag an Ard-Chomhairle d'fheidhmeanna áirithe dá cuid faoin gCód maidir le hlontaobhais Mhaoine.
- (h) Léirmhíniú. Leis an Riail tabharfar agus bunófar údarás chun na feidhmeanna agus na gníomhaíochtaí go léir a chomhlíonadh de réir an Chóid sin.

(C) Glacadh Ceapacháin - Dearbhú lontaobhais

De réir mar a theastaíonn agus nuair a theastaíonn ón Ard-Chomhairle, comhlíonfaidh lontaobhaithe uile na Maoine Réadaí Dearbhú lontaobhais arna fhaomhadh ag an Ard-Chomhairle. Féadfar téarmaí an Dearbhaithe lontaobhais arna bhfaomhadh ag an Ard-Chomhairle a leasú nó a ionadú de réir mar a chinneadh an Ard-Chomhairle ó am go chéile.

(D) Sláiníocht

Déanfaidh gach aonad agus an Cumann lontaobhaí a shlánú agus a shábháil ó dhíobháil maidir le caillteanas nó speansais as póca bona fide ar bith a thabódh lontaobhaí i gcomhlíonadh chumhachtaí nó dhualgais an lontaobhaí.

Pionós:

Má theipeann ar Aonad cloí le forálacha na Rialach seo nó má dhiúltaíonn sé cloí le forálacha na Rialach seo cuirfear ar fionraí é go dtí go n-aontófar an comhlíonadh agus, faoi réir am réasúnta a bheith ceadaithe, go dtí go gcuirfear i gcrích é.

CAIBIDIL 6 - CLUICHÍ AGUS COMÓRTAIS

Aistrithe/Dearbhuithe/Cáilitheacht Igeartha

6.1 Aistrithe and Dearbhuithe

Éiteas an Chumainn: Toisc go bhfuil an Cumann Lúthchleas Gael dírithe ar an bpobal, bunaithe ar ghéillsine a bhall dá gClubanna áitiúla agus dá gContaetha, léirítear an t-éiteas sin sna Rialacha um Aistrithe agus Dearbhuithe sa Treoir Oifigiúil seo agus sna Fodhlíthe Contae. Meastar go bhfuil imreoir faoi ghéillsine agus faoi dhílseacht a Chéad nó a Céad Chlub agus Chontae, mar a shainítear sna Rialacha seo.

6.2 Sainmhínte

An Chéad Chontae: an Contae ina bhfuil Chéad Chlub an imreora (nó Club laistigh d'Fhoireann Neamhspleách) suite.

Contae Féin: an Contae ina bhfuil Club Féin (Neamhcholáiste) an imreora bunaithe.

An Chéad Chlub: An Club (nó Club laistigh d'Fhoireann Neamhspleách) inar ghlac imreoir páirt go dlíthiúil (i.e. de réir Rialach agus Fodhlí) i gComórtas Club den chéad uair ag Grád Faoi bhun 12 nó Os Cionn 12 (lena n-áirítear Geábhchlúichí) a eagraíonn an Coiste Contae nó ceann dá Fhochoistí sa Chontae ina bhfuil buanchónaí air.

Club Féin: an Club (Neamhcholáiste) ina bhfuil duine aonair ina bhall imeartha faoi láthair.

Abhantrach: Limistéar a chinneann an Coiste Contae mar ionadaí chúlchríoch ceann amháin nó níos mó de na Clubanna. D'fhéadfaí Teorainneacha Abhantraí a chinneadh trí thagairt do Pharóistí (faoi réir Teorainneacha Contae) nó do chritéir eile.

Buanchónaí: Mura bhfuil a mhalairt sainithe i bhFodhlí, is é áit Bhuanchnaithe duine an réadmhaoin bhaile i gcás (trí thagairt do láithreach tar oíche iarbhír, úinéireacht an duine féin, nó úinéireacht a theaghlach nó a teaghlach ar an réadmhaoin nó tionóntacht an duine féin nó tionóntacht a theaghlach nó a teaghlach sa réadmhaoin, áit fostaíochta neamhshealadaí an duine, agus tosca ar bith eile a mheasfaí a bheith cuí) go measann an Chomhairle nó an Coiste a bhfuil measúnú á dhéanamh acu ar an gceist mar an áit a raibh príomh-áit chónaithe phríobháideach an duine ar feadh na míosa roimhe sin agus gur dócha go mbeidh sé ansin ar feadh bliana eile ar a laghad.

Ní cháileofar cónaí chun críche freastal ar Bhunscoil nó ar Iarbhunscoil nó ar Choláiste Ardoideachais mar Bhuanchnaí chun críche na Rialach seo.

Féadfaidh Contae a mheas gurb ionann staideanna cúrsaí áirithe agus buanchónaí chun críche an Fhodhlí.

Chun críche iarratas ar Aistrithe idir Contaetha, beidh an sainmhíniú réamhluaithe i réim.

Nasc Ábhartha Eile: Measfar go bhfuil 'Nasc Ábhartha Eile' ag ball:

(a) Le Contae faoi leith má:

(i) Bhí buanchónaí ar cheachtar de thuismitheoirí an imreora nuair a rugadh an ball sa Chontae sin.

(ii) Gurb é an Contae sin Contae chéad Chlub ceachtar de thuismitheoirí an imreora.

(b) Le Club faoi leith más fíor aon pointe díobh seo a leanas:

(i) Bhí buanchónaí ar cheachtar de thuismitheoirí an imreora nuair a rugadh é in Abhantrach reatha an Chlub sin.

(ii) I gcás imreora a raibh buanchónaí ar a thuismitheoirí nó ar cheachtar dá thuismitheoirí i gCo. Bhaile Átha Cliath nuair a rugadh an t-imreoir, gurbh é sin Club nó Chéad Chlub ceachtar de thuismitheoirí an imreora.

(iii) Fodhlíthe Contae a sainíodh go ginearálta nó le haghaidh cásanna sonracha ina bhfuil tosca áirithe óna n-eascaíonn nasc den sórt sin.

6.3 Ceangal le Chéad Chlub

(a) Chun críche na Rialach seo, beidh duine ina bhall den Chumann ar dtús trí bhallraíocht a ghlacadh i gClub an Chumainn, mar Bhall Faoi Aois nó mar Bhall Iomlán (de réir mar is cuí), laistigh de Chontae bhuanchnónaí an duine.

(b) Forordóidh Contaetha le Fodhlí an méid (más ann dó) a bheidh rogha ag duine ar é do theacht chun bheith ina bhall den Chumann ar dtús maidir le cé acu Chlub ina nglacfaidh an duine ballraíocht laistigh den Chontae.

(c) Le Fodhlíthe d'fhéadfadh cead a bheith ag duine a mbeidh ballraíocht sa Chumann á lorg aige rogha gan srian Clubanna nó rogha teoranta Clubanna a bheith aige (e.g. i gcás go bhfuil teorainn ar an rogha i ngeall ar bhuanchnónaí in Abhantrach nó maidir le nasc ábhartha eile le hAbhantrach agus go bhfuil níos mó ná Club amháin in Abhantrach faoi leith) nó gan rogha ar bith a bheith aige (e.g. i gcás go bhfuil an rogha teoranta i ngeall ar bhuanchnónaí in Abhantrach nó maidir le nasc ábhartha eile le hAbhantrach agus nach bhfuil ach Club amháin laistigh den Abhantrach sin).

(d) I gcás ina dtiocfaidh cás chun cinn maidir le teidlíocht chun bheith ina bhall de Chlub nó chun bheith nasctha le Club (an Chéad Chlub dá éis sin), déanfaidh an Coiste Contae breithniú an cháis sin a tharmligean chuig a Choiste Rialaithe Comórtas lena réiteach. Má iarrann aon pháirtí a bhfuil baint aige leis an gcás é, tabharfaidh an Coiste Rialaithe Comórtas an deis do gach páirtí lena mbaineann tuairimí a thabhairt lena mbreithniú laistigh de thréimhse shonraithe agus/nó dá bhfreastal ar éisteacht a thionólfar chun a seasaimh faoi seach ar an gcás a leagan amach.

Déanfaidh an Coiste Rialaithe Comórtas a chinneadh de réir na Rialach agus an Fhodhlí Contae. Féadfaidh páirtí éagóirithe achomharc i gcoinne chinneadh an Choiste Rialaithe Comórtas ar an gcás a dhéanamh i scríbhinn chuig Coiste Éisteachta an Chontae. Déanfar é laistigh de trí lá oibre ón bhfógra faoin gcinneadh a fháil. Sonrófar ann na forais ar a mbeidh an t-achomharc á dhéanamh agus beidh sé sínithe ag an imreoir achomharcach nó i gcás Club, ag a Rúnaí. Ní bheidh foirmiúlachtaí eile maidir le hAchomharc a chur isteach (e.g. cóip i ndúblach, táille a sholáthar) arna léiriú i Riail 7.5(f) go (i) i bhfeidhm maidir leis an gcás seo. Beidh gach cuid ábhartha eile de Riail 7.5 i bhfeidhm. D'fhéadfaí seasamh le hachomharc ar bhonn na bhforálacha atá léirithe i Riail 7.5(o).

(e) I gcás go nglacann imreoir páirt go dlíthiúil i gComórtas le Club den chéad uair (lena n-áirítear Club laistigh d'Fhoireann Neamhspleách) ag Grád Faoi bhun 12 nó Os Cionn 12 (lena n-áirítear Geábhchluichí) a eagraíonn an Coiste Contae nó ceann dá Fhochoistí, beidh an Chlub sin ina Chéad Chlub ansin.

(f) I gcás ina ndiúltaíonn an Club nó na Clubanna ina bhfuil an duine a bhfuil sé i gceist aige bheith ina bhall i dteideal iarratas a dhéanamh ar bhallraíocht ann nó iontu an ball sin a ghlacadh mar bhall, féadfaidh an Coiste Contae údarú a thabhairt don bhall sin iarratas a dhéanamh ar bhallraíocht i gClub (Clubanna) eile dá leithéid de réir mar is iomchuí leis agus aird á tabhairt aige ar spiorad na Rialacha agus na bhFodhlíthe is infheidhme.

6.4 Aistrithe Laistigh den Chontae

(a) Beidh Fodhlí ag Contae lena rialófar aistriú ball ó Chlub amháin go Club eile laistigh den Chontae. Beidh an Fodhlí sin ag teacht leis an Rial. D'fhéadfaí srian a chur ar incháilitheacht imreora le Fodhlí den sórt sin i leith aistrithe trí thagairt do chúrsaí dá leithéid de réir mar is iomchuí leis an gContae (e.g. trí thagairt do bhuanchónaí nó Naisc Ábhartha Eile idir iarratasóir an aistrithe agus Abhantrach an Chlub bheartaithe nua etc.).

Beidh an rogha ag Contae, laistigh d'Fhodhlí Contae, cead a thabhairt d'imreoir imirt le Club sa cheantar ina mbíonn an t-imreoir ag obair.

Ní chuirfear cosc le Fodhlí, áfach, ar aistriú a dheonú i gcás ina bhfuil an Coiste Rialaithe Comórtas ábhartha sásta gur gá é sin a dhéanamh chun leanbh a chosaint ar dhochar agus chun cloí le gealltanais um chosaint leanaí an Chumainn. (Féach Treoir na hArd-Chomhairle maidir leis an bhforáil sin).

D'fhéadfaí srianta breise de chineál nós imeachta a fhorchur má mheasann an Contae go bhfuil siad cuí (e.g., srian a chur ar an am laistigh de bhliain faoi leith nuair a dhéanfaí iarratais ar aistrithe).

(b) Ball ar mian leis Club amháin a fhágáil agus ballraíocht a ghlacadh i gClub eile sa Chontae céanna, ní mór dó iarratas ar aistriú a dhéanamh leis an gCoiste Contae.

(c) Tarmligfidh Coiste Contae breathnú iarratas chuig a Choiste Rialaithe Comórtas. Má iarrann ceann ar bith de na páirtithe lena mbaineann é, tabharfaidh an Coiste an deis don iarratasóir agus don dá Chlub lena mbaineann freastal ar éisteacht tionólta lena staideanna faoi seach maidir leis an iarratas a léiriú.

(d) Cuirfear Club an bhaill a bhfuil aistriú á lorg acu ar an eolas faoin iarratas agus breathnófar ar a bhreithnithe má fhaightear iad laistigh de cibé tráth a ordóidh an Coiste Rialaithe Comórtas.

(e) Déanfaidh an Coiste Rialaithe Comórtas a chinneadh de réir na Rialach, an Chóid agus an Fhodhlí Contae.

(f) Féadfaidh páirtí éagóirithe achomharc i gcoinne cinnidh maidir le hAistriú a dhéanamh i scríbhinn chuig Coiste Éisteachtaí an Chontae. Déanfar é laistigh de thrí lá oibre ón bhfógra faoin gcinneadh a fháil, sonrú na forais ann ar a ndearnadh an t-achomharc agus beidh sé sínithe ag an imreoir achomharcach nó i gcás Club, ag a Rúnaí. Ní bheidh foirmiúlachtaí eile maidir le hAchomharc a chur isteach (e.g. cóip i ndúblach, táille a sholáthar) arna léiriú i Rial 7.5(f) go (i), i bhfeidhm maidir leis an gcás seo.

Beidh gach cuid ábhartha eile de Rial 7.5 i bhfeidhm. D'fhéadfaí seasamh le hachomharc ar bhonn na bhforálacha atá léirithe i Rial 7.5(o).

(g) Beidh éifeacht ag an aistriú:

- Ar dhul in éag na tréimhse a bheidh ceadaithe d'Achomharc i gcoinne an chinnidh ar an iarratas ar Aistriú, nó má chuirtear Achomharc isteach, ar dhéanamh an chinnidh maidir leis an Achomharc agus

- Ar chloí le Cód 4.2 ina dhiaidh sin.

6.5 Aistrithe idir Contaetha

(a) Imreoir ar mian leis ballraíocht a ghlacadh i gClub i gContae eile, ní mór dó iarratas a dhéanamh ar aistriú leis an gComhairle Chúige nó leis an Ard-Chomhairle, de réir mar is cuí. Ní mór iarratas ar Aistriú a dhéanamh 'ar líne'.

(b) Ní dheonófar iarratas dá leithéid mura bhfuil buanchónaí ar an imreoir sa Chontae nua. Eisceachtaí:

(i) Imreoir a bhfuil buanchónaí air lasmuigh dá Chéad Chontae agus ar mian leis aistriú óna Chlub Féin reatha go dtí a Chéad Chlub nó go dtí an Club (nó a réamhtheachtaí) ar a raibh an t-imreoir ina bhall imeartha díreach sular fhág sé a Chéad Chontae, féadfaidh sé aistriú amhlaidh murar imir sé i gComórtas den chéad uair lena Chlub Féin i ndiaidh an 1 Eanáir.

(ii) Imreoir ag a bhfuil 'Nasc Ábhartha Eile' le Club Faoi Leith (i) faoi mar a shainítear i bhfo-alt (b) de Riail 6.2, ar an gcoinníoll gur shlánaigh an t-imreoir 18 mbliana d'aois i mBliain Chraobhchomórtais roimhe sin go dtí bliain a iarratais ar aistriú.

(iii) Imreoir ag a bhfuil 'Nasc Ábhartha Eile' le Club Faoi Leith (ii), (faoi mar a shainítear i bhfo-alt (b) de Riail 6.3, ar an gcoinníoll go bhfuil an Club a bhfuil an t-imreoir ag aistriú chuige i gContae atá ceadaithe ag an Ard-Chomhairle leas a bhaint as an bhforáil sin, agus go dtugann Coiste Contae Bhaile Átha Cliath cead i leith an Aistrithe (féach Aguisín 3), ar an gcoinníoll gur shlánaigh an t-imreoir 18 mbliana d'aois i mBliain Chraobhchomórtais roimhe sin go dtí bliain a iarratais ar aistriú.

Imreoir a bhainfidh leas as Eisceacht thuas, ní dhearbhóidh sé ar son Club i gContae eile ina dhiaidh sin.

(c) Imreoir a mbeidh deireadh lena bhuanachónaí i gContae, seachas Chéad Chontae an imreora, ní bheidh sé i dteideal Comórtas nua sa Chontae sin a thosú.

(d) Is éard is aistriú Idirchontae ann aistriú ó Chontae amháin go Contae eile chun críche Club. Imreoir a aistrefar amhlaidh, ní mór dó ceanglais Fhodhlíthe an Chontae nua maidir leis an gClub ina nglacfaidh an t-imreoir ballraíocht a chomhlíonadh.

(e) Faoi réir Fho-riail (b) den Riail seo, deonófar an t-iarratas mura bhfuil agóid ar bith ón gClub nó ón gContae óna bhfuil an t-imreoir ag fágáil laistigh de dheich lá ón iarratas a chur ar aghaidh ag an Ard-Chomhairle nó ag an gComhairle Chúige chuig an gContae, de réir mar is cuí

(f) I gcás go lóisteálann an Contae a bhfuil an t-imreoir ag fágáil é agóid, beidh sé i dteideal go mbreathnófar ar a aighneacht agus, ar achomharc, aighneachtaí a dhéanamh.

(g) Féadfar achomharc i gcoinne cinnidh maidir le hiarratas ar Aistriú Idirchontae a dhéanamh chun an Lárchoiste Achomharc. Cloífidh achomharc dá leithéid leis na foirmiúlachtaí atá leagtha síos i Riail 7.5 – Achomhairc, ach amháin gurb é trí lá oibre an tréimhse a bheidh ceadaithe don Achomharc.

(h) Baineann Aistriú Idirchontae le haistriú le haghaidh gach cóid agus gach gníomhaíochta ar an leibhéal Club.

(i) Imreoir a aistríonn ó Chontae amháin go Contae eile, agus laistigh de 96 lá ina dhiaidh sin, go n-aistríonn sé ar ais chuig an iar-Chontae, glacfaidh sé ballraíocht arís sa Chlub ina raibh an t-imreoir ina bhall roimh an aistriú tosaigh.

(j) Beidh éifeacht ag Aistriú:

- Ar dhul in éag na tréimhse a bheidh ceadaithe d'Achomharc i gcoinne an chinnidh ar an iarratas ar Aistriú, nó má chuirtear Achomharc isteach, ar dhéanamh an chinnidh maidir leis an Achomharc

Agus

- Ar chloí le Cód 4.2 ina dhiaidh sin.

6.6 Ionadaíocht ag Éisteacht Aistrithe/Ceangail

I gcás aistrithe chuig Aonad den Chumann nó ceangal leis a bheith á lorg ag ball, is féidir le Ball lomlán den Chlub/Aonad ina bhfuil an ball ina bhall faoi láthair nó den Chlub/Aonad ar mian leis an mball aistriú chuige nó bheith ceangailte leis a bheith in éineacht leis ag an Éisteacht.

6.7 Srianta Imeartha (Club)

(A) Ní féidir le himreoir imirt i gCraobhchomórtas ar bith i gCraobhchomórtas bliana faoi leith i níos mó ná aon Chontae amháin ach amháin mar a fhoráiltear sna hEisceachtaí thíos.

(B) Ní féidir le himreoir imirt i gCraobhchomórtas ar bith le dhá chlub i gCraobhchomórtas bliana faoi leith, laistigh de Chontae, ach amháin mar a fhoráiltear sna hEisceachtaí thíos.

(C) Féadfaidh imreoir lománaíocht a imirt le Club amháin agus Peil a imirt le Club eile, laistigh de Chontae, faoi réir aon srianta dá bhforáiltear i bhFodhlíthe Contae.

(D) Ní imreoidh imreoir le dhá Chlub sa Chomórtas ceannann céanna bliana faoi leith.

Eisceachtaí ar (A), (B), (C) agus (D):

(1) Faoi réir ceada ag an gCoiste Contae faoi Riail 3.17 (o):

Féadfaidh Imreoir Club gan foireann Faoi bhun 21 nó Gráid Níos Óige, faoi réir Fodhlíthe Contae, imirt:

(a) Le Foireann Neamhspleách Faoi bhun 21 nó Gráid Níos Óige nach mbeidh ainm Club Aosach laistigh den Chontae sin air.

Nó

Le Foireann eile Faoi bhun 21 nó le Foireann de Ghrád Níos Óige laistigh den Chontae sin air. I gcás go bhfuil cúigear imreoirí nó níos mó ag foireann faoin bhforáil sa Riail seo, imreoidh agus beidh an fhoireann aitheanta faoi ainmneacha an dá Chlub lena mbaineann le chéile nó faoi ainm Neamhspleách nach mbeidh ainm Club Aosach laistigh den Chontae sin air.

Beidh imreoir a imríonn ar fhoireann dá bhforáiltear in (a) nó (b) thuas, ina bhall cláraithe i gClub Aosach an imreora agus coimeádfaidh sé ballraíocht sa Chlub sin le linn agus ag deireadh rannpháirtíocht imeartha an duine le foireann a bhunófar faoi (a) nó (b).

(2) Faoi réir Rialacha Incháilitheachta na Comhairle Ardoideachais, Mac Léinn ó Choláiste Ardoideachais, a bhfuil

Cúrsa Fochéime nó larchéime á dhéanamh acu, féadfaidh siad ón mBliain Chraobhchomórtais i ndiaidh chlárú an mhic léinn sa Choláiste suas go dtí Bliain Chraobhchomórtais Bhronnadh Céime an mhic léinn agus an bhliain sin san áireamh:

- (i) Imirt le Club Coláiste an mhic léinn agus le Club Féin an mhic léinn, ar an gcoinníoll go bhfaighidh an mac léinn Cead ón gComhairle Chúige nó ón gComhairle Láir, de réir mar is cuí.
- (ii) (ii) Imirt le Club Coláiste an mhic léinn agus le Chlub Féin an mhic léinn, sa chás go bhfuil Club Féin an mhic léinn sa Chontae céanna agus de ghrád níos ísle, agus go bhfaighidh an mac léinn cead.
- (iii) (iii) Imirt le Club Coláiste an mhic léinn i gcomórtais aosach agus le Club Féin an mhic léinn i gcomórtais Faoi bhun 21/20/19 agus Mhionúir, i gcás go bhfuil stádas Sinsearach ag a Chlub féin laistigh den Chontae céanna leis an gClub Coláiste, ar an gcoinníoll go bhfaighidh an t-imreoir aistriú chuig an gClub Coláiste ón gCoiste Contae.

- (iv) Imirt le Club Coláiste agus le club i Sasana, ar an gcoinníoll nach n-imreoidh an mac léinn do Chlub Féin an mhic léinn, agus go bhfaighidh sé Cead ón Ard-Chomhairle ar fhaomhadh ó Choiste Contae Chlub Féin an mhic léinn.

Nótaí: (a) Ciallóidh “Club Coláiste” chun críche na Rialach seo Club atá Cleamhnaithe le Coiste Contae, agus faoi dhlínse Coiste Contae. (Ciallóidh “Club Coláiste” ar shlí eile Club atá Cleamhnaithe leis an gComhairle Ardoideachais, agus faoi dhlínse na Comhairle Ardoideachais).
(b) Féadfaidh Mac Léinn leas a bhaint as an Riail seo chun imirt do Choláiste amháin go díreach i mBliain Chraobhchomórtais ar bith.

(3) Imreoir a bhfuil cúrsa lánaimseartha staidéir á dhéanamh aige i dTír faoi dhlínse an Bhoird Eorpaigh, féadfaidh sé imirt le Club sa tír san Aontas Eorpach ina bhfuil an staidéar á dhéanamh aige, nó le club gar d’áit staidéir an imreora, lena n-áirítear Club Coláiste, más ann dó, agus le Club Féin an imreora, ar an gcoinníoll go bhfuil páirt á glacadh ag an imreoir i gclár aitheanta staidéir de 12 sheachtain ar a laghad, agus go bhfaighidh an t-imreoir Cead ón Ard-Chomhairle.

(4) Imreoir a bhfuil Údarú faighte aige faoi Chód 9 (a) nó a bhfuil Ceadú faighte aige faoi Chód 9(b).

(5) Imreoir a Aistríonn go Club eile laistigh de Chontae a d’imir cheana féin i gCraobhchomórtas an bhliain faoi leith sin le hiar-Chlub an imreora, féadfaidh sé imirt le Club nua an imreora i gComórtas (Comórtais) Neamhchraoibhe, ar an gcoinníoll nár imir an t-imreoir le hiar-Chlub an imreora sa Chomórtas (Comórtais) ceannann céanna.

(6) Imreoir a théann le Club nua ar aistriú Idirchontae, ní féidir leis imirt lena iar-chlub nua as sin amach gan aistriú eile. Imreoir a d’imir cheana féin i gCraobhchomórtas i mbliain faoi leith sin lena iar-chlub, ní féidir leis imirt lena Chlub nua ach amháin i gcomórtas (comórtais) neamhchraoibhe sa bhliain sin.

(E) Féadfaidh imreoir imirt le Club eile i gcluiche neamhthrófaí, ar an gcoinníoll go bhfaighidh an t-imreoir cead ón gCoiste Contae nó ó údarás níos airde.

6.8 Sriantha Imeartha (Contae agus Cúige)

(a) Go ginearálta, ní fhéadfaidh imreoir imirt ach do Chontae a Chlub Féin agus a Chúige.

(b) (i) Imreoir a aistríonn go Club Contae seachas a Chéad Chontae beidh an rogha aige imirt dá Chéad Chontae agus a Chúige, trí dhearbú, nó do Chontae a Chlub Féin agus a Chúige.

(ii) Féadfaidh imreoir dearbhú a dhéanamh ar son Contae ar bhonn ‘Nasc Ábhartha Eile’ le Contae Faoi Leith (i), faoi mar a shainítear i bhfo-alt (a) de Riail 6.2, faoi réir an t-imreoir a bheith Os cionn 18 mbliana d’aois faoi mar a shainítear i Riail 6.11.

(iii) Féadfaidh imreoir dearbhú a dhéanamh ar son Contae ar bhonn ‘Nasc Ábhartha Eile’ le Contae Faoi Leith (ii), faoi mar a shainítear i bhfo-alt (b) de Riail 6.2, ach go bhfaighidh an Contae sin cead ón gComhairle Láir leas a bhaint as an bhforáil seo, agus go bhfaighfear ceadú le haghaidh Dhearbhú an Imreora ó Choiste a Chéad Chontae nó a Chlub Féin (féach Aguisín 3), faoi réir an t-imreoir a bheith Os cionn 18 mbliana d’aois faoi mar a shainítear i Riail 6.11.

Féadfar Dearbhú i scríbhinn do Chontae a lóisteáil nó a chúlghairm an lá deireanach nó roimh an lá deireanach de Mhárta i mbliain ar bith. Imreoir a aistrefar lasmuigh dá Chéad

Chontae i ndiaidh an lae dheireanaigh de Mhárta féadfaidh sé, ar aistriú dá leithéid, dearbhú a dhéanamh ar son a Chéad Chontae.

Imreoir a dhearbhaíonn ar son Club i gContae de bhun na Rialach seo, ní dhearbhaíodh sé ar son Contae eile ina dhiaidh sin.

(c) Ní mór gur imir imreoir i gCraobhchomórtas Club le Club, Grúpa nó Foireann Roinne i gContae an bhliain roimhe sin nó an bhliain reatha (ní ar bhonn Údarú, Ceadú nó Cead arna ndeonú faoi Rialacha 9 go 6.8) le bheith i dteideal imirt i gComórtas Idirchontae leis an gContae sin, ach amháin:

(1) Gurb é an Contae a Chéad Chontae, nó

(2) Gur Dhearbhaigh sé ar son an Chontae sin faoi 'Nasc Ábhartha Eile' le Contae Faoi Leith (i) nó (ii), mar a shainítear i bhfochuid (a) de Riail 6.2 nó faoi Riail 6.9

(d) Imreoir a thosaíonn ag imirt do Chontae i gcomórtas faoi leith, féadfaidh sé an comórtas sin a chríochnú, agus imirt do Chontae eile, ina nglacfaidh sé ballraíocht trí dhearbú nó aistriú.

(e) Ní imreoidh imreoir don dara Contae i gcomórtas bliana faoi leith.

6.9 Forálacha Incháilitheachta Speisialta maidir leis an Iománaíocht

Le haghaidh Comórtais Iománaíochta Idirchontae na Sinsear, beidh imreoir, faoi réir na gcoinníollacha thíos, i dteideal:

(a) Dearbhú a dhéanamh ar son an Chéad Chlub de ceachtar dá thuismitheoirí; nó

(b) Imirt don Chontae Cónaithe, ar an gcoinníoll gur Contae ainmnithe é an Contae mar a fhoráiltear i gCoinníoll (1) thíos, agus beidh sé fós i dteideal imirt dá Chlub Féin.

Beidh feidhm ag na coinníollacha seo a leanas:

(1) Nach bhfuil páirt á glacadh ag an gContae a mbainfidh leas as an Riail seo i gCraobhchomórtas Iománaíochta Sinsear na hÉireann (Corn Liam Mhic Cárthaigh) nó i Roinn 1 den Sraithchomórtas Náisiúnta, nó Iománaíocht Sinsear Shraith 2 (Corn Sheosaimh Mhic Dhonnacha) nó Craobhchomórtas Iománaíocht Sinsear Shraith 3 (Corn Christóir Uí Rinn).

(2) Féadfaidh Contae a mbainfidh leas as an Riail seo tríúr imreoirí dá leithéid ar a mhéad a bheidh ceadaithe i mBliain Chomórtais ar bith a bheith aige.

(3) Ní mór cead Chlub Féin Imreora a fháil.

(4) Féadfaidh imreoir leas a bhaint as an Riail seo le haghaidh Contae amháin go díreach, agus ní dhearbhaíodh sé ar son Club Féin Imreora do Pheil.

(5) Má thagann Cluichí Craoibhe salach ar a chéile idir chluiche Club Féin Imreora agus cluiche an Chontae a mbeidh leas á bhaint aige as an Riail seo, imreoidh an t-imreoir dá Chlub Féin.

(6) Ní bheidh cead leas a bhaint as an Riail seo ach le haghaidh Bliain Chomórtais amháin ag an am, agus ní mór iarratas a dhéanamh gach bliain ar athnuachan an cheada.

Is é an 31 Márta gach bliain an spriocdháta le haghaidh na nIarratas.

6.10 Comhlachtaí Neamhchleamhnaithe

(a) Ní ghlacfaidh ball nó aonad de chuid an Chumainn páirt i gcluichí na Peile Gaelaí, Iománaíochta nó Liathróid Láimhe a chuirfidh comhlacht chun cinn nach bhfuil cleamhnaithe leis an Ard-Chomhairle, gan ceadú a fháil roimhe sin ón Ard-Chomhairle.

(b) Ní ghlacfaidh Club nó aonad eile páirt, mar sin, ach amháin i gcluiche arna rialú ag an gCumann agus i gcoinne Club nó aonaid eile de chuid an Chumann, mura dtugadh an ceadú roimhe ré ón Ard-Chomhairle.

Pionós: Fionraí 48 seachtaine.

6.11 Gráid Aoise

CLUB

Aosach: Beidh a 17ú breithlá slánaithe ag Imreoir roimh an 1 Eanáir den Bhliain Chomórtais.

Féadfaidh Coiste Contae cinneadh, trí Rialacháin lomaíochta, an aois íosta incháilitheachta seo a mhéadú go ginearálta nó i gcomórtais / cúinsí ar leith.

Gráid faoi bhun Aoise Cinnfidh Contae a Ghráid inmheánacha Faoi Bhun Aoise chun críche comórtais laistigh de pharaiméadar Faoi bhun 21 go dtí Faoi bhun 11, faoi réir na tréimhse blianta incháilitheachta a leanas:

Eisceacht: Féadfaidh Coiste Contae an Tréimhse Aoise incháilitheachta is infheidhme in aon cheann de na gráid Faoi Aois thuas a laghdú faoi bhliain amháin nó níos mó m.sh., tá tréimhse cúig bliana ag an ngrád Faoi bhun 21 ach féadfaidh Coiste Contae an tréimhse sin a laghdú go dtí ceann de cheithre bliana trí éileamh a dhéanamh go mbeidh an 17ú breithlá slánaithe ag imreoir roimh an 1 Eanáir de Bhliain an Chraobhchomórtais.

Faoi bhun 21: Beidh a 16ú breithlá slánaithe ag Imreoir roimh an 1 Eanáir agus a 21ú breithlá slánaithe aige ar nó i ndiaidh an 1 Eanáir den Bhliain Chomórtais.

Faoi bhun 20: Beidh a 16ú breithlá slánaithe ag Imreoir roimh an 1 Eanáir agus a 20ú breithlá slánaithe aige ar nó i ndiaidh an 1 Eanáir den Bhliain Chomórtais.

Faoi bhun 19: Beidh a 15ú breithlá slánaithe ag Imreoir roimh an 1 Eanáir agus a 19ú breithlá slánaithe aige ar nó i ndiaidh an 1 Eanáir den Bhliain Chomórtais.

Faoi bhun 18: Beidh a 14ú breithlá slánaithe ag Imreoir roimh an 1 Eanáir agus a 18ú breithlá slánaithe aige ar nó i ndiaidh an 1 Eanáir den Bhliain Chomórtais.

Faoi bhun 17: Beidh a 13ú breithlá slánaithe ag Imreoir roimh an 1 Eanáir agus a 17ú breithlá slánaithe aige ar nó i ndiaidh an 1 Eanáir den Bhliain Chomórtais.

Faoi bhun 16: Beidh a 12ú breithlá slánaithe ag Imreoir roimh an 1 Eanáir agus a 16ú breithlá slánaithe aige ar nó i ndiaidh an 1 Eanáir den Bhliain Chomórtais.

Faoi bhun 15: Beidh a 11ú breithlá slánaithe ag Imreoir roimh an 1 Eanáir agus a 15ú breithlá slánaithe aige ar nó i ndiaidh an 1 Eanáir den Bhliain Chomórtais.

Faoi bhun 14: Beidh a 10ú breithlá slánaithe ag Imreoir roimh an 1 Eanáir agus a 14ú breithlá slánaithe aige ar nó i ndiaidh an 1 Eanáir den Bhliain Chomórtais.

Faoi bhun 13: Beidh a 9ú breithlá slánaithe ag Imreoir roimh an 1 Eanáir agus a 13ú breithlá slánaithe aige ar nó i ndiaidh an 1 Eanáir den Bhliain Chomórtais.

Faoi bhun 12: Beidh a 9ú breithlá slánaithe ag Imreoir roimh an 1 Eanáir agus a 12ú breithlá slánaithe aige ar nó i ndiaidh an 1 Eanáir den Bhliain Chomórtais.

Faoi bhun 11: Beidh a 8ú breithlá slánaithe ag Imreoir roimh an 1 Eanáir agus a 11ú breithlá slánaithe aige ar nó i ndiaidh an 1 Eanáir den Bhliain Chomórtais.

IDIRCHONTAE

Aosach: Beidh a 18ú breithlá slánaithe ag Imreoir roimh an 1 Eanáir den Bhliain Chomórtais.

Faoi bhun 20 (Iománaíocht): Beidh a 17ú breithlá slánaithe ag Imreoir roimh an 1 Eanáir agus a 20ú breithlá slánaithe aige ar nó i ndiaidh an 1 Eanáir den Bhliain Chomórtais.

Ní cheadaítear d'imreoir ach imirt sa Chraobhchomórtas Iomána Sinsear Idirchontae (Sraith 1) nó sa Chraobhchomórtas Iomána Idirchontae Faoi bhun 20 ach in aon tréimhse seacht lá (m.sh. maidin Dé hAoine go dtí an oíche Déardaoin dár gcionn). Is ionann teacht isteach mar ionadaí agus cluiche a imirt.

Faoi bhun 20 (Peil): Beidh a 17ú breithlá slánaithe ag Imreoir roimh an 1 Eanáir agus a 20ú breithlá slánaithe aige ar nó i ndiaidh an 1 Eanáir den Bhliain Chomórtais.

Ní cheadaítear d'imreoir ach imirt sa Chraobhchomórtas Peile Sinsear Idirchontae (Sraith 1 nó Sraith 2) nó sa Chraobhchomórtas Peile Idirchontae Faoi bhun 20 ach in aon tréimhse seacht lá (m.sh. maidin Dé hAoine go dtí an oíche Déardaoin dár gcionn). Is ionann teacht isteach mar ionadaí agus cluiche a imirt.

Mionúr (faoi bhun 17): Beidh a 15ú breithlá slánaithe ag imreoir roimh an 1 Eanáir agus a 17ú breithlá slánaithe aige ar nó i ndiaidh an 1 Eanáir den Bhliain Chomórtais.

Áireofar ar aosach Gráid Shinsearacha, Idirmheánacha agus Shóisearacha.

Féadfaidh cailíní páirt a ghlacadh suas go dtí an Grád Faoi Bhun 12 agus é sin san áireamh.

Nóta: Ar mhaithe le hamhras ar bith a sheachaint i ndáil le hincháilitheacht Grád de réir Aoise, ciallóidh an Bhliain Chraobhchomórtais an Bhliain Fhéilire ina dtosaíonn an Comórtas. I gcás go mbeadh an Comórtas críochnaithe i mBliain Fhéilire ina dhiaidh sin, ní fhorléireofar na cúinsí sin chun cead a thabhairt d'imreoir a bhí neamh-incháilithe, trí chúis aoise, ag dáta thosach an Chomórtais chun imirt sa Chomórtas ag am ar bith suas go dtí an dáta a bheidh sé críochnaithe agus an dáta sin san áireamh.

Pionóis:

Le haghaidh sárú ar an uasteorainn Aoise:

(i) Pionós Foirne:

Ar agóid chruthaithe - Bronnadh an Chluiche ar an bhFoireann Eile.

Ar fhiosrú arna dhéanamh ag an gCoiste i bhFeighil - An Cluiche a chur ar Ceal gan an Cluiche a Bhronnadh ar an bhFoireann Eile.

(ii) Imreoir:

Maidir le sárú ar Ghráid Faoi bhun 16 nó Níos Óige – Fionraíocht 4 seachtaine.

Maidir le sárú ar Ghráid Mhionúir nó Faoi bhun 21 – Fionraíocht 24 seachtain.

(iii) Duine (Daoine) i bhFeighil na foirne ina ndéantar an sárú – Fionraíocht 48 seachtain.

(iv) Cathaoirleach agus Rúnaí Club:

Maidir le sárú ar Ghráid Mhionúir nó Faoi bhun 21 – Fionraíocht 48 seachtain.

Maidir le Sárú ar an Íosteorainn Aoise:

(i) Pionós Foirne:

Ar agóid chruthaithe - Bronnadh an Chluiche ar an bhFoireann Eile.

Ar fhiosrú arna dhéanamh ag an gCoiste i bhFeighil – An Cluiche a chur ar Ceal gan an Cluiche a Bhronnadh ar an bhFoireann Eile.

(ii) **Imreoir:** Maidir le sárú ar Ghráid ar bith – Fionraíocht 2 sheachtain.

(iii) **Duine (Daoine) i bhFeighil ar an bhFoireann** ina ndéantar an sárú – Fionraíocht 8 seachtaine.

CRAOBHCHOMÓRTAIS IDIRCHONTAE

6.12 Eagrú

Eagrófar na Craobhchomórtais mar seo a leanas:

(A) Craobhchomórtas Sinsear na hÉireann sa Pheil ag Sraith 1: Corn Sam Mhic Uidhir

(i) Craobhchomórtais Chúige

Imreofar na Craobhchomórtais ar an bhFormáid Dhíbeartha. Ní úsáidfear Formáid an 'Chomórtais Chiorclaigh'.

(ii) Na Contaetha Rannpháirteacha i mBabhta 1 den Chraobhchomórtas (Céim an Ghrúpa)

Beidh na 16 Chontae seo a leanas i dteideal páirt a ghlacadh i mBabhta 1 den Chraobhchomórtas (Céim an Ghrúpa).

(a) Na 4 Churadh Cúige (na foirne atá réimnithe sa chéad áit)

(b) Na 4 Fhoireann a chríochnaíonn sa Dara hÁit sa Chúige (na foirne atá réimnithe sa Dara hÁit)

(d) Na 4 fhoireann is airde eile atá réimnithe ag deireadh na Sraithe Náisiúnta (na foirne réimnithe sa Tríú hÁit) (d) Na 4 fhoireann eile is airde atá réimnithe ag deireadh na Sraithe Náisiúnta (an foirne atá réimnithe sa Cheathrú hÁit)

Eisceacht le (d) thíos: Mura mbíonn Buaiteoirí Chraobhchomórtais Shraith 2 ón mbliain roimhe sin cáilithe mar cheann de na foirne in (a) go (d) thuas, beidh siad incháilithe in ionad na foirne i (d) a bhfuil an rangú is ísle sa tSraith Náisiúnta ag baint leo ag deireadh Shraith Náisiúnta na bliana sin.

Nóta: Beidh rangú na bhfoirne sa tSraith Náisiúnta dá dtagraítear thuas socraithe ar bhonn thorthaí na Sraithe Náisiúnta, lena n-áirítear Ardú agus Ísliú Céime, i gcás Bhliain an Chomórtais. Chun aon amhras a sheachaint, measfar gur foireann réimnithe níos airde iad buaiteoirí cluiche ceannais na sraithe ná an fhoireann ar chloígh siad iad sa chluiche ceannais.

Leagan Amach an Ghrúpa agus ord na gcluichí

- Beidh Céim Grúpaí Chluiche Ceathrú Ceannais na hÉireann bunaithe ar Shraith dhá Ghrúpa de cheithre fhoireann (Grúpaí A, B, C agus D) agus imreoidh gach foireann i nGrúpa i gcoinne na bhfoirne eile uair amháin. Bronnfar dhá phointe ar fhoirne i gcás bua, agus pointe amháin i gcás comhscóir.

- Cinnfear leagan amach gach grúpa trí tharraingt.

- Beidh foireann amháin ó gach ceann de na haicmí réimnithe in (a) go (d) thuas i nGach Grúpa. Ní cheadaítear d'fhoirne a thug aghaidh ar a chéile ní ba luaithe sa Chraobhchomórtas a tharraingt sa ghrúpa céanna.

- Imreoidh gach foireann cluiche amháin sa Bhaile, cluiche amháin as Baile amháin agus cluiche amháin ag ionad neodrach.

- Is faoi rogha an Lárchoiste Rialaithe Comórtas a bheidh ord na gcluichí, faoi mar a imreoidh Curaithe an Chúige i ngach grúpa a gcéad chluiche sa Bhaile.

(iii) Na Réamhchluichí Ceathrú Ceannais

Tarraingeofar na ceithre fhoireann a chríochnaíonn sa dara háit ó Bhabhta 1 chun imirt sa bhaile in aghaidh na gceithre fhoireann a chríochnaíonn sa tríú háit, ionas go seachnófar ar an gcéad dul síos athphéireálacha Cluiche Ceannais Cúige agus nuair is féidir athphéireálacha ó Bhabhta 1.

(iv) Na Cluichí Ceathrú Ceannais Tarraingeofar na ceithre fhoireann a chríochnaíonn sa chéad áit ó Bhabhta 1 chun imirt in aghaidh na gceithre fhoireann a chríochnaíonn sa tríú háit, ionas go seachnófar ar an gcéad dul síos athphéireálacha Cluiche Ceannais Cúige agus nuair is féidir athphéireálacha ó Bhabhta 1.

(v) Na Cluichí Leathcheannais Imreoidh na ceithre bhuaiteoir ó na cluichí ceathrú ceannais in aghaidh a chéile sna Cluichí Leathcheannais bunaithe ar tharraingt, ionas go seachnófar athphéireálacha ón gcraobhchomórtas, nuair is féidir.

(vi) Cluiche Ceannais na hÉireann Tabharfaidh Buaiteoirí Chluichí Leathcheannais na hÉireann aghaidh ar a chéile i gCluiche Ceannais na hÉireann. Ionaid le haghaidh Shraith 1

Cinnfidh Lárchoiste Rialaithe Comórtas ionaid do na Cluichí Ceathrú Ceannais, Cluichí Leathcheannais agus Cluichí Ceannais ar fad.

Sraith 2: Corn Tailteann

(i) Na Contaetha Rannpháirteacha i mBabhta 1 de Chorn Tailteann (Céim an Ghrúpa)

Beidh na 16 Chontae seo a leanas i dteideal páirt a ghlacadh i mBabhta 1 de Chorn Tailteann (Céim an Ghrúpa).

(a) Na 4 fhoireann is airde atá réimnithe ag deireadh na Sraithe Náisiúnta nár cháiligh do Chraobhchomórtas Shraith 1 (na fhoirne atá réimnithesa Chéad Áit)

(b) Na 4 fhoireann is airde eile atá réimnithe ag deireadh na Sraithe Náisiúnta nár cháiligh do Chraobhchomórtas Shraith 1 (na foirne réimnithe sa Dara hÁit)

(c) Na 4 fhoireann is airde eile atá réimnithe ag deireadh na Sraithe Náisiúnta nár cháiligh do Chraobhchomórtas Shraith 1 (na foirne réimnithe sa Tríú hÁit)

(d) Na 4 fhoireann is airde eile atá réimnithe ag deireadh na Sraithe Náisiúnta nár cháiligh do Chraobhchomórtas Shraith 1 (na foirne réimnithe sa Cheathrú hÁit)

Nóta: Beidh rangú na bhfoirne sa tSraith Náisiúnta dá dtagraítear thuas socraithe ar bhonn thorthaí na Sraithe Náisiúnta, lena n-áirítear Ardú agus Ísliú Céime, i gcás Bhliain an Chomórtais. Chun aon amhras a sheachaint, measfar gur foireann réimnithe níos airde iad buaiteoirí cluiche ceannais na sraithe ná an fhoireann ar chloígh siad iad sa chluiche ceannais.

Leagan Amach an Ghrúpa agus ord na gcluichí

- Beidh Céim Grúpaí Chluiche Chorn Tailteann bunaithe ar Shraith cheithre Ghrúpa de cheithre fhoireann (Grúpaí 1, 2, 3 agus 4) agus imreoidh gach foireann i nGrúpa i gcoinne na bhfoirne eile ina nGrúpa uair amháin. Bronnfar dhá phointe ar fhoirne i gcás bua, agus pointe amháin i gcás comhscóir.

- Cinnfear leagan amach gach grúpa trí tharraingt.

- Beidh foireann amháin ó gach ceann de na haicmí réimnithe in (a) go (d) thuas i nGach Grúpa.

- Imreoidh gach foireann cluiche amháin sa Bhaile, cluiche amháin as Baile amháin agus cluiche amháin ag ionad neodrach.

- Is faoi rogha an Lárchoiste Rialaithe Comórtas a bheidh ord na gcluichí, faoi mar a imreoidh an fhoireann réimnithe is airde i ngach grúpa a gcéad chluiche sa Bhaile.

(ii) Réamhcluichí Ceathrú Ceannais Chorn Tailteann

Tarraingeofar an fhoireann a chríochnaíonn sa dara háit i ngach ceann de na ceithre ghrúpa i mBabhta 1 chun imirt sa Bhaile in aghaidh Nua-Eabhrac agus na trí fhoireann “is fearr” a chríochnaíonn sa tríú háit i ngach grúpa. Faoi réir na péireálacha céanna ó Bhabhta 1 a sheachaint, déanfar tarraingt chun na Péireálacha a chinneadh. Cinnfear na trí fhoireann “is fearr” a chríochnaíonn sa tríú háit ar fud na gceithre ghrúpa agus na critéir seo a leanas a úsáid.

(i) Méid Iomlán Pointí

(ii) Difríocht sna Scóir – iomlán na Scór i gcoinne a dhealú as Iomlán na Scór ar son

(iii) An Scór Iomlán ar Son is Airde

(iv) Scór Iomlán is Airde na gCúl ar Son

(v) Scór Iomlán is Ísle na gCúl i gCoinne

(v) Cluiche Réitigh

Eisceacht: I dtaca le bealaí (ii) agus (iv) thuas, má théann scóir charnacha foirne, lena mbaineann amhlaidh, i gcion ar dhícháiliú, cailteanas an chluiche ar agóid chruthaithe, scor nó bua gan choimhlint, cinnfear an comhscór le Cluiche Réitigh.

Má bhíonn níos mó ná dhá fhoireann páirteach i gCluiche Réitigh, bunaithe ar tharraingt a rinne an Lárchoiste Rialaithe Comórtas, imreoidh dhá fhoireann cluiche reitigh chun áit a fháil sa Réamhcluiche Ceathrú Ceannais, agus rachaidh an fhoireann/na foirne eile ar aghaidh go dtí an Réamhcluiche Ceathrú Ceannais.

(iii) Cluichí Ceathrú Ceannais Chorn Tailteann

Tarraingeofar na ceithre fhoireann a chríochnaíonn sa chéad áit ó Bhabhta 1 chun imirt sa bhaile i gcoinne na gceithre bhuaiteoir ó na ceithre Réamhcluiche Ceathrú Ceannais.

Faoi réir na péireálacha céanna ó Bhabhta 1 a sheachaint.

(iv) Cluichí Leathcheannais Chorn Tailteann

Imreoirí na buaiteoirí ó na ceithre chluiche ceathrú ceannais in aghaidh a chéile sa Cluiche Leathcheannais bunaithe ar tharraingt, ionas go seachnófar athphéireálacha ón ggraobhchomórtas, nuair is féidir.

(v) Cluiche Ceannais Chorn Tailteann

Tabharfaidh buaiteoirí Chluichí Leathcheannais na hÉireann aghaidh ar a chéile i gCluiche Ceannais na hÉireann. Beidh Buaiteoir Shraith 2 incháilithe do Chraobhchomórtais Shraith 1 an bhliain dár gcionn, beag beann ar a gcríochnaíonn siad sa tsraith.

Ionaid le haghaidh Shraith 2.

Cinnfidh an Lárchoiste Rialaithe Comórtas na hionaid do na Cluichí Leathcheannais agus don Chluiche Ceannais.

Sceidealú le haghaidh Shraith 1 agus 2

Ba cheart cluichí a imirt ar an Satharn/Domhnach mar is iomchuí leis an Lárchoiste Rialaithe Comórtas.

Breathnófar ar rannpháirtíocht dhéach Contaetha san Iománaíocht agus sa Pheil, agus, más féidir, seachnófar an deireadh seachtaine céanna.

Ceadófar bearna 13 lá do na Buaiteoirí Cúige a thiocfaidh sa Dara háit, más féidir, idir a gCluiche Ceannais Cúige agus a rannpháirtíocht i mBabhta 1 (Céim an Ghrúpa).

(B) CRAOBHCHOMÓRTAS SINSEAR NA HIOMÁNAÍOCHTA

Sraith 1: Na Contaetha Rannpháirteacha i gCorn Liam Mhic Cárthaigh

Beidh na Contaetha seo a leanas i dteideal páirt a ghlacadh sa Chraobhchomórtas seo in 2024:

I gCraobhchomórtas Chúige Mumhan - An Clár, Corcaigh, Luimneach, Port Láirge, Tiobraid Árann.

I gCraobhchomórtas Laighean -Aontraim, Baile Átha Cliath, Cill Chainnigh, Gaillimh, Loch Garman agus Ceatharlach.

Céimeanna:

(i) Craobhchomórtais Chúige

Aon fhoireann déag ar a mhéad a bheidh páirteach i gCraobhchomórtas Chúige Mumhan agus Laighean, a roinnfear ar bhonn Cúige ina dhá ghrúpa de shé agus de chúig fhoireann faoi seach.

Déanfar méid na bhfoirne (i.e. sé fhoireann nó cúig fhoireann) a bheidh san iomaíocht i ngach ceann den dá Chraobh Chúige a chinneadh ó bhliain go bliain ar bhonn thoradh phróiseas an Ardaithe Céime agus an Ísliithe Céime i dtaobh Shraith 2.

Imreoidh Contaetha Chúige Mumhan i gCraobh na Mumhan agus imreoidh gach contae incháilithe eile i gCraobh Laighean.

Beidh trí chluiche sa bhaile agus dhá chluiche as baile ag gach foireann sa ghrúpa a bhfuil sé chontae ann agus beidh dhá chluiche sa bhaile agus dhá chluiche as baile ag gach foireann sa ghrúpa a bhfuil cúig chontae ann.

Cáileoidh na Contaetha a thiocfaidh sa chéad áit agus sa dara háit i ngach Grúpa Cúige dá gCluichí Ceannais Cúige faoi seach.

(ii) Cluichí Ceathrú Ceannais na hÉireann Imreoidh gach foireann a thiocfaidh sa tríú háit i gCraobhchomórtais Mhumhan agus Laighean ceann de Bhuaiteoir Chraobhchomórtais Shraith 2 i Réamhchluichí Ceathrú Ceannais.

Déanfar péireáil Bhuaiteoirí agus Bhuaiteoirí na Dara hÁite i Sraith 2 i gcoinne na bhfoirne sa tríú háit i Chúige Mumhan agus Cúige Laighean faoi seach a mhalartú ar bhonn róta bliantúil a chinnfidh an Ard-Chomhairle i dtosach.

Beidh an buntáiste baile ag Foirne Shraith 2 ina Réamhchluichí Ceathrú Ceannais faoi seach.

Glacfaidh an dá Fhoireann chloíte i gCluiche Ceannais Cúige agus an dá Bhuaiteoir Réamhchluichí Ceathrú Ceannais na hÉireann páirt i gCluichí Ceathrú Ceannais na hÉireann.

Imreoidh Buaiteoirí Dara hÁite Chúige Mumhan an fhoireann a thiocfaidh sa tríú háit i gCúige Laighean nó an fhoireann a bhuaifidh í i Réamhchluichí Ceathrú Ceannais na hÉireann.

Imreoidh Buaiteoirí Dara hÁite Chúige Laighean an fhoireann a thiocfaidh sa trío háit i gCúige Mumhan nó an fhoireann a bhuailfidh í i Réamhchluichí Ceathrú Ceannais na hÉireann.

(iii) Cluichí Leathcheannais na hÉireann

Beidh Seaimpíní Chúige Mumhan agus Laighean i gCluichí Leathcheannais ar leith agus imreoidh siad in éadan foireann amháin den dá Bhuaitheoir sna Cluichí Ceathrú Ceannais.

Faoi réir nach n-imríonn na Seaimpíní Cúige faoi seach leis na Buaiteoirí óna gCúige féin ag an gCéim seo agus faoi réir, más féidir, na Péirí Céanna a sheachaint, déanfar Tarraingt chun na Péirí a chinneadh.

(iv) Cluiche Ceannais na hÉireann

Pointí

I nGrúpaí an 'Chomórtais Chiorclaigh, imreoidh gach foireann i gcoinne na bhfoirne eile uair amháin. Bronnfar Dhá phointe le haghaidh Bua, agus pointe amháin le haghaidh Comhscóir.

Íslíú Céime:

Tabharfar céim síos don fhoireann ag an mbun i measc na sé chontae i gCraobhchomórtais an Chúige go dtí Craobhchomórtas Shraith 2.

CRAOBHCHOMÓRTAS SINSIR NA hÉIREANN SAN IOMÁNAÍOCHT SRAITHEANNA 2.3,4 agus 5

Sraith 2- Na Contaetha Rannpháirteacha i gCorn Sheosaimh Mhic Dhonncha

Beidh na Contaetha seo a leanas i dteideal páirt a ghlacadh sa Chraobhchomórtas seo in 2024: An Iarmhí, Laois, Uíbh Fhailí, An Mhí, Ciarraí, and an Dún.

Formáid:

Beidh Sé Fhoireann i gCraobhchomórtas Shraith 2 agus imreofar ar bhonn comórtas ciorclach é. Beidh trí chluiche sa bhaile agus dhá chluiche as baile ag gach Contae agus déanfar uainíocht orthu gach re bliain. Cáileoidh na contaetha sa dara háit agus sa trío háit do chluiche leathcheannais a bheidh ina chluiche baile don fhoireann a cháileoidh sa dara háit. Cáileoidh an Contae sa chéad áit go díreach don Chluiche Ceannais mar a dtabharfaidh siad a n-aghaidh ar bhuaiteoirí an Chluiche Leathcheannais.

Ardú Céime agus Íslíú Céime:

Tabharfar ardú céime do bhuaiteoirí an chluiche ceannais go dtí Sraith 1 den Chraobhchomórtas Sinsear agus glacfaidh siad páirt i gCraobhchomórtas an Chúige an bhliain dár gcionn. Más foireann Mhuimhneach iad an buaitheoir, imreoidh siad i gCraobh na Mumhan, agus mura foireann Mhuimhneach iad an buaitheoir, imreoidh siad i gCraobh Laighean. Tabharfar céim síos don fhoireann ag an mbun sa 'Chomórtas Ciorclach' go dtí Craobhchomórtas Shraith 3.

SRAITH 3- Na Contaetha Rannpháirteacha i gCorn Uí Riain

Beidh na Contaetha seo a leanas i dteideal páirt a ghlacadh sa Chraobhchomórtas seo in 2024: Sligeach, Cill Mhantáin, Cill Dara, Doire, Tír Eoghain, Londain.

Formáid:

Beidh Sé Fhoireann i gCraobhchomórtas Shraith 3 agus imreofar ar bhonn Comórtas Ciorclach é. Beidh trí chluiche sa bhaile agus dhá chluiche as baile ag gach Contae agus déanfar uainíocht

orthu gach re bliain. Cáileoidh an dá fhoireann ag an mbarr i nGrúpa an Chomórtais Chiorclaigh don Chluiche Ceannais.

Ardú Céime agus Ísliú Céime: Tabharfar ardú céime do Bhuaiteoirí an Chluiche Ceannais go dtí Sraith 2. Tabharfar céim síos don fhoireann ag an mbun sa 'Chomórtas Ciorclach' go dtí Craobhchomórtas Shraith 4.

Sraith 4: Na Contaetha Rannpháirteacha i gCorn Niocláis Mhic Riocaird

Beidh na Contaetha seo a leanas i dteideal páirt a ghlacadh sa Chraobhchomórtas seo in 2024: Ros Comáin, Maigh Eo, Ard Mhacha, Dún na nGall, Muineachán, and Lú.

Formáid:

Beidh Sé Fhoireann i gCraobhchomórtas Shraith 4 agus imreofar ar bhonn Comórtas Ciorclach é. Beidh trí chluiche sa bhaile agus dhá chluiche as baile ag gach Contae agus déanfar uainíocht orthu gach re bliain. Cáileoidh an dá fhoireann ag an mbarr i nGrúpa an Chomórtais Chiorclaigh don Chluiche Ceannais. Ardú Céime agus Ísliú Céime1:

Tabharfar ardú céime do Bhuaiteoirí an Chluiche Ceannais go dtí Sraith 3. Tabharfar céim síos don fhoireann ag an mbun sa 'Chomórtas Ciorclach' go dtí Craobhchomórtas Shraith 5.

Sraith 5: Na Contaetha Rannpháirteacha i gCorn Labhraí Uí Mheachair

Beidh na Contaetha seo a leanas i dteideal páirt a ghlacadh sa Chraobhchomórtas seo in 2024: An Longfort, Liatroim, Fear Manach, An Cabhán, Lancashire and Warwickshire.

Formáid:

Beidh Sé Fhoireann i gCraobhchomórtas Shraith 5 agus imreofar ar bhonn Comórtas Ciorclach é. Beidh trí chluiche sa bhaile agus dhá chluiche as baile ag gach Contae agus déanfar uainíocht orthu gach re bliain. Cáileoidh an dá chontae ag an mbarr i nGrúpa an Chomórtais Chiorclaigh don Chluiche Ceannais.

Ardú Céime:

Tabharfar ardú céime do Bhuaiteoirí an Chluiche Ceannais go dtí Sraith 4. Pointí/Babtaí Réitigh i Sraitheanna 2,3,4 agus 5 – Rialacháin mar atá i Sraith 1.

Ionaid le haghaidh shraitheanna 2,3,4 agus 5.

Cinnfidh an Lárchoiste Rialaithe Comórtas na hIonaid do gach Cluiche Ceannais agus Leathcheannais.

(D) FOIREANN Ó ÁITEANNA LASMUIGH D'ÉIRINN

Ar ordú ón gComhdháil, beidh an t-údar ag an Ard-Chomhairle foráil a dhéanamh maidir le foirne ó lasmuigh d'Éirinn a chuimsiú sa Chraobhchomórtas.

(E) CRAOBHCHOMÓRTAS PHEIL MHIONÚR NA HÉIREANN

Eagrófar Craobhchomórtas an Chomórtais Chiorclaigh ar bhonn Cúige ar dtús.

I ndiaidh Chraobhchomórtais na gCúigí, glacfaidh Contaetha páirt i gcomórtais Shrathacha (díbeartha).

Sraith 1

Eagrófar Sraith Chraobhchomórtas na hÉireann faoi mar a leanas:

i. Cluichí Ceathrú Ceannais na hÉireann

Imreoidh gach ceann de na Ceithre Bhuaiteoirí Cúige ceann de na Buaiteoirí Cúige sa Dara háit.

Cinnfear na péirí ar chóras Uainchláir Chúige a chinnfidh an Ard-Chomhairle ar dtús, ach ní imreoidh na buaiteoirí Cúige leis an bhfoireann a bhuaigh siad ina gCluiche Ceannais Cúige féin ag an gcéim seo.

ii. Cluichí Leathcheannais na hÉireann

Beidh córas Uainchláir Chúige arna chinneadh ag an Ard-Chomhairle ar dtús i bhfeidhm. Má bhuailtear foireann as Craobhchomórtas Cúige ina Chluiche Ceathrú Ceannais, glacfaidh an fhoireann a fuair an bua uirthi a háit sa Chluiche Leathcheannais.

Cluiche Ceannais na hÉireann

Sraitheanna Breise

Eagrófar comórtais shrathacha bhreise do Chontaetha Iasmuigh de na buaiteoirí Cúige agus na foirne a chríochnaíonn sa dara háit. Déanfaidh an Ard-Chomhairle struchtúir agus rialacháin iomaíochta a fhaomhadh ar bhonn bliantúil bunaithe ar mholtaí ón gCoiste Rialaithe Comórtas Forbartha.

Féach Aguisín 2.

(F) CRAOBHCHOMÓRTAS MIONÚR NA HÉIREANN SAN IOMÁNAÍOCHT

Eagrófar Craobhchomórtais Mionúr na hÉireann san Iománaíocht ar bhonn Cúige ar dtús i Mumhain agus i Laighin. Glacfaidh Foirne Uladh agus Gaillimh, arna chomhaontú ag Comhairle Uladh agus Comhairle Laighean, páirt i gCraobhchomórtas Laighean.

Eagrófar Sraith Chraobhchomórtas na hÉireann faoi mar a leanas:

Cáileoidh Buaiteoirí Mumhan agus Laighean go huathoibríoch le haghaidh Cluichí Leathcheannais ar leith, agus ní imreoidh siad in éadan na Foirne a buaileadh óna gCúige féin ag an gcéim seo.

Cáileoidh cailliúnaitheí Cluiche Ceannais na Mumhan agus Laighean go huathoibríoch le haghaidh Cluichí Ceathrú Ceannais ar leith.

Cáileoidh na foirne a mheastar a chríochnaigh sa 3ú agus sa 4ú háit (mar a shocraítear de réir rialacha an chomórtais) i gCraobhchomórtais Iománaíochta Laighean agus na Mumhan do na Réamhchluichí Ceathrú Ceannais, mar a dtarraingeofar an dá fhoireann ó Chúige Laighean chun imirt in aghaidh an dá fhoireann ó Chúige Mumhan. Rachaidh buaiteoirí na gcluichí seo ar aghaidh go dtí na cluichí ceathrú ceannais mar a dtarraingeofar iad chun imirt i gcoinne na foirne a cloíodh i gcluiche ceannais na Mumhan agus Laighean (beidh an tarraingt faoi réir seachaint athphéireálacha nuair is féidir).

Eagrófar Craobhchomórtais 'B' agus 'C' na hÉireann san Iománaíocht ar bhonn na Moltaí ón Lárchoiste Rialaithe Comórtas, arna bhfaomhadh ag an Ard-Chomhairle.

(G) CRAOBHCHOMÓRTAS IDIRMHEÁNACH IOMÁNAÍOCHTA NA HÉIREANN

Eagrófar an Craobhchomórtais ar bhonn Cúige ar dtús, agus cáileoidh na Buaiteoirí Cúige do Chluiche Leathcheannais na hÉireann.

Beidh an Craobhchomórtas teoranta do na Contaetha i Sraith 1 na Sinsear. Beidh na Péirí le haghaidh Chluichí Leathcheannais na hÉireann ar bhonn Córas Uainchláir, a chinnfidh an Ard-Chomhairle ar dtús.

(H) CRAOBHCHOMÓRTAIS FAOI BHUN 20

Eagrófar Craobhchomórtas Sóisear na hÉireann Faoi Bhun 20 na hÉireann ar bhonn Cúige ar dtús agus rachaidh na buaiteoirí ar aghaidh go dtí Sraith Chraobhchomórtas na hÉireann.

Beidh na Péirí le haghaidh Shraith Chraobhchomórtas na hÉireann ar bhonn Córas Uainchláir, a chinnfidh an Ard-Chomhairle ar dtús.

Eagrófar Craobhchomórtais Faoi bhun 20 na hÉireann san Iománaíocht ar bhonn Cúige ar dtús i Mumhain agus i Laighin, agus glacfaidh Gaillimh agus Foireann (Foirne) Uladh ar bith faoi mar a chomhaontaigh Comhairle Uladh agus Comhairle Laighean i gCraobhchomórtas Laighean.

Imreoidh Buaiteoirí Chúige Mumhan Buaiteoirí Chúige Laighean i gCluiche Ceannais na hÉireann.

(I) CRAOBHCHOMÓRTAS PEILE SÓISEAR

Tarraingeofar buaiteoirí agus na foirne a chríochnaíonn sa Dara hÁit i gCraobhchomórta Peile Sóisear na Breataine chun imirt in aghaidh Chill Chainnigh agus Nua-Eabhrac gach bliain i gCraobhchomórtas Peile Sóisear.

(J) Is ionann Craobhchomórtas Idirchontae a eagraítear i gcéimeanna éagsúla (e.g. Cluichí Cúige, Babhtáí Cáilithe na hÉireann, Cluichí Ceathrú Ceannais na hÉireann/Cluichí Leathcheannais na hÉireann/Craobhchomórtas na hÉireann) agus an Comórtas amháin.

Nóta: Beidh Ionaid Bhaile do gach cluiche i gCraobhchomórtas Idirchontae na Sinsear faoi réir faofa ag an Lárchoiste Rialaithe Comórtas agus comhlíonfaidh siad na critéir a bheidh leagtha síos ag an gCoiste Náisiúnta Saoráidí/Sláinte agus Sábháilteachta.

(K) Maidir le cuid na sraithe de na Craobhchomórtais Idir-Chontae, áireofar na rialacháin ábhartha a chlúdaíonn, pointí do na foirne, má tá Foireann Dícháilithe nó Scortha, agus ordú sraithe i Rialacháin an Chomórtais agus déanfaidh an Ard-Chomhairle iad a fhaomhadh.

6.13 Craobhchomórtais na gCúigí

(a) Cúige nár chuir a Chraobhchomórtas i gcrích, ainmneoidh sé, nuair is gá, foireann chun páirt a ghlacadh i gCraobhchomórtas na hÉireann. Mura ndéantar é sin dícháileofar an Cúige ón gcomórtas.

(b) Formáid

Féadfaidh Comhairlí Cúige a gCraobhchomórtais faoi seach a eagrú chun neart coibhneasta na gContaetha laistigh den Chúige a chur san áireamh.

Eagrófar Craobhchomórtais Sinsear Peile agus Iománaíochta na gCúigí mar atá leagtha amach i Riail 6.12.

Féadfaidh an Chomhairle Chúige a Craobhchomórtas Faoi bhun 20 agus Mionúr a eagrú de réir mar a oirfeadh sé dá riachtanais faoi seach.

(c) Tarraingtí

I gCraobhchomórtas Peile Sinsear na gCúigí, déanfar Tarraingt amháin chun Craobhchomórtas iomlán a chlúdach.

Ní thabharfar cead ar aghaidh ach sa Chéad Bhabhta amháin.

6.14 Imeachtaí maidir le loiceadh Cluiche Craobhchomórtais Idirchontae a chomhlíonadh

Má theipeann ar Chontae clár cluiche Craobhchomórtais a chomhlíonadh dícháileofar é ón gCraobhchomórtas, agus gearrfar fíneáil, agus beidh an méid a bheidh i gceist faoi lánrogha an Choiste i bhFeighil.

6.15 Cluiche Ceannais na hÉireann

Imreofar Cluiche Ceannais na hÉireann i bPáirc an Chrócaigh Imreofar na Cluichí Ceannais ar an Domhnach deiridh i mí Iúil nó ar dhátaí a chinnfidh an Ard-Chomhairle.

I gcúinsí eisceachtúla, féadfaidh an Ard-Chomhairle socruithe eile a dhéanamh.

CLUICHÍ - GINEARÁLTA

6.16 Ceapadh Oifigeach Cluichí

Beidh an chumhacht absalóideach ag an Ard-Chomhairle, ag na Comhairlí Cúige agus ag na Coistí Contae (faoi réir fhorálacha Rialacha 3.49(b), 3.30(A) agus 3.18(ii)) oifigigh na gcluichí a cheapadh le haghaidh gach Cluiche faoina ndlínsí faoi seach. Féadfaidh an Chomhairle nó an Coiste ceapadh Maor agus Maor Líne a tharmligean don Réiteoir. Beidh an Riarthóir Réiteoirí faoi seach ag leibhéil Chontae agus Chúige ina bhall den Choiste atá freagrach as ceapadh na Réiteoirí ag na leibhéil sin. Ní bheidh Riarthóir na Réiteoirí i dteideal cúrsaí ar bith eile a phlé nó vótáil ina leith, cé is moite de cheapadh na réiteoirí.

I gcás nach bhfuil Réiteoir ceaptha ábalta feidhmiú eagróidh an Rúnaí nó ball eile den Choiste i bhFeighil ionadaí.

Maidir le cluichí Chraobhchomórtas Idirchontae na Sinsear, ceapfaidh an Coiste freagrach Maoir agus Maoir líne neodrach, agus ainmneofar duine de na maoir líne roimh ré mar an Réiteoir cúltaca. Ceapfaidh sé Oifigeach Taobhlíne le haghaidh Cluichí Idirchontae na Sinsear chomh maith.

6.17 Athruithe ar Struchtúr na gComórtas

Aonaid Chúige ag a bhfuil an fhreagracht as Comórtais Idirchontae, Chlub, Ardoideachas agus Iarbhunscoileanna, ní chuirfidh siad leis an Struchtúr Comórtas atá ann cheana nó ní athróidh siad é gan cead a fháil roimh ré ón gComhairle Cúige nó ón Lárchoiste Rialaithe Comórtas nó ón gCoiste Forbartha Rialaithe Comórtas, de réir mar is cuí.

CAIBIDIL 7 - FORFHEIDHMIÚ NA RIALACHA/ EADRÁIN

7.1 Dlínse Smachtaithe

(a) Beidh an chumhacht ag an Ard-Chomhairle, ag Comhairlí Cúige, ag Coistí Contae agus ag Aonaid Thar Lear laistigh dá ndlínsí faoi seach Rialacha agus Fodhlíthe a fhorfheidhmiú, imscrúdú a dhéanamh ar shárúithe ar Rialacha agus ar Fhodhlíthe, rabhadh a thabhairt d'Aonad nó do Bhall ar bith maidir le hiompar amach anseo, agus cibé pionóis a leagfaí síos a ghearradh ar Bhaill, ar Fhoirne agus ar Aonaid, nó i gcás nach bhfuil pionós ar bith leagtha síos, pionóis iomchuí a ghearradh orthu as sárúithe dá leithéid. I gcás go ndéantar tagairt i Riail don Ard-Chomhairle, do Chomhairlí Cúige nó do Choistí Contae, áireofar ar thagairt dá leithéid go bhfuil dlínse ag a bhFochoistí thar Chúrsaí Smachtaithe nó beidh sí ina tagairt ina leith sin.

Beidh Údarás Smachtaithe ag na Comhairlí dá dtagraítear i Rialacha 3.56, 3.57 agus 3.58, ag Coistí eile arna n-údarú ag an Ard-Chomhairle agus ag Fochoistí díobh ina réimsí oibríochta faoi seach.

D'ainneoin a bhfuil sa Riail seo, i gcás tromchúiseach a d'fhéadfadh damáiste a dhéanamh don Eagraíocht, ó thaobh clú de nó ar shlí eile, beidh de chumhacht ag Coiste Bainistíochta na hArd-Chomhairle a ordú don Chomhairle nó don Choiste faoina d(h)línse a tharla an cás chun an cás a chur go díreach faoi bhráid Choiste Bainistíochta na hArd-Chomhairle nó an Lárchoiste Rialaithe Comórtas, de réir mar is cuí, do Rialacha a Fhorfheidhmiú, lena n-áirítear fiosrú agus próiseáil an cháis agus cur i bhfeidhm na Rialacha. Nuair a iarrtar éisteacht déanfaidh an Lárchoiste Éisteachtaí í a reáchtáil.

(b) I gcás go measann Comhairle nó Coiste go ndearna Ball nó Aonad ó thaobh amuigh dá limistéar dlínse calaois nó sárú ar bith ar Riail laistigh dá limistéar dlínse, tuairisceoidh sé an cúrsa lena mbreithniú don Chomhairle Cúige má bhíonn an Ball nó an tAonad faoi dhlínse na Comhairle Cúige céanna, nó don Ard-Chomhairle i ngach cás eile.

(c) Beidh pionós ar bith a ghearrfar i bhfeidhm ar fud an Chumainn, lena n-áirítear pionós ar bith a ghearrfaidh Aonad Idirnáisiúnta.

(d) Tá Dlínse Smachtaithe Oifigeach Cluichí maidir le Rialú Cluichí ar an bPáirc Imeartha ar leith ó fhorálacha na Rialacha seo.

(e) Beidh an ceart ag Coiste Rialaithe Comórtas Ógánach (Faoi bhun 16) Bearta Smachtaithe a thionscnamh i gcoinne Baill Aosaigh, ach i gcás go n-iarrann Páirtí Cosanta Éisteacht éistfidh an Máthairchoiste Éisteachtaí í a bhfuil an ball ina ábhar faoina dhlínse dhíreach.

7.2 Calaoisí

Beidh an méid seo a leanas ina gcalaoisí lena mbaineann Dlínse Smachtaithe an Chumainn:

(a) Sárú ar bith ar Rialacha agus ar Fhodhlíthe lena n-áirítear Cóid, Rialacháin, Treoirínte agus Treoracha a rinneadh fúthu.

Pionóis:

Faoi mar a fhoráiltear sna Rialacha agus sna Fodhlíthe ábhartha lena n-áirítear na Cóid, Rialacháin, Treoirínte agus Treoracha a rinneadh fúthu.

(c) **Mí-iompar Imreoirí ag Cluichí**, ina bhfuil sé Chatagóir Calaoisí a tharlaíonn ar an bPáirc Imeartha nó gar di, agus a tharlaíonn díreach roimh Chluiche, lena linn nó ina dhiaidh:

Catagóir I

Bheith curtha den pháirc tar éis calaoisí a thagann i ndiaidh dhá Chárta Buí nó Dubh a bhronnadh in aon ord nó seicheamh.

Pionós:

(i) Pionós Seasta: Díbharrú ó imirt don chuid eile den Chluiche agus am breise san áireamh;

Pionós Seasta as an dara Calaois Athuaire (i.e. a bheith curtha den pháirc den tríú huair) - Fionraíocht Cluiche Amháin sa Chód céanna ar an Leibhéal céanna, a bheidh infheidhme i leith an chéad chluiche eile sa Chomórtas inar cuireadh an t-imreoir den pháirc an tríú huair, fiú má bhíonn an cluiche sin ar siúl i gcomórtas na bliana dár gcionn.

Eisceacht ar (ii): Ní bheidh an Pionós seo i bhfeidhm maidir le Calaoisí a dhéanfar sa tSraith Náisiúnta Peile nó i gCraobhchomórtais Idirchontae na Sinsear lena mbaineann Foráil agus Pionós eile mar seo thíos a leanas:

Maidir leis an bpeil, arna leagan amach i gCatagóir II, Pionós (3) thíos.

Maidir leis an iománaíocht, Pionós Seasta as a bheith curtha den pháirc trí huair as Calaoisí a thagann i ndiaidh dhá Chárta Buí nó Dubh a bhronnadh a rinneadh sa bhliain chéanna sa tSraith Náisiúnta Iománaíochta, i gCraobhchomórtas Idirchontae na hIománaíochta nó sa dá Chomórtas le chéile:

Fionraíocht Cluiche Amháin a bheidh is infheidhme leis an gcéad chluiche eile sa tSraith Náisiúnta Peile/Craobhchomórtas Idirchontae Peile na Sinsear le chéile, fiú má bhíonn an cluiche sin ar siúl an bhliain dár gcionn.

Ní áireofar an Pionós a bhaineann le tréimhse deich nóiméad a chur isteach sa Loca Pionóis mar gheall ar shárú ar Riail Shealadach Imeartha 5.45 mar 'ordú cur den pháirc' faoin bhforáil seo den Riail.

Catagóir II

A bheith curtha den pháirc as Calaois Iompair Shoiniciúil (sa Pheil).

(i) Céile comhraic a tharraingt anuas d'aon toil.

(ii) Cor coise a thabhairt do chéile comhraic d'aon toil leis an lámh (lámha), sciathán nó cos.

(iii) Buaileadh in éadan céile comhraic d'aon ghnó i ndiaidh dó an liathróid a bhuaileadh ar shiúl nó chun é a bhaint amach as gluaiseacht imeartha.

(iv) Bagairt a dhéanamh ar chéile comhraic nó ar chomhghleacaí foirne nó caint mhaslach nó ghríosaitheach nó comharthaí maslacha nó gríosaitheacha a úsáid leis.

(v) Gearán a dhéanamh ar mhodh ionsaitheach le hOifigeach Cluichí.

Pionóis:

(1) Pionós Seasta don chéad Chalaois - cuirfidh an ciontóir deich nóiméad isteach sa Loca Pionóis.

Eisceacht: Má bhronntar Cárta Buí ar an gciontóir sa chluiche roimhe seo mar gheall ar Chalaois lena mbaineann Cárta Buí a dhéanamh, beidh toirmeasc ar an gciontóir ó imirt ar feadh an chuid eile den chluiche, lena n-áirítear aon Am Breise nuair a imrítear é.

(2) Pionós Seasta - Ar atosú na himeartha má dhéanann imreoir i ndiaidh deich nóiméad a chur isteach sa Loca Pionóis, Calaois bhreise lena mbaineann Cárta Buí nó mar gheall ar Iompar

Soiniciúil, beidh toirmeasc ar an gciontóir ó imirt ar feadh an chuid eile den chluiche, lena n-áirítear aon Am Breise nuair a imrítear é.

(3) Pionós Seasta as a bheith curtha den pháirc trí huaire as Iompar Soiniciúil/ Riail Shealadach 5.41 nó Dara Calaois ar féidir Rabhadh a thabhairt ina leith a rinneadh sa bhliain chéanna sa tSraith Náisiúnta Peile, Craobhchomórtas Idirchontae Peile na Sinsear nó sa dá Chomórtas le chéile:

Fionraíocht Cluiche Amháin a bheidh is infheidhme leis an gcéad chluiche eile sa tSraith Náisiúnta Peile/Craobhchomórtas Idirchontae Peile na Sinsear le chéile, fiú má bhíonn an cluiche sin ar siúl an bhliain dár gcionn.

Ní áireofar an Pionós a bhaineann le tréimhse deich nóiméad a chur isteach sa Loca Pionóis mar 'ordú cur den pháirc' faoin bhforáil seo den Riail.

Catagóir III

(i) Buaileadh nó iarracht a dhéanamh buaileadh leis an sciathán, uillinn, lámh nó glúin.

(ii) Buaileadh nó iarracht a dhéanamh buaileadh le camán, le híosfhórsa.

(iii) Ciceáil nó iarracht a dhéanamh ciceáil, le híosfhórsa.

(iv) A bheith i mbun iompair ar bhealach atá contúirteach do chéile comhraic, lena n-áirítear a chosaint aghaidhe nó cuid ar bith de chlogad céile comhraic (san iománaíocht) a tharraingt nó greim a fháil orthu.

(v) Seile a chaitheamh ar chéile comhraic.

(vi) Bheith páirteach i dtroid

(vii) Caint bhagrach a úsáid le Réiteoir, Maor, Maor Líne nó Oifigeach Taobhlíne.

(vii) Mionchur isteach coirp e.g. lámh a leagan orthu, iad a bhrú, iad a tharraingt nó bheith ag buaileadh ina n-éadan Oifigeach na Foirne eile ar an bPáirc Imeartha nó den Pháirc Imeartha.

Pionóis:

(1) Íosphionós - Fionraíocht Cluiche Amháin sa Chód céanna ar an Leibhéal céanna, a bheidh infheidhme leis an gcéad chluiche eile sa Chomórtas céanna, fiú má bhíonn an cluiche sin ar siúl i gcomórtas na bliana dár gcionn.

(2) Íosphionós ar Chalaois Athuaire - Fionraíocht Dhá Chluiche sa Chód céanna ar an Leibhéal céanna, a bheidh i bhfeidhm go dtí na chéad chluichí eile sa Chomórtas inar tharla an Chalaois Athuaire fiú má bhíonn ceann amháin de na cluiche nó an dá chluiche ar siúl i gcomórtas na bliana dár gcionn.

Eisceachtaí ar (1) agus (2) thuas:

Ag eascairt ón tSraith Náisiúnta, ó Chraobhchomórtas Idirchontae na Sinsear nó ón dá chomórtas le chéile (iad ar fad sa Chód céanna), beidh na pionóis seo a leanas in ionad na bPionós thuas:

(1) Íosphionós: Fionraíocht Cluiche Amháin sa Chód céanna ar an Leibhéal céanna, a bheidh infheidhme leis an gcéad chluiche eile sa tSraith Náisiúnta nó Craobhchomórtas Idirchontae na Sinsear, fiú má bhíonn an cluiche sin ar siúl i gcomórtas na bliana dár gcionn.

(2) Íosphionós ar Chalaois Athuaire: Fionraíocht Dhá Chluiche sa Chód céanna ar an Leibhéal céanna, a bheidh infheidhme leis na chéad Chluichí eile sa tSraith Náisiúnta nó i gCraobhchomórtas Idirchontae na Sinsear, fiú má bhíonn ceann amháin de na cluiche nó an dá chluiche ar siúl an bhliain dár gcionn.

Catagóir IV

- (i) Buaileadh nó iarracht a dhéanamh buaileadh leis an sciathán, uillinn, lámh nó glúin.
- (ii) Buaileadh nó iarracht a dhéanamh buaileadh leis an gcloigeann.
- (iii) Céile comhraic a bhuaileadh le camán, le fórsa nó buille a mbeadh gortú mar thoradh air.
- (iv) Iarracht a dhéanamh buaileadh le camán, le fórsa.
- (v) Céile comhraic a chiceáil, le fórsa nó cic a mbeadh gortú mar thoradh air.
- (vi) Iarracht a dhéanamh ciceáil, le fórsa.
- (vii) Greadadh.
- (viii) Gortú a dhéanamh ar chéile comhraic go meargánta trí bhealaí seachas na bealaí atá sonraithe thuas.
- (ix) Ionsaí ar bith de chineál ar bith ar Oifigeach na Foirne Eile.

Pionóis:

- (1) Íosphionós: Fionraíocht Dhá Chluiche sa Chód céanna ar an Leibhéal céanna, a bheidh infheidhme leis na chéad chluichí eile sa Chomórtas céanna, fiú má bhíonn cluiche amháin nó dhá chluiche ar siúl i gcomórtas na bliana dár gcionn.
- (2) Íosphionós ar Chalaois Athuaire: Íosphionós ar Chalaois Athuaire - Fionraíocht Trí Chluiche sa Chód céanna ar an Leibhéal céanna, a bheidh infheidhme leis na chéad chluichí eile sa Chomórtas inar tharla an Chalaois Athuaire, fiú má bhíonn cluiche amháin nó níos mó de na cluichí ar siúl i gcomórtas na bliana dár gcionn.

Eisceachtaí ar (1) agus (2) thuas:

Ag eascairt ón tSraith Náisiúnta, ó Chraobhchomórtas Idirchontae na Sinsear nó ón dá chomórtas le chéile (iad ar fad sa Chód céanna), beidh na pionóis seo a leanas in ionad na bPionós thuas:

- (1) Íosphionós: Fionraíocht Dhá Chluiche sa Chód céanna ar an Leibhéal céanna, a bheidh infheidhme leis na chéad Chluichí eile sa tSraith Náisiúnta nó i gCraobhchomórtas Idirchontae na Sinsear, fiú má bhíonn ceann amháin de na cluiche nó an dá chluiche ar siúl an bhliain dár gcionn.
- (2) Íosphionós ar Chalaois Athuaire:

Fionraíocht Trí Chluiche sa Chód céanna ar an Leibhéal céanna a bheidh infheidhme leis na chéad chluichí eile sa tSraith Náisiúnta nó i gCraobhchomórtas Idirchontae na Sinsear, fiú má bhíonn cluiche amháin nó an dá chluiche ar siúl i gcomórtas na bliana dár gcionn.

Catagóir V

- (i) Mionchur isteach coirp (e.g. lámh a leagan ar dhuine, bheith ag brú, bheith ag tarraingt as duine nó bheith ag buaileadh in éadan duine) le Réiteoir, Maor, Maor Líne nó Oifigeach Taobhlíne.
- (ii) Caint bhagrach a úsáid le Réiteoir, Maor, Maor Líne nó Oifigeach Taobhlíne.
- (iii) Caitheamh go bagrach nó go maslach le Réiteoir, Maor, Maor Líne nó Oifigeach Taobhlíne.

Pionóis:

- (1) Íosphionós: Fionraíocht 12 sheachtain sa Chód céanna ar an Leibhéal céanna mar aon le Fionraíocht Dhá Chluiche, a bheidh infheidhme leis na chéad chluichí eile sa Chomórtas céanna, fiú má bhíonn cluiche amháin nó dhá chluiche ar siúl i gcomórtas na bliana dár gcionn.

(2) Íosphionós ar Chalaois Athuaire: Fionraíocht 24 sheachtain sa Chód céanna ar an Leibhéal céanna mar aon le Fionraíocht Trí Chluiche, a bheidh infheidhme leis na chéad chluichí eile sa Chomórtas céanna, fiú má bhíonn cluiche amháin nó dhá chluiche ar siúl i gcomórtas na bliana dár gcionn.

Catagóir VI

Gníomh trí Bheart, trí Fhocal nó trí Chomhartha de chineál Ciníochais, Seicteach, Frithchuisithe/Frithéagsúlachta i leith céile comhraic nó Oifigeach Cluiche.

Pionóis:

(1) Íosphionós: Fionraíocht 48 Seachtaine i ngach Cód agus ar gach Leibhéal agus beidh Foireann an té a rinne an feall faoi dhliteanas Dícháilithe, más cuí.

(2) Íosphionós ar Chalaois Athuaire laistige de 96 Seachtaine: Fionraíocht 96 seachtaine i ngach Cód agus ar gach Leibhéal agus beidh Foireann an té a rinne an feall faoi dhliteanas Dícháilithe, más cuí. (Féach Riail 7.3 (q))

Catagóir VII

Réiteoir, Maor, Maor Líne nó Oifigeach Taobhlíne a bhuaileadh nó iarracht a dhéanamh iad a bhuaileadh nó ionsaí de chineál ar bith orthu.

Pionóis:

(1) Íosphionós: Fionraíocht 96 Seachtaine i ngach Cód agus ar gach Leibhéal agus beidh Foireann an té a rinne an feall faoi dhliteanas Dícháilithe, más cuí;

(2) Íosphionós ar Chalaois Athuaire laistige de 192 Seachtaine: Fionraíocht 192 seachtaine i ngach Cód agus ar gach Leibhéal agus beidh Foireann an té a rinne an feall faoi dhliteanas Dícháilithe, más cuí.

Pionós Mhalartach d'Fhionraíocht Chluiche neamh-infheidhme

I gcás nach féidir Fionraíocht Chluiche a d'eascair as Rialacha 7.2 nó 7.3(h) a chur i bhfeidhm go hiomlán nó i bpáirt ar imreoir sa Chomórtas sonrath, a eascródh as cúinsí (neamh-uileghabhálach) amhail:

(i) Imreoir ag éirí as Grád Faoi Aoise,

(ii) Comórtas - atá críochnaithe nó líon easnamhach cluichí atá le himirt,

(iii) Cluiche Dúshláin, molfar/gearrfar Fionraíocht Chluiche arb ionann í le haghaidh sa gCód céanna ar an Leibhéal céanna.

I gcás go n-éiríonn imreoir as Leibhéal (e.g. Scoileanna Dara Leibhéal, Coláistí Tríú Leibhéal), cuirfidh an Coiste i bhFeighil an cás ar aghaidh chuig an gCoiste Rialaithe Comórtas ar leibhéal an Choiste Contae, na Comhairle Cúige nó na hArd-Chomhairle lena bhreithniú. Molfar/gearrfar Fionraíocht Chluiche arb ionann í ar leibhéal an Chlub.

Treoir maidir le Pionós Malartach

Sainmhíniú ar “Chalaois Athuaire”

Ciallaíonn “Chalaois Athuaire” i gCuid na Rialach thuas an dara tarlú nó tarlú ina dhiaidh sin d'aon Chalaois Mhí-iompair ag Imreoirí ag Cluichí sa Chatagóir chéanna laistigh de thréimhse 48 seachtainí (nó sa mbliain chéanna áit a gcloíonn an soláthar le Rialú), laistigh de thréimhse 96 seachtainí i gcás Fheall Chatagóir VI nó laistigh de thréimhse 192 seachtainí i gcás Fheall Chatagóir VII.

Maidir le Catagóirí I, III agus IV, ní bheidh ach Calaois a rinneadh sa gCód céanna agus ar an Leibhéal céanna leis an tarlú roimhe sin ina Calaois Athuaire.

Maidir le Catagóirí V agus VI, beidh an dara tarlú ina Calaois Athuaire beag beann ar Chód nó Leibhéal an tarlaithe roimhe sin.

(c) Mí-iompar Oifigeach Foirne ag Cluichí, ina bhfuil cúig Chatagóir Calaoisí ag Oifigh Foirne a tharlaíonn ar an bPáirc Imeartha nó gar di, agus a tharlaíonn díreach roimh Chluiche, lena linn nó ina dhiaidh:

Catagóir Ia

Imreoir a chur de Limistéar na Páirce de bharr an dara Calaois Rabhaidh.

(1) Pionós Seasta: Díbharrú ó Limistéar na Páirce go deireadh an chluiche agus an t-Am Breise san áireamh má imrítear é, agus ní féidir duine a chur isteach san áit.

(2) Pionós Seasta de bharr an dara Calaois Athuaire (i.e. iad a chur den pháirc den dara huair): Fionraíocht Cluiche Amháin sa Chód céanna agus ar an Leibhéal céanna, a bheidh i bhfeidhm go dtí an chéad chluiche eile sa Chomórtas inar cuireadh an t-imreoir den pháirc den tríú huair, fiú má bhíonn an cluiche sin ar siúl i gcomórtas na bliana dár gcionn.

Catagóir IIa

(i) Caint bhagrach a úsáid le Réiteoir, Maor, Maor Líne nó Oifigeach Taobhlíne.

(ii) Iompar Trioblóideach.

Pionóis - In ainneoin an tsoláthair le Rialaithe eile:

(1) Íosphionós: Fionraíocht cheithre seachtainí chomh maith le Fionraíocht Chluiche Amháin sa gCód céanna agus ar an Leibhéal céanna, le cur i bhfeidhm go dtí an chéad chluiche eile sa gComórtas céanna, fiú má tharlaíonn an cluiche sin i gcomórtas na bliana dar gcionn.

(2) Íosphionós ar Chalaois Athuaire: Fionraíocht ocht seachtainí chomh maith le Fionraíocht Dhá Chluiche sa gCód céanna agus ag an Leibhéal céanna, le cur i bhfeidhm sna chéad chluichí eile sa gComórtas céanna inar tharla an Chalaois Athuaire, fiú má tharlaíonn ceann nó an dá chluiche i gcomórtas na bliana dar gcionn.

Eisceachtaí ar (1) agus (2) thuas:

Ag eascairt ón tSraith Náisiúnta, ón tSraith Shinsearach Idirchontae nó ó mheascán den dá Chomórtas (iad ar fad sa gCód céanna), bainfear úsáid astu seo in áit na bPionós thuas:

(1) Íosphionós: Fionraíocht cheithre seachtainí chomh maith le Fionraíocht Chluiche Amháin sa gCód céanna agus ag an Leibhéal céanna le cur i bhfeidhm sa gcéad chluiche eile sa meascán idir an tSraith Náisiúnta/an tSraith Shinsearach Idirchontae, fiú má tharlaíonn an cluiche sa mbliain dar gcionn.

(2) Íosphionós ar Chalaois Athuaire: Fionraíocht ocht seachtainí chomh maith le Fionraíocht Dhá Chluiche sa Chód céanna ar an Leibhéal céanna, a bheidh infheidhme leis na chéad Chluichí eile sa tSraith Náisiúnta nó i gCraobhchomórtas Idirchontae na Sinsear, fiú má bhíonn ceann amháin de na cluiche nó an dá chluiche ar siúl an bhliain dár gcionn.

Catagóir IIIa

Cur Isteach ar imirt an Chluiche.

Pionóis - In ainneoin an tsoláthair le Rialaithe eile:

(1) Íosphionós: Fionraíocht ocht seachtainí chomh maith le Fionraíocht Dhá Chluiche sa gCód céanna agus ag an Leibhéal céanna, le cur i bhfeidhm sna chéad chluichí eile sa gComórtas céanna, fiú má tharlaíonn ceann nó an dá chluiche i gcomórtas na bliana dar gcionn;

(2) Íosphionós ar Chalaois Athuaire: Fionraíocht sé seachtainí dhéag chomh maith le Fionraíocht Thrí Chluiche sa gCód céanna agus ag an Leibhéal céanna, le cur i bhfeidhm sna chéad chluichí eile sa gComórtas céanna inar tharla an Chalaois Athuaire, fiú má tharlaíonn ceann nó níos mó ná ceann de na cluichí i gcomórtas na bliana dar gcionn.

Eisceachtaí ar (1) agus (2) thuas:

Ag eascairt ón tSraith Náisiúnta, ó Chraobhchomórtas Idirchontae na Sinsear nó ón dá chomórtas le chéile (iad ar fad sa Chód céanna), beidh na pionóis seo a leanas in áit na bPionós thuas:

(1) Íosphionós: Fionraíocht ocht seachtainí chomh maith le Fionraíocht Dhá Chluiche sa Chód céanna ar an Leibhéal céanna, a bheidh infheidhme leis na chéad Chluichí eile sa tSraith Náisiúnta nó i gCraobhchomórtas Idirchontae na Sinsear, fiú má bhíonn ceann amháin de na cluiche nó an dá chluiche ar siúl an bhliain dár gcionn.

(2) Íosphionós ar Chalaois Athuaire: Sé seachtainí dhéag

Fionraíocht chomh maith le Fionraíocht Thrí Chluiche sa Chód céanna ar an Leibhéal céanna a bheidh infheidhme leis na chéad chluichí eile sa meascán idir an tSraith Náisiúnta agus an tSraith Shinsearach Idirchontae, fiú má bhíonn cluiche amháin nó an dá chluiche ar siúl i gcomórtas na bliana dar gcionn.

Catagóir IVa

(i) Mionchur isteach coirp agus ar Réiteoir, Maor, Maor Líne nó Oifigeach Taobhlíne (e.g. lámh a leagan orthu, iad a bhrú, iad a tharraingt nó bheith ag buaileadh ina n-éadan) nó a bheith ag caitheamh go bagrach nó go maslach leo, nó caint bhagrach agus mhaslach a úsáid leo.

(ii) Cur isteach coirp de chineál ar bith le hImreoir nó le hOifigeach Foirne de chuid na Foirne Eile.

Pionóis:

(1) Íosphionós: Fionraíocht 12 seachtain chomh maith le Fionraíocht Dhá Chluiche sa Chód céanna ar an Leibhéal céanna, a bheidh infheidhme leis na chéad chluichí eile sa Chomórtas céanna, fiú má bhíonn cluiche amháin nó dhá chluiche ar siúl i gcomórtas na bliana dár gcionn;

(2) Íosphionós ar Chalaois Athuaire: Fionraíocht 24 seachtain chomh maith le Fionraíocht Thrí Chluiche sa Chód céanna ar an Leibhéal céanna, a bheidh infheidhme leis na chéad chluichí eile sa Chomórtas céanna, fiú má bhíonn cluiche amháin nó dhá chluiche ar siúl i gcomórtas na bliana dár gcionn.

Catagóir Va

lonsaí de chineál ar bith a dhéanamh ar Réiteoir, Maor, Maor Líne nó Oifigeach Taobhlíne.

Pionóis:

(1) Íosphionós: Fionraíocht 96 seachtain, chomh maith le foireann an chointóra a bheith faoi dhliteanas i leith dícháilithe, nuair is cuí;

(2) Íosphionós ar Chalaois Athuaire laistigh de 192 seachtain: Fionraíocht 192 seachtain, agus Foireann an chointóra a bheith faoi dhliteanas i leith Dícháilithe, más cuí.

Beidh an Fhionraíocht a bhaineann le Catagóirí IVa agus Va thuas i bhfeidhm i ngach Cód agus ar gach Leibhéal.

Pionós Mhalartach d’Fhionraíocht Chluiche neamh-infheidhme

I gcás nach féidir Fionraíocht Chluiche a chur i bhfeidhm go hiomlán nó i bpáirt oifigeach foirne sa Chomórtas sonrath, a eascródh as cúinsí (neamh-uileghabhálach) amhail:

- (i) Ní bheidh páirt ag an bhfoireann atá i gceist leis an gcomórtas sonrath amach anseo,
- (ii) Ní bheidh páirt leanúnach ag an oifigeach foirne leis an bhfoireann atá i gceist: molfar/gearrfar Fionraíocht dhá sheachtain le haghaidh gach Fionraíocht Cluiche Amháin neamh-infheidhme sa Chód céanna ar an Leibhéal céanna (nó ar Leibhéal eile cuí ina bhfuil baint ag an mball atá i gceist mar oifigeach foirne, más neamh-infheidhme).

Brisidh ó Oifigigh ar Riail thuas agus iad i mbun réiteoireachta ar Chluichí na nÓg

Sa gcás go bhfuil Oifigeach Foirne i mbun réiteoireachta ag Cluiche de chuid na nÓg (i gcomórtais Faoi 17 nó gráid níos óige) agus iad ag déanamh feall ar Riail 7.2(c) Catagóir IIa, IIIa, IVa nó Va, beidh dhá oiread an íosphionóis a luaitear le catagóir na Rialach seo faoi seach, i gceist leis an bhFionraíocht a ghearrfar.

Sainmhíniú ar “Calaois Athuaire”

Ciallaíonn “Calaois Athuaire” i gCuid na Rialach thuas an dara tarlú nó tarlú ina dhiaidh sin de Calaois Mhí-iompair ó Oifigigh Foirne ag Cluichí sa Chatagóir chéanna laistigh de thréimhse 48 seachtainí (nó thréimhse 192 seachtaine i gcás Fheall Chatagóir Va).

Maidir le Catagóirí Ia, IIa agus IIIa, ní bheidh ach Calaois a rinneadh sa gCód céanna agus ar an Leibhéal céanna leis an tarlú roimhe sin ina Calaois Athuaire. Maidir le Catagóirí IVa agus Va, beidh an dara tarlú ina Calaois Athuaire beag beann ar Chód nó Leibhéal an tarlaithe roimhe sin.

(d) Iompar Trioblóideach ag Cluichí ó Imreoirí, Oifigigh Foirne nó ón Lucht Leanúna, a tharlaíonn ar an bPáirc Imeartha nó gar di, agus a tharlaíonn díreach roimh Chluiche, lena linn nó ina dhiaidh:

(1) Foirceannadh Cluiche Roimh Am -

Mar gheall ar Chur Isteach Tromchúiseach ag Imreoirí, Oifigigh nó Leantóirí Foirne.

Pionóis: Foireann – An Cluiche a chur ar Ceal agus é a Bhronnadh ar an bhFoireann eile (mura raibh an dá Fhoireann freagrach), ach amháin má tá imthosca maolaitheacha eisceachtúla i gceist.

Pionóis eile: faoi rogha na Comhairle nó an Choiste i bhFeighil, ag brath ar Phionós i bhfoirm a leagtar amach sna Rialacha 7.1, 7.2 nó Cód 16.2 go 16.6 agus iad san áireamh.

(2) Foirceannadh Cluiche Roimh Am –

Mar gheall ar:

- (i) Imreoir a dhiúltaíonn an pháirc a fhágáil nuair a cuireadh den pháirc é, nó a ghlacann páirt sa chluiche arís nuair a cuireadh den pháirc é;
- (ii) Foireann nó imreoir (imreoirí) a fhágann an pháirc gan cead ón Réiteoir nó a dhiúltaíonn dul ar aghaidh ag imirt.

Pionóis: Pionóis Foirne agus Pionóis Eile– faoi mar atá in (1) thuas.

Imreoir (Imreoirí) is cúis le Foirceannadh an chluiche – fionraíocht 24 seachtaine, chomh maith le fionraíocht ar bith as Calaois a rinneadh sa Chluiche.

(3) Mí-iompar trioblóideach ó Imreoirí, Oifigigh Foirne nó ón Lucht Leanúna (nach bhfuil an Foirceannadh Cluiche Roimh Am mar thoradh air).

Pionóis: beidh an pionós faoi rogha na Comhairle nó an Choiste i bhFeighil, faoi réir Pionóis a bheith de chineál dá bhforáiltear i Rialacha 7.1, 7.2 nó Cóid 16.2 go 16.6 agus iad san áireamh.

(4) Féadfaidh an Chomhairle nó an Coiste i bhFeighil a ordú nach ligfidh Aonaid duine ar bith, cibé an ball den Chumann iad nó nach ea, isteach ar an Maoin atá faoi úinéireacht nó faoi rialú an Chumainn má mheastar go bhfuil an duine sin ciontach as lompar Trioblóideach ag Cluichí.

(e) Mí-iompar a Tharraingíonn Míchlú ar an Eagraíocht, Meastar

Áireofar leis seo sárúithe ar Riail 1.10 den Treoir Oifigiúil Cuid 1.

Pionóis:

Ball - Íosphionós d'fhionraíocht 8 seachtainí. D'fhéadfaí breathnú ar Dhíbharrú agus Ruaigeadh ón gCumann chomh maith.

Foireann/Aonad - I gcás go meastar fionraíocht a bheith cuí 8 seachtaine ar a laghad.

D'fhéadfaí breathnú ar Dhíbharrú agus Ruaigeadh ón gCumann chomh maith le Fíneáil agus Asbhaint Pointí i gComórtais Sraithe (ní i gCraobhchomórtas).

7.3 Fionraíocht

Léirmhíniú na dtéarmaí

(a) Chun críche léirmhíniú na Fionraíochta agus i Riail go ginearálta:

(1) Ciallóidh “Leibhéal” an leibhéal ionadaíochta ar an ngearradh an Fhionraíocht atá i gceist m.sh. Idirchúige, Idirchontae, Idirclub, Club, Tríú Leibhéal, Scoileanna srl. I gcás go bhfuil Foireann Leibhéal amháin ag imirt Cluiche nó Comórtais ar Leibhéal eile e.g. Coláiste Tríú Leibhéal in éadan Contae, beidh Fionraíocht Leibhéal faoi leith a thabhaigh Imreoir i bhfeidhm ar Leibhéal na Foirne a raibh sé ag imirt ina héadan nuair a tharla an Chalaíoch.

(2) Ciallóidh “Cód” Peil nó Iománaíocht. Beidh Liathróid Láimhe nó Cluiche Corr ina gCód Shonracha mar an gcéanna.

(3) Ciallóidh “Imreoir” duine a measfaidh an Chomhairle nó an Coiste i bhFeighil gur duine é a bhí ina bhall ar phainéal Foirne sa Chluiche lena mbaineann.

(4) Ciallóidh “Oifigeach Foirne” duine a bhí ina (h)Oifigeach Foirne sa gCluiche atá i gceist, de réir mar a mheasann an Chomhairle nó an Coiste i bhFeighil.

(5) Is ionann “Téarma Fionraíochta” agus pionós bunaithe ar am, i seachtainí.

(6) Is fionraíocht í “Fionraíocht Chluiche”,

(a) I gcás imreora, ó bheith ag imirt i gcluiche de chuid chomórtas sonracha, lena n-áirítear am breise nuair a imrítear é, nó

(a) I gcás oifigigh foirne, ó bheith ag feidhmiú in aon bhealach i gcluiche(i) de chuid chomórtas sonracha, lena n-áirítear am breise nuair a imrítear é. Áirítear leis seo an oifigeach foirne atá i gceist a bheith díbharraithe ó Limistéar na Páirce roimh agus le linn an chluiche agus ó bheith i mbun bainistíochta, ó bheith ag stiúradh, ag cabhrú nó ag déanamh cumarsáide leis an bhfoireann in aon bhealach roimh nó le linn an chluiche.

(7) Is é “Limistéar na Páirce” an áit atá coinnithe d'imreoirí, oifigigh chluiche agus oifigigh foirne lena háirítear an Pháirc Imeartha.

Tromchúis

(b) I gcás go leagtar síos Fionraíocht i ndáil le Calaois, tabharfaidh an Chomhairle agus an Coiste i bhFeighil aird chuí ar thromchúis an Fhill i ngach cás. Más cuí, gearrfaidh an Chomhairle nó an Coiste i bhFeighil Fionraíocht Chluiche bhreise ar feadh Téarma Fionraíochta níos faide agus cuirfidh siad cúiseanna ar fáil do phionós a ghearradh atá níos mó ná an t-íosphionós. I gcásanna thar a bheith tromchúiseach, áfach, féadfar na pionóis Díbharrú ó imirt nó Ruaigeadh a ghearradh.

An Chéad Chluiche eile i gComórtas

(c) Ní ionann bua gan choimhlint agus an chéad chluiche eile i gcomórtas.

Measfar go mbeidh cluiche nó comórtas, an t-aon aidhm atá acu ná an cáiliú nó an dícháiliú a shocrú i dtaobh Chraobhchomórtas nó Sraith na bliana dar gcionn, go mbeidh sé sa 'gComórtas céanna' leis Craobhchomórtas nó Sraith na bliana sin, má tá sé infheidhme.

Éifeacht Fionraíochta

(d) Ciallaíonn Téarma Fionraíochta a thiocthadh as Catagóir I, III nó IV Feall Mhí-iompar ag Cluichí ó imeoirí Fionraíocht ó bheith ag imirt i gCluichí (lena n-áirítear Cluichí Turnaiminte agus Cluichí Dúshláin) faoi mar a shonraítear, agus ó ghníomhú mar Réiteoir, Maor, Maor Líne nó Oifigeach Taobhlíne.

Ní bhaineann le Fionraíocht Chluiche ach, i gcás imreora, fionraíocht ó bheith ag imirt i gcluiche nó, i gcás oifigigh foirne, fionraíocht ó bheith ag feidhmiú ag cluiche i gcomórtas sonrath.

(e) Ciallaíonn Fionraíocht do gach Calaois eile dá bhforáiltear i Riail nó i bhFodhlí Contae Fionraíocht ó na feidhmeanna, pribhléidí agus Comórtais ar fad faoi smacht an Chumainn, ach ní ó bhallaíocht sa Chumann. I gcás Oifigigh Foirne, áirítear leis seo bainistíocht, stiúradh, cabhair, nó déanamh cumarsáide leis an bhfoireann in aon bhealach le linn thréimhse na fionraíocht atá am-bhunaithe.

(f) I gcás imeachtaí smachtaithe a bhaineann le ball a bhfuil luach saothair á fháil aige faoi chonradh fostaíochta leis an gCumann nó le haonad nó gníomhaí de chuid an Chumainn, ní chuirfear cosc le pionós a ghearrfar faoi na Rialacha seo ar an mball ó dhualgais nach mór a dhéanamh faoi théarmaí an chonartha a chomhlíonadh.

(g) I gcás ar bith a ghearrfaidh Comhairle nó Coiste i bhFeighil Fionraíocht, ach a bhfuil Fionraíocht ann cheana féin as Mí-iompar le Calaois Chluiche laistigh de 48 seachtainí, 96 seachtainí nó 192 seachtainí agus nach bhfuil an Chomhairle nó an Coiste i bhFeighil ar an eolas faoi, gearrfaidh an Chomhairle nó an Coiste i bhFeighil pionós breise de réir mar a bhaineann sé leis an gcás.

Cuirfear tús le Téarma breise Fionraíochta ar dháta éagtha na fionraíochta a forchuireadh cheana nó ó dháta an Chluiche dheireanaigh a imríodh, cibé acu is moille.

Beidh Fionraíocht bhreise Chluise infeidhme sna chéad chluichí eile sa gcomórtas sonrath sin, fiú má tharlaíonn an cluiche i gcomórtas na bliana dar gcionn. I gcás go bhfuil an Chomhairle agus an Coiste i bhFeighil sásta go raibh an teip an Fionraíocht roimhe sin a nochtadh i ngeall ar cheilt d'aon ghnó, agus gur imir an tImreoir a cuireadh ar fionraí i gCluiche (Cluichí) ar bith le linn na thréimhse nuair ba cheart dó bheith ar fhionraí, féadfaidh an Chomhairle nó an Coiste an pionós breise sin a fhorchuireadh, lena n-áirítear an Cluiche (Cluichí) a chur ar ceal (gan é a Bhronnadh ar an bhFoireann Eile) agus/nó Fionraíocht eile a fhorchur, mar is iomchuí leo.

Téarma Fionraíochta

(h) Tosóidh Téarma Fionraíochta:

(1) I gcás go gcuirtear imreoir de pháirc na himíeartha nó Oifigeach Foirne a chur de limistéar na páirce, díreach nuair a chuirtear den pháirc an t-imreoir nó an tOifigeach Foirne;

(2) I gcás rannpháirtíocht neamhdhleathach i gcluiche ó imreoir, tabhaíonn sé fionraíocht láithreach as páirt a ghlacadh. In ainneoin forálacha ar bith sa Riail seo, beidh pionós ar bith ina dhiaidh sin a fhorchuirfear ar imreoir a eascraíonn as rannpháirtíocht neamhdhleathach a cruthaíodh infheidhme i ngach Cód agus ar gach Leibhéal agus beidh sé i bhfeidhm ó dháta an chluiche dheireanaigh a d'imir sé.

Eisceacht: Ní ghabhann Pionós ar shárú ar Riail 4.2 ar an imreoir aonair.

(3) I gcás go dtuairiscíonn an Réiteoir go ndearna imreoir nó Oifigeach Foirne Calaois Mhí-iompair ag Cluichí Chatagóir V nó VI nó VII Mí-iompar ag Cluichí ó Fheall Imreoirí nó Catagóir IVa nó Va Mí-iompar ag Cluichí ó Fheall Oifigeach Foirne i ndiaidh chríoch an chluiche, díreach ó am an fhill, faoi réir fógra a thabhairt dó i scríbhinn láithreach go ndearna an tuairisc;

(4) I gcás ar bith maidir le Mí-iompar ag Cluichí ó imreoir, ó dháta an Chluiche dheireanaigh a d'imir sé. I gcás go bhfuil Calaois Mhí-iompair ag Cluichí Chatagóir I (an dara Calaois Athuaire), III nó IV ag baint leis, tagróidh sé sin don Cluiche deireanach sa Chód agus ar an Leibhéal ar a ndearnadh an Feall);

(5) I gcás Neamh-Imreora nó i gcás ar bith eile Mhí-iompair ag Cluichí ó Oifigeach Foirne, ón dáta ar glacadh an Pionós Molta nó ar dhul in éag an dá lá atá sainithe i gCód 16.1 (r), cibé acu is luaithe; nó i gcás go n-iarrann sé Éisteacht, ó dháta chinneadh an Choiste Éisteachtaí.

(i) Beidh Téarma Fionraíochta ina sheachtainí as a chéile ach amháin:

(a) I gcás go síntear Fionraíocht de bhun cuid (g) den Riail seo tar éis dhul in éag na chéad tréimhse a forchuireadh;

(b) I gcás ina bhfuil tréimhse Fionraíochta caite cheana ag an bPáirtí Cosanta as an gcalaois faoi leith arb é ábhar na Fionraíochta atá á forchuireadh, sa chás sin tabharfar an chreidiúint don tréimhse Fionraíochta atá curtha isteach cheana.

(j) Áit a bhfuil Téarma Fionraíocht gearrtha, gabhfaidh sé in éag ag deireadh (12 meán oíche) an lae deiridh den téarma tomhaiste ón dáta tosaigh agus é san áireamh. Mar shampla cuirtear deireadh le Fionraíocht ag 12 meán oíche ar an Satharn nuair a thosaigh an tréimhse Fionraíochta ar an Domhnach.

(K) Fionraíocht Chluiche

(1) I gcás go bhfuil Fionraíocht Chluiche (nó Pionós Malartach nuair nach bhfuil Fionraíocht Chluiche infheidhme, faoi mar atá leagtha síos i Riail 7.2, sainithe i gcomhair Calaoise ar leith Mhí-iompair ó Imreoirí ag Cluichí/ó Oifigigh Foirne), beidh sé i bhfeidhm a luaithe is a chuirfear an t-imreoir den pháirc nó a chuirfear an t-oifigeach foirne de Limistéar na Páirce.

(2) I gcás go dtuairiscíonn an Réiteoir go ndearna Imreoir Calaois Mhí-iompair ag Imreoirí ag Cluichí Chatagóir III nó IV i ndiaidh chríoch an chluiche, beidh an Fhionraíocht Chluiche (nó an Pionós Malartach i gcás nach bhfuil an Fhionraíocht Cluiche infheidhme, faoi mar atá leagtha síos i Riail 7.2) i bhfeidhm láithreach, faoi réir fógra a thabhairt dó i scríbhinn láithreach go ndearnadh an tuairisc.

Pionós as Sárú ar Fhionraíocht

(l) Is é an pionós a ghearrfar as rannpháirtíocht neamhdhleathach agus an t-imreoir faoi Fhionraíocht Téarma nó Chluiche:

Do Bhall/Imreoir /Foireann Official: Fionraí 24 seachtaine.

D'fhoireann as Imreoir atá ar fionraí a imirt:

- (a) Ar agóid chruthaithe -- Bronnadh an Chluiche ar an bhFoireann Eile.
- (b) Ag eascirt ó fhiosrú de chuid na Chomhairle nó an Choiste i bhFeighil: An Cluiche a chur ar Ceal gan an Cluiche a Bhronnadh ar an bhFoireann Eile, nó Fíneáil, faoi rogha na Comhairle nó an Choiste i bhFeighil agus ag brath ar na cúinsí.

Fionraíocht Ógánach – Rialacha Speisialta

(m) Beidh imreoirí ógánaigh a bheidh ag glacadh páirt i gComórtais Faoi bhun 16 nó Gráid níos Óige faoi réir pionós as Calaoisí a tharlaíonn ag Cluichí ar an mbonn céanna leis na Rialacha Ginearálta thuas, ach amháin:

- (i) go mbeidh Fionraíocht Ama íosta a fhorchuirtear as Calaois Chatagóir V nó VI i Riail 7.2(b), leath oiread na Fionraíochta sin is infheidhme in aon chás eile; agus
- (ii) beidh fionraíocht 4 seachtaine ar a laghad i gceist le pionós as sárú ar Cheanglais Ballraíochta Imeartha (Cód 8) nó as a bheith ag imirt faoi Fhionraíocht (Riail 7.3(l)).

(n) I gcás go cuirtear Club ar fionraí, ní bheidh an Fhionraíocht i bhfeidhm ar a Roinn Ógánach (Faoi bhun 16 agus níos óige) mura ndéanann an Chomhairle nó an Coiste i bhFeighil é a chuimsiú go sonrach.

Sa gcás go bhfuil Oifigeach Foirne i mbun réiteoireachta ag Cluiche de chuid na nÓg (i gcomórtais Faoi 17 nó gráid níos óige) agus iad ag déanamh feall ar Riail 7.2(c) Catagóir IIa, IIIa, IVa nó Va, beidh dhá oiread an íosphionóis a luaitear le catagóir na Rialach seo faoi seach, i gceist leis an hbFionraíocht a ghearrfar.

Laghdú ar Fhionraíocht agus ar Phionóis eile

(o) Beidh an chumhacht ag Comhairle nó Coiste a fhorchuireann Fionraíocht nó Pionós eile atá níos airde ná an t-íos-Phionós dá bhforáiltear, uair amháin ina dhiaidh sin an pionós a forchuireadh ar iarratas an Aonaid nó an Bhaill lena mbaineann a laghdú, faoi réir an mhéid seo atá ar fáil in (q) thíos:

- (1) Go léirítear chun sástacht na Comhairle nó an Choiste sin go bhfuil an Pionós a gearradh ró-dhian.
- (2) Nach féidir leis an gComhairle nó leis an gCoiste an Pionós a laghdú faoin íosphionós dá bhforáiltear i Riail nó i bhFodhlí;
- (3) Ní cheadóidh an Riail seo d'aon Chomhairle nó Choiste an tAonad nó Ball a bhfuil pionós gearrtha orthu a shaoradh, nó caitheamh leis an Aonad nó an Ball ar nós go ndearnadh siad Calaois eile, agus
- (4) Má rinneadh an Fhionraíocht bhunaidh nó Pionós bunaidh eile a athrú ar Achomharc, ní mór an tIarratas ar Athbhreithniú a dhéanamh chuig an gCoiste Achomhairc lena mbaineann.

(o) Comhairle nó Coiste a fhorchuireann Fionraíocht nó Pionós as Calaois de chuid Chatagóir VI eile atá níos airde ná an t-íos-Phionós dá bhforáiltear, beidh an chumhacht acu uair amháin ina dhiaidh sin an pionós a forchuireadh ar iarratas an imreora lena bhaineann, in áit gur féidir leis an imreoir an Chomhairle nó an Coiste ar cuma leo go bhfuil cúrsa oiliúna nó oideachas curtha i gcrích ag an imreoir. Beidh pionós mar thoradh air a leithéid de laghdú, pionós ar a laghad

- (i) in áit go bhfuil an tImreoir níos sine ná 18, Fionraíocht 24 sheachtain sa Chód céanna ar an Leibhéal céanna mar aon le Fionraíocht Dhá Chluiche, a bheidh infheidhme leis na

chéad chluichí eile sa Chomórtas céanna, fiú má bhíonn cluiche amháin nó dhá chluiche ar siúl i gcomórtas na bliana dár gcionn.

(i) in áit go bhfuil an tImreoir 18 nó níos óige, Fionraíocht 12 sheachtain sa Chód céanna ar an Leibhéal céanna mar aon le Fionraíocht Dhá Chluiche, a bheidh infheidhme leis na chéad chluichí eile sa Chomórtas céanna, fiú má bhíonn cluiche amháin nó dhá chluiche ar siúl i gcomórtas na bliana dár gcionn.

7.4 Agóidí

Aighneacht

(a) Féadfaidh an Rúnaí ábhartha Agóid maidir le bronnadh Cluiche a dhéanamh thar ceann na Foirne a bhí páirteach sa Chluiche lena mbaineann. Seachas sin ní féidir le ball nó tríú páirtí ar bith agóid a dhéanamh.

(b) Éistfidh Coiste Rialaithe Comórtas na Comhairle nó an Choiste i bhFeighil Agóidí agus Frithagóidí.

(c) Cuirfear aon Agóid isteach i ndúblach le Rúnaí an Choiste um Rialú Comórtais laistigh de thrí lá tar éis am oifigiúil tosaigh an Chluiche atá faoi cheist na hAgóide. Cuirfear Frithagóid isteach laistigh de thrí lá ón dáta agus ón am a bhfuair an tAonad Frithagóide an Fhrithagóid.

(d) In Agóid nó i bhFrithagóid:

(1) Leagfar amach na cúiseanna a bhaineann leis an Agóid, ag déanamh tagairt do na Rialacha, Cód agus/nó do na Foghlíthe agus na huimhreacha a bhaineann leo, a bhfuil sé maíte gur briseadh iad;

(2) Beidh siad sínithe ag Rúnaí an Chlub, ag an gCoiste nó ag an gComhairle a mbeidh an Agóid nó Frithagóid á ndéanamh acu agus

(3) Beidh táille €100 ag gabháil leo i gcás Club, agus €300 i gcás Coiste Contae nó Comhairle Chúige.

(e) I gcás Agóide nó Frithagóide, agus iad á lóisteáil

(1) Measfaigh an Coiste Rialaithe Comórtas, a fhéadfaigh feidhmiú ina Rúnaí, ag déanamh tagairt do Riail mhícheart nó d'uimhir Chóid a léiríonn go soiléir an Riail nó an Cód atá i gceist, measfaidh an Coiste go mbeidh sé in ord;

(2) Gan a bheith ag comhlíonadh Cód 5.2, tabharfaidh an Coiste Rialaithe Comórtas, a d'fhéadfadh gníomhú faoina Rúnaí, deis amháin don Té a Bheidh ag Déanamh na hAgóide agus don Té a bheidh ag cur ina hAghaidh chun an locht (lochtanna) a dheisiú, roimh an Éisteacht. Beidh an t-am a cheadófar chun na doiciméid a cheartú faoi rogha an Choiste Rialaithe Comórtas, fad is nach mbeidh sé sa bhreis ar thrí lá ón am a thabharfar fógra don Té a bheidh ag Déanamh na hAgóide nó don Té a bheidh ag cur ina hAghaidh, maidir leis na doiciméid nach bhfuil comhlíontach. Seachas comhlíonadh Cód 5.2 a chinntiú, ní dhéanfar athruithe ar bith eile ar na doiciméid.

(3) Má mheasann Rúnaí an Choiste Rialaithe Comórtas nach bhfuil an Agóid nó an Fhrithagóid as ord, seachas an méid atá sonraithe in (1) agus/nó (2) thuas, roinnfidh an Rúnaí an doiciméid seo leis an gCoiste mar réamhcheist le cinneadh a dhéanamh faoi, gan cruinniú 'pearsanta' a ghlaoch nuair nach bhfuil gá leis.

(i) Sa Ghaeltacht, nó i gcás go n-ordaítear i bhfodhlíthe é, déanfar Agóidí agus Frithagóidí a scríobh, agus más féidir, nó i gcás go n-ordaítear i bhFodhlíthe é, a plé, i nGaeilge.

Fógraí do pháirtithe eile agus Freagraí

(g) Cuirfear Rúnaí an Choiste Rialaithe Comórtas cóip den Agóid nó den Frithagóid chuig an bPáirtí Cosanta nó chuig an Té a bheidh ag déanamh na hAgóide (i gcás Frithagóidí) a luaithe is féidir agus d'aon turas 3 lá ón Agóid nó ón bhFrithagóid a fháil. Má theipeann ar an gComhairle nó ar an gCoiste i bhFeighil cloí leis an teorainn ama mholta sin, ní dhéanfar an Agóid nó an Fhrithagóid a chur ó bhail mar gheall air. Ní dhéanfaidh sé an Agóid nó an Fhrithagóid neamhbhailí mura gcloífidh an Chomhairle nó an Coiste i bhFeighil leis an srian molta ama.

(h) Nuair is féidir éascóidh an Ard-Stiúrthóir nó an Rúnaí Contae nó na Comhairle nó an Choiste i bhFeighil rochtain ar chóipeanna de na Taifid Oifigiúla (nó cuid díobh) a bhaineann leis an Agóid, ar iarratas i scríbhinn páirtí ar bith eile a shonraíonn an Taifead Oifigiúil (na Taifid Oifigiúla) a theastaíonn.

Ní mór iarratas a dhéanamh nuair a chuirfear an Agóid nó an Fhrithagóid isteach. I gComórtais Faoi Aoise tabharfar na sleachta/doiciméid sin sula gcuirfear Agóid/Frithagóid isteach.

Éisteacht Agóide

(i) Soláthróidh an Coiste Rialaithe Comórtas Éisteacht do na páirtithe san Agóid nó sa Fhrithagóid murar chuir an Páirtí Cosanta iarratas i scríbhinn isteach, agus seolfar an Éisteacht faoi mar a leanas:

(1) Tabharfar fógra dá leithéid do na páirtithe san Agóid nó sa Fhrithagóid maidir le dáta, áit agus am na hÉisteachta mar is gá, agus aird á tabhairt ar phráinn an cháis;

(2) Déanfaidh suas le beirt dá Bhaill Iomlána ionadaíocht ar son Aonaid.

(3) Ní thabharfar aon fhianaise ná ní dhéanfar aon aighneacht nuair nach mbeidh aon pháirtí den Agóid/Fhrithagóid i láthair mura ndéanann siad freastal ar an Éisteach gan mhíniú cuí a thabhairt. Má thugtar fianaise amhlaidh de thaisme, tabharfar arís í i láthair na bpáirtithe go léir, ionas nach ndéanfaí dochar don pháirtí nach raibh i láthair roimhe sin;

(4) Beidh na Rialacha Fianaise is infheidhme do na hÉisteachtaí um Smachtú i bhfeidhm agus beidh na cumhachtaí agus na feidhmeanna ag an gCoiste Rialaithe Comórtas a cuireadh síos don Choiste Éisteachtaí i gCód 16.1(aa).

(5) Féadfaidh an Coiste Rialaithe Comórtas an Éisteacht a chur ar atráth, a chur siar nó a athsceidealú, de réir mar is cuí leis.

(j) Ball den Choiste Rialaithe Comórtas, ar ball iad d'Aonad ar bith nó a bhfuil ról acu i ndáil le Foireann nó Aonad ar bith atá bainteach sna himeachtaí, seasfaidh siad síos ón gcás a chúiseamh nó as breith a thabhairt air.

(k) Ní fhéadfadh aon Bhall den Eagraíocht cumarsáid a dhéanfaidh le haon bhall den Choiste Rialaithe Comórtas agus é mar aidhm acu dul i bhfeidhm ar thoradh na hÉisteachta. Caithfear le cumarsáoid gan chead a bhriseann an Riail seo mar Mí-iompar a Tharraingíonn Míchlú ar an Eagraíocht. Ní chuirfidh an Riail seo cosc ar aon fhinné fianaise ábartha a thabhairt ag Éisteacht.

(l) I gcás nach féidir go réasúnta dul ar aghaidh le hÉisteacht na hAgóide nó na Frithagóide roimh dháta cluiche ar bith sa Chomórtas a d'fhéadfadh tionchar a imirt ar thoradh na hAgóide nó na Frithagóide, cuirfidh an Coiste Rialaithe Comórtas an cluiche siar.

Cinneadh

(m) Déanfaidh an Coiste Rialaithe Comórtas cinneadh de bhun na hÉisteachta. Cuirfear an cinneadh in iúl don Té a bheidh ag déanamh na hAgóide agus don Pháirtí Cosanta.

(n) Ní fhéadfar seasamh le hAgóid nó Frithagóid ach ar na forais (i) go ndearnadh Calaois lena gcuirtear an Páirtí Cosanta faoi dhliteanas pionós Cur ar Ceal, agus an Cluiche a Bhronnadh ar an Té a bheidh ag déanamh na hAgóide, nó (ii) nach raibh an scór a cheadaigh an réiteoir taifeadta aige nó gur thaifead sé an scór sin go mícheart, ag dul i gcion ar thoradh Cluiche dá réir sin; mar sin féin ní féidir Agóid nó Frithagóid a chur isteach ar na forais go ndearna an Réiteoir scór a cheadú nó a dhiúltú go mícheart.

(o) Féadfaidh an Coiste Rialaithe Comórtas, ag eascirt ón Agóid nó ón bhFrithagóid, tús a chur le Beart Smachtaithe ar bith de réir mar is iomchuí leis faoina rogha féin.

(p) I gcás go n-éireoidh le hAgóid nó le Frithagóid, aisíocfar an táille. Sa chás go mbeidh costas ar pháirtí in Agóid nó i bhFrithagóid a d'éirigh leis chun a aois a chruthú chun críche na hÉisteachta, íocfaidh an páirtí nár éirigh leis an costas ar ais.

7.5 Achomhairc

Ceart chun Achomhairc

(a) Faoi réir Riail 7.5(d) agus (e) thíos, Ball nó Aonad a bheidh bainteach go díreach i gcinneadh ar bith a dhéanfaidh an Chomhairle, an Coiste i bhFeighil nó Coinbhinsiún Contae/Cúige (an Cinnteoir), beidh an ceart aige Achomharc amháin a dhéanamh (agus Achomharc amháin in aghaidh diúltú Achomhairc as neamhchomhlíonadh foirmiúlachtaí) faoi mar a leanas:

(1) Maidir le cinntí arna ndéanamh ag Coiste Roinne nó ag Fochoistí eile a bunaíodh faoi Riail 3.17(l), chun an Choiste Contae um Éisteachtaí nó de réir mar a bheidh a mhalairt sonraithe i bhFodhlíthe Contae;

(2) Maidir le cinntí arna ndéanamh ag Coiste Contae nó ag Fochoiste a bunaíodh faoi Riail 3.18 agus cumhachtaí iomlánach á bhfeidhmiú, chun an Choiste Cúige um Éisteachtaí;

(3) Maidir le cinntí arna ndéanamh ag Comhairle Chúige, chun an Lárchoiste Achomharc; agus

(4) Maidir le cinntí arna ndéanamh ag Fochoistí na hArd-Chomhairle, chun an Lárchoiste Achomharc.

(b) Beidh ceart ag an gCoiste Contae (trína Fhochoiste Cinnteoireachta, más cuí) i ngach cás chun Achomharc a dhéanamh chun an Lárchoiste Achomharc i gcoinne gach cinnidh a raibh siad ina bpáirt iontu.

(c) Beidh an ceart ag gach páirtí a bhaineann le bun-Éisteacht a bheith i láthair agus páirt a ghlacadh in éisteacht an Achomhairc.

(d) Déanfaidh Aonaid Idirnáisiúnta (seachas an Bhreatain) foráil i leith próiseas achomharc laistigh dá struchtúir inmheánacha. Ní fhéadfar achomharc a dhéanamh ach i gcúinsí eisceachtúla, a chinnfidh Coiste Bainistíochta na hArd-Chomhairle, i gcoinne cinntí Aonaid Thar Lear a dhéanfar chun an Lárchoiste Achomharc.

(e) Ní dhéanfar Achomharc:

(1) In aghaidh aon chinnidh de chuid na hArd-Chomhairle nó d'aon Aonad maidir le cur i bhfeidhm an chinnte sin:

(2) Lasmuigh den Chontae, i gcoinne cinnidh de chuid Coiste Contae nó, de réir mar is cuí i Riail, ceann dá Fhochoistí maidir le:

(i) Aistrithe laistigh de Chontae,

(ii) Grádú Clubanna agus Imreoirí,

(iii) Socruithe le haghaidh dáta agus ionad Cluiche (ar an gcoinníoll go dtabharfar fógra),

(iv) Ceapadh Réiteoirí,

(v) Riarachán agus Rialú Foirne Contae, agus

(vi) Cinneadh de chuid an Choiste Contae um Éisteachtaí maidir le gníomh smachtaithe a bhfuil tús curtha ag an gCoiste Feidhmeach de chuid Chlub leis, nó

(3) I gcoinne cinnidh de chuid an Lárchoiste Rialaithe Comórtas nó Coiste Cúige Rialaithe Comórtas maidir le socruithe le haghaidh dáta agus ionad Cluiche (ar an gcoinníoll go dtabharfar fógra), nó

(4) In aghaidh chinneadh de chuid Choiste ar bith Rialaithe Comórtas i gcaitheamh thús, fhiosrú agus ullmhú Gníomh Smachtaithe. (Féadfar gearán i ndáil le cúrsa ar bith den sórt sin a ardú ag Éisteacht, agus d'fhéadfadh Cinneadh an Choiste Éisteachta ar an gcúrsa sin bheith ina ábhar Achomhairc), nó

(5) I gcoinne cinnidh de chuid Aonaid nó Fhochoiste ar bith den Aonad sin a rinne an tAonad sin nó Fochoiste den Aonad céanna (e.g. Ní fhéadfaidh Coiste Contae nó a Choiste Bainistíochta/Choiste Rialaithe Comórtas, achomharc a dhéanamh i gcoinne Cinnidh de chuid a Choiste Éisteachtaí féin, agus mar an gcéanna ar na leibhéil Chúige agus Láir), ach amháin mar a fhoráiltear i Riail 3.17(m).

Achomharc a Chur Isteach

(f) Cuirfear Achomharc isteach i ndúbláil chuig Rúnaí an Coiste Éisteachtaí achomhairc, agus gheofar iad laistigh de thrí lá ó dháta agus am fhógra an chinnidh, nó i gcás nach dteastaíonn fógra a thabhairt i Riail, laistigh de thrí lá ó mheán oíche i ndiaidh an chruinnithe ag a ndearnadh an cinneadh. Fanfaidh aon pionós arna ghearradh i bhfeidhm d'ainneoin gur cuireadh isteach Achomharc.

(g) Beidh Achomharc sínithe ag an Achomharcóir, nó i gcás Club, Coiste nó Comhairle, ag a Rúnaí agus:

(1) Leagfar amach ann forais an achomhairc lena n-áirítear (i) an Riail shonrach (Rialacha sonracha) a sáraíodh nó a mí-úsáideadh de réir mar a líomhnaítear agus (ii) na fíricí a líomhnaítear le tacú leis na forais;

(2) Sonrófar ann cibé ar iarradh Éisteacht ó Bhéal; agus

(3) Beidh táille €100 ag gabháil leo i gcás Club, agus €300 i gcás Coiste Contae nó Comhairle Chúige.

(h) I gcás Achomhairc, agus é á lóisteáil:

(1) Ina dtagraíonn sé d'uimhir mhícheart Rialach i gcás gur léir as an gcomhthéacs cén Riail atá i gceist, measfaidh an Coiste Éisteachtaí achomhairc, a d'fhéadfadh gníomhú faoina Rúnaí, go bhfuil sé in ord;

(2) Gan a bheith ag comhlíonadh Cód 5.2, tabharfaidh an Coiste Éisteacht Achomharc, a d'fhéadfadh gníomhú faoina Rúnaí, deis amháin don Achomharcóir chun an locht (lochtanna) a dheisiú, roimh Éisteacht an Achomhairc. Beidh an t-am a cheadófar chun na doiciméid a cheartú faoi rogha an Choiste Rialaithe Comórtas, fad is nach mbeidh sé sa bhreis ar thrí lá ón am a thabharfar fógra don Achomharcóir, maidir leis na doiciméid nach bhfuil comhlíontach. Seachas comhlíonadh Cód 5.2 a chinntiú, ní dhéanfar athruithe ar bith eile ar Achomharc.

(3) Má mheasann Rúnaí an Choiste Éisteachtaí Achomharc nach bhfuil an tAchomharc in ord, seachas an méid atá sonraithe in (1) agus/nó (2) thuas, roinnfidh an Rúnaí an doiciméid seo leis an gCoiste mar réamhcheist le cinneadh a dhéanamh faoi, gan cruinniú ‘pearsanta’ a ghlaoch nuair nach bhfuil gá leis.

(i) Sa Ghaeltacht, nó i gcás go n-ordaítear i bhfodhlíthe é, déanfar Achomhairc a scríobh, agus más féidir, nó i gcás go n-ordaítear i bhFodhlíthe é, a phlé, i nGaeilge.

Fógra maidir leis an Achomharc agus Freagraí

(j) Seolfaidh an Coiste Éisteachtaí achomhairc Cóip den Achomharc, mar aon leis an bhfógra maidir le háit, dáta agus am na hÉisteachta Achomhairc, a luaithe is féidir chuig:

(1) an Cinnteoir;

(2) i gcás Achomhairc a tháinig as Agóid nó as Frithagóid, chuig an bpáirtí san Agóid nó sa Fhrithagóid ar éirigh leis.

(k) Cuirfidh an Cinnteoir cóip de mhiontuairiscí Éisteachta ábhartha ar bith chuig an gCoiste Éisteachtaí achomhairc.

(l) I gcás nach n-iarrann an tAchomharcóir Éisteacht ó Bhéal, féadfaidh an Cinnteoir agus an páirtí ar éirigh leis (i gcás Agóide nó Frithagóide) Freagra i Scríbhinn nó iarratas ar Éisteacht ó Bhéal a sheoladh laistigh de thrí lá ar a laghad óna nAchomharc a fháil. I gcás go n-iarrann páirtí ar bith san Achomharc Éisteacht ó Bhéal, tionólfar Éisteacht ó Bhéal dá réir sin.

(m) Nuair is féidir éascóidh an tArd-Stiúrthóir nó an Rúnaí Contae nó Cúige nó an Chomhairle nó an Coiste i bhFeighil rochtain ar chóipeanna de na Taifid Oifigiúla (nó cuid díobh) a bhaineann leis an Achomharc, ar iarratas i scríbhinn páirtí ar bith eile a shonraíonn an Taifead Oifigiúil (na Taifid Oifigiúla) a theastaíonn.

I gcás Achomhairc ar bith as Beart Smachtaithe nó Agóid, is é an Taifead Oifigiúil a sholáthrófar miontuairiscí oifigiúla na hÉisteachta agus an Chinnidh, ábhar an Achomhairc, agus ní áireofar leo sin breitheanna príobháideacha an Chinnteora.

Raon feidhme agus Éisteacht Achomhairc

(n) Éistfear an tAchomharc a luaithe is a bheidh sé áisiúil go réasúnta agus beidh na Rialacha Nós imeachta arna leagan amach i gCód 16.1(u) go (aa) i bhfeidhm maidir leis an Éisteacht Achomhairc, mar is cuí. Éisteacht an Achomhairc, de réir mar is ábhartha. Mar sin féin, ní fhéadfaidh an tAchomharcóir glao ach ar fhinnéithe a thug fianaise ag an gcéad Éisteacht amháin.

(o) Beidh Achomharc faoi theorainn na gcúrsaí a ardófar in Achomharc an Achomharcóra faoi mar a lóisteáladh é i dtosach agus ní sheasfar leis ach i gcás (i) go bhfuil sé soiléir go ndearna an Cinnteoir an Riail a shárú nó a mhí-úsáid nó (ii) go ndearnadh dochar ar shlí eile do cheart an Achomharcóra chun éisteacht chóir a mhéid is go bhfuil sé soiléir go ndearnadh éagóir. Ní chuirfear deimhniú fíorais ar bith ag an gCinnteoir ar leataobh mura léirítear go raibh sé mícheart go follasach.

Cinneadh

(p) Déanfaidh an Coiste Éisteachtaí Achomhairc cinneadh de bhun an Achomhairc agus cuirfear an cinneadh sin in iúl don Achomharcóir, don Chinnteoir agus do pháirtí ábhartha ar bith eile. I gcás go seasfar le hAchomharc, déanfaidh an Coiste Éisteachtaí achomhairc:

(i) an cinneadh a ndearnadh an t-achomharc ina leith a chur ar neamhní agus a ordú nach ndéanfaí an Cinnteoir gníomh ar bith eile,

(ii) an cheist a chur ar aghaidh lena hath-éisteacht nó lena hathphróiseáil (le moltaí nó gan moltaí maidir leis an nós imeachta), nó

(iii) a chinneadh féin ar an gceist a ionadú.

(q) I gcás go seasfar le hachomharc, aisíocfar an táille a íocadh.

Cluichí agus Comórtais a dtéann Achomhairc i gcion orthu

(r) Is faoin gComhairle nó faoin gCoiste i bhFeighil é Cluiche a chur siar ar an mbonn go ndéanann Aonad a bhí bainteach sa chluiche Achomhairc, nár eascair as cinneadh maidir le hAgóid nó maidir le bhFrithagóid, a lóisteáil le Comhlacht níos airde.

(s) Mura n-imreofar an Cluiche ina bhfuil an tAchomharcóir bainteach ar an dáta/am beartaithe, ag feitheamh Éisteachta ón gCoiste Éisteachtaí achomhairc, nár eascair as cinneadh maidir le hAgóid nó maidir le Frithagóid, agus má theipeann ar an Achomharc, dearbhóidh Aonad an Achomharcóra gur cailleadh an Cluiche.

(t) I gcás go dtéann Comórtas Díbeartha ar aghaidh, ag feitheamh Éisteacht Achomhairc, nár eascair as cinneadh maidir le hAgóid nó maidir le Frithagóid, ag Aonad, agus má éiríonn leis an Achomharc, beidh an nós imeachta seo a leanas i bhfeidhm:

(1) Seasfaidh torthaí na gCluichí a imríodh idir an dá linn.

(2) Imreoidh an tAchomharcóir rathúil in éadan na Foirne eile (murar dícháilíodh an fhoireann le cinneadh an Achomhairc) a bhí bainteach sa Chluiche nár imreoidh ag feitheamh Éisteacht an Achomhairc. Má éiríonn leo sa Chluiche seo, rachaidh an Fhoireann Achomhairc ar aghaidh go dtí an chéim a shroich siad sa Chomórtas, agus toradh an Achomhairc ar feitheamh.

7.6 Imreoirí a Thabhairt Ar Ais

Déanfaidh an Ard-Chomhairle na moltaí a rinne an Lárchoiste Achomharc a bhreathnú agus tabharfaidh sí breith orthu maidir le himreoirí/baill a bhfuil fionraíocht á cur isteach acu a forchuireadh de réir Rialach a thabhairt ar ais nó eile.

Beidh an rogha absalóideach ag an Lárchoiste Achomharc maidir leis an bhfeidhm seo a fheidhmiú ach ní bhreathnóidh sé ar chásanna lena gcomhlíontar na critéir seo a leanas:

(i) Nach cás Mí-iompair ag Cluichí nó Calaois ar bith a rinneadh in éadan Réiteora, Maoir, Maor Líne nó Oifigeach Taobhlíne é.

(ii) Cás é ina raibh cruatan mar thoradh ar fheidhmiú docht na Rialacha; agus

(iii) Cás é a mhol an Chomhairle nó an Coiste a d'fhorchuir an pionós bunaidh dó.

7.7 Eadráin

(a) I gcás díospóide nó difríochta idir ball nó aonad ar bith den Chumann le ball nó aonad eile den Chumann, maidir le dlíthiúlacht cinnidh ar bith a rinne aonad ar bith de chuid an Chumainn nó nós imeachta ar bith a d'úsáid siad de bhun Rialacha agus Fhodlíthe an Chumainn, nach féidir a shocrú ar bhealach cairdiúil laistigh de Rialacha an Chumainn, féadfaidh páirtí ar bith san Eadráin díospóid dá leithéid a chur ar aghaidh faoin gCód Réitigh Díospóidí atá ceangailte leis na Rialacha sin. In ainneoin aon soláthar eile sa Treoir Oifigiúil seo, d'fhéadfaí go n-athróidh an tÚdarás Réitigh Díospóidí an Cód Réitigh Díospóidí ó am go chéile le cead ón Ard-Chomhairle.

(b) Déanfar Réiteach Díospóide mar sin de réir an Chóid sin agus de réir Achtanna Eadrána 1954 agus 1980 nó mionathrú nó ath-acthú reachtúil ar bith air. Rialófar Réiteach Díospóide dá leithéid le Rialacha an Chumainn agus Dílíthe na hÉireann.

(c) Ní eiseoidh ball nó aonad den Chumann imeachtaí a bhaineann le Díospóid dá leithéid i gCúirt Díl ar bith i ndlínse ar bith.

(d) Ní chuirfidh ball nó aonad den Chumann Díospóid dá leithéid ar aghaidh chuig Réiteach Díospóide go dtí nach mbeidh réiteach ar bith ar an Achomharc nár thriail siad faoi Rialacha an Chumainn.

(e) Díospóidí ar bith a eascróidh as rialú dópála nó a bhaineann le rialú dópála faoi Rialacha an Chumainn, rialacha den Chomhairle Spóirt nó faoi dhlí ginearálta, ní bheidh siad ina n-ábhar in Eadráin ar bith faoin Riail seo.

(f) Ní bhainfidh Eadráin ach le Díospóidí a ardóidh Baill/Aonaid ó Éirinn nó ón mBreatain. (Féach Aguisín 5).

7.8 Cásanna Tarchurtha - Bunú na gCoistí

Féadfaidh an Coiste/an Chomhairle lena mbaineann (nó a Coiste Bainistíochta faoi seach) baill shealadacha a cheapadh sa Choiste Rialaithe Comórtas agus/sa Choiste Éisteachtaí, de réir mar is gá, chun an cás a bhfuiltear ag déileáil leis a éascú sna cáis seo a leanas:

I gcás go dtarchuirtear cás lena athéisteacht nó lena athphróiseáil, le treoir bhreise gur féidir le Coiste (Coistí), atá comhdhéanta ar shlí dhifriúil déileáil leis an gcás.

(b) I gcás go dteastaíonn baill shealadacha ó Choiste mar gheall nach bhfuiltear in ann teacht ar chóram agus mar gheall ar choimhlintí leasa.